

Ilanngussaq A



INATSISARTUT

Aningaasaqarnermut Naalakkersuisoq

Ulloq: 5. februar 2013

J.nr.: 01.31.06/13-00617

Aningaasaqarnermut Akileraartarnernullu Ataatsimiititaliap ulloq 31. januar 2013 aalajangiussaani Aningaasaqarnermut Naalakkersuisumut paasisutissiineq(suliap nr. 01.31.06/13-00617)

Kontop pingaarnep 20.11.52 Meeqqanut Inuusuttunullu suliniuteqarnermi aqqissuussaanermi politikki aamma immikkut suliniuteqarneq, atuutilersinneqarnissaanut pilersarummut 2013-imut aningaassaliissutit ilassutaannik qinnuteqaat

"Naalakkersuisut inassuteqaatigaat.

kontomi pingaarnep 40.01.08 Ilinniartitaanermut pilersaarut kiisalu ilinniartitaanerup immikkut ittumik suliniuteqarfigineqarnera aningaasaliissutit 8.150.000 kr.-inik qaffanneqassasut,

kontomi pingaarnep 40.91.02 Siunnersortit ilinniartitaanerat 2.000.000 kr.-inik qaffanneqassasut,

kontomi pingaarnep 64.13.23 Piareersarfiit aningaasaliissutit 6.350.000 kr.-inik qaffanneqassasut,

kontomi pingaarnep 64.13.25 Suliffissaaleqisut immikkut ittumik suliniuteqarfigineqarnerat aningaasaliissutit 20.000.000 kr.-inik qaffanneqassasut aamma

kontomi pingaarnep 20.11.52 Suliffissaaleqisunut aamma 15-iniit 18-inut ukiullit ilinniartitaanerup avataaniittunut immikkut suliniuteqarnermut aqqissuussaanermi politikki aningaasat, 36.500.000 kr.-inik appartinneqassasut."

Aningaasaqarnermut Ataatsimiititaliap oqaaseqaatai

Konto pingaarnep qulaani pineqartup 20.11.52 atuutilersinneqarnissaa Naalakkersuisut qinnuteqaataanni kissaatigineqarpoq.

Suliffissaaleqisut amerlanerusut immikkut suliniuteqarfigineqarnissaat pingaaruteqartoq inuusuttullu amerlanerusut ilinniagaqarnissamut suliffeqalernissamullu piareersimanerulernissaannik suliniuteqartoqartariaqartoq Aningaasaqarnermut Ataatsimiititaliaq tunngaviusumik isumaqarpoq.

Ataatsimiititaliaq makkuninnga oqaaseqaateqarlunilu apeqquteqarniarpoq:

1. Inuusuttunut suliffeqanngitsunullu suliniutit qulaani pineqartut isumaginninnikkut sunniutigisinnaasaat ataatsimiititaliap isumaa naapertorlugu ilanngunneqarsimanngillat. Isumaginninnikkut ajornartorsiutillit soorlu imigassamik atornerluisut ilinniagaqalernissamut suliffeqalernissamullu piareersimanerulernissaannik pitsaanerul-

- sumik periarfissaqalernissaannik innuttaasut qulakkeerunneqarnissaat qin-nuteqaammi piginnaanngorsaanerup taaneqartup saniatigut Naalakkersuisut aala-jangersimasumik qanoq iliuseqalersaarnersut ataatsimiititaliap paaserusuppaa?
2. 2013-imut Aningaasanut Inatsimmi, konto pingaarnermi 20.11.52-mi allassimavoq suliniutit kommuniinnaanngitsunut suliffeqarfinnulli aamma suleqatigiissutigineqasasut. Ilassutitut aningaasaliissutissatut qinnuteqaammi ilanngussanilu, suliffeqarfiit suleqatigineqarnerat annikitsutut isigineqarsinnaavoq. Tamatuma itisilernerqarnissaa kissaatigineqarpoq.
 3. Suliniutit allaaserineqartut nalilersorneqarnissaannut Naalakkersuisut qanoq qulak-keeriniarnerminnik nassuiaanissaat ataatsimiititaliamit kissaatigineqarpoq, taamaaliornikkut aningaasaliissutit siunertaat pissutsit piviusut aallaavigalugit anguneqarnerseq naatsorsorneqarsinnaaqullugu.
 4. Suliniutinut tak. Ilanngussat 1 aamma 2 aningaasanik agguassinermit pingaarnersi- uineq suna tunngaveqarnerseq paasissutissiissutigineqarnissa ataatsimiititaliap kissaatigaa. Boot-campimut aamma Timi- Asimimut aningaasaliissutitut sanilliullugu assersuutigalugu efterskolinut højskolinullu tunngatillugu pitsaaqutinik takussutissi- anik pilersitsiniarnermut aningaasat amerlangaatsiartut sooq immikkoortinneqarpat.
 5. Illoqarfinni arlalinni Piareersarfinni ilinniartunngorumallutik qinnuteqartartut tamaasa tiguisinnaanissaannut ajornartorsiuteqartoqartoq ataatsimiititaliamit ilisimaneqarpoq. Aammattaaq suliniutinut arlalinnut ingerlatsinissamut immikkut aningaasaliisoqar- nissaa Naalakkersuisunit kissaatigineqarpoq. Annertusisamik suliaqarnissamut im- mikkooortortat piareersimanissaat isumannaarniarlugu Naalakkersuisut qanoq piler- saaruteqarpat? Assersuutigalugu ilinniartitsisut piginnaasallit, sulisullu allat, init ilin- niartitsiviit il.il. uani eqqarsaatigineqarput. Ilanngullugu Piareersarfiit ilinniartunik amerlanerusunik tiguisinnaanissaat qulakkeerniarlugu ungasinnerusooq isigalugu pi- lersaaruteqartoqarnerseq paasissutissiissutigineqarnissaa ataatsimiititaliamit kissaatigineqarpoq.
 6. ilanngussaq 2-mi aningaasartuutit sukumiisumik nassuiarneqarnissaat kissaatigi- neqarpoq. Kommunini ataasiakkaani suliffissaaleqisunut suliniutinut tunngatillugu suliat annertussusaannut naleqqiullugu aningaasartuutit 2013-mut immikkut anin- gaasaliissutissatut ilimagisanut naapertuutinnginnerat arlalitsigut ersertoq as- sersuutigineqarsinnaavoq.
 7. Aningaasaliissutissatut ilanngussami konto pingaarneq 40.91.02-mi titarnertaaq ” *qinnuteqartartut amerlasuut kingunerisaanik...* ” Siunnersuisartunik ilinniartinermut tunngassuteqartoq paasiuminaappoq. Missingersuutinut ilanngussamik allanngorti- tamik, titarnertaaq pineqartoq paasiuminarsarlugu, nassinneqarnissani ataatsimiitita- liap kissaatigaa.
 8. Aningaasaliissutini konto pingaarnermi 64.13.25-imi suliffissaaleqisunut immikkut suliniutinut ilassutitut aningaasaliissutitut inatsimmi taamaallaat allassimammata ata- atsimiititaliamit ajuusaarnartutut isumaqarfigineqarpoq. Tamanna tunngavigalugu 2013-imut Aningaasanut Inatsisip akuersissutigineqarnerani aningaasat konto pingaarneq 64.13.25-imiit konto pingaarneq 20.11.52-imut nuunneqartuniit sooq konto pingaarnermut 64.13.25-imut utertitsinissaq Naalakkersuisunit qinnutigineqar- nissaa toqqarneqarsimanersooq itisiliiffigineqarnissaa ataatsimiititaliamit kissaatigi- neqarpoq.
 9. Oqaasertaliussatigut 2012-imi aningaasanut inatsimmi atuinikinnerusimanermit 6 mio. kr.-t pallillugit 2013-imut nuussinissamut Aningaasaqarnermut Ataatsimiititaliap Naalakkersuisut piginnaatippai. Tamanna tunngavigalugu aningaasanut inatsimmut

2013-imut aningaasat qanoq amerlatigisut nuunneqarsimanersut paasisutissiis-
sutigineqassasoq kissaatigineqarpoq.

Aningaasaqarnermut Ataatsimiititaliap aalajangiinera

Qulaani allassimasunut paasinnilluni apeqqutillu qulaani pineqartut assilinerinik qarasaa-
siakkut julie@inatsisartut.gl-mut kingusinnerpaamik ulloq 15. februar kalaallisut danskisullu
Naalakkersuisunit naammaginartumik akineqarnissaat **naatsorsuutigalugu** Naalakkersui-
sut inassuteqaataat Aningaasaqarnermut Ataatsimiititaliamit **akuersissutigineqarpoq**.

Ataatsimiititaliaq sinnerlugu

Andreas Uldum
Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
/MAANI

617

**Kontomi pingaarnermi 20.11.52 Aaqqissuusseqqinnernut atugassatut
aningaasaliissutit atugassanngortinneqarnissaanut pilersaarutit pillugit
akissuteqaat**

15-02-2013
Suliap normua. 2012-065431
All. nr. 1004351

Meeqqanut Inuusuttunullu suliniutit kiisalu suliffissaaleqisut immikkut
iliusseqarfiginissaanut Aaqqissuusseqinnermut atugassatut aningaasaliissutit
atugassanngortinneqarnissaanut pilersaarutit pillugit immikkut
aningaasaliisoqarnissaanik Naalakkersuisut qinnuteqaataat Aningaasaqarnermut
Akileraartarnermullu Ataatsimiititaliamit 5.februar 2013-imi akuersissutigineqarpoq.
Akuersissuteqarnermut atatillugu piumasarineqarpoq apeqquutit arlallit
Naalakkersuisunit akissuteqarfigineqartariaqarnissaat.

P. O. Box 1037
3900 Nuuk
Oqarasuaat (+299) 34 50 00
Nassitsigasuaat (+299) 34 63
50
E-mail: oed@nanoq.gl
www.nanoq.gl

Illassutit aningaasaliisoqarnissaanik qinnuteqaammisut apeqquutigineqartut
suliassaqarfinnut assigiinngitsunut tunngassuteqarput. Tamatuma kingunerisaanik
apeqqutigineqartut ilaanut akissutissat Inuusutissarsiornermut Aatsitassaqarnermullu
Naalakkersuisumit kiisalu Ilinniartitaanermut Iisimatusarnermullu Naalakkersuisumit
pissarsiariniarneqarsimapput.

Ataatsimiititaliap apeqquuteqaatai tullinnguutuni akissuteqarfigineqarput apeqquutinullu
ataatsiakkaanut tunngatillugu Naalakkersuisup sorliup akissutigisimanerai
ersersinneqatassalluni.

1. *Inuusuttunut suliffeqanngitsunullu suliniutit qulaani pineqartut
isumaginninnikkut sunniutigisinnaasaat ataatsimiititaliap isumaa
naapertorlugu ilanngunneqarsimannngillat. Isumaginninnikkut
ajornartorsiutillit soorlu imigassamik atornerluisut
ilinniagaqalernissamut suliffeqalernissamullu
piareersimanerulernissaannik pitsaanagerusumik
periarfissaqalernissaannik innuttaasut qulakkeerunneqarnissaat
qinnuteqaammi piginnaanngorsaanerup taaneqartup saniatigut
Naalakkersuisut aalajangersimasumik qanoq iliuuseqalersaarnersut
ataatsimiititaliap paaserusuppaa?*

Inuusutissarsiornermut Aatsitassanullu Naalakkersuisoq akissuteqarpoq:

Suliffissaaleqisut immikkut iliuuseqarfigineranni pingaartinneqarsimavoq
suliffissaaleqisunut eqimattat siullianniittut, iliuussissat ilaanut tunngatillugu,
amerlanersaasa piginnaanngorsarluni pikkorissartitsisarnissanut
peqataatinneqartarnissaat. Inuit eqimattat siullianniittut tassaatinneqarput inuit
suliffittaarnissaminnut piareersimasut suliffissaqanngiinnartut. Piginnaanngorsarluni
pikkorissartitsinissanut inunnik eqimattanut inissitsitalarluni toqqartuisariaqarnermut
patsisaavoq aningaasat atugassanngortinneqartut siunertaqarluarnerpaamik
atorneqarnissaat, taamaasiortoqarneratigut inuit suliffittaarnissaminnut piareersimasut

4. *Suliniutinut tak. Ilanngussat 1 aamma 2 aningaasanik agguassinermi pingaarnersiuneq suna tunngaveqarnersoq paasissutissiissutigineqarnissa ataatsimiititaliap kissaatigaa. Boot-campimut aamma Timi- Asimimut aningaasaliissutinut sanilliullugu assersuutigalugu efterskolinut højskolinullu tunngatillugu pitsaaqutinik takussutissianik pilersitsiniarnermut aningaasat amerlangaatsiartut sooq immikkoortinneqarpat.*

Ilinniartitaanermut Iisimatusarnermullu Naalackersuisoq akissuteqarpoq:

Pilersaarutinut takuuk ilanngussaq 1 aamma 2 aningaasaliissutit agguartarnerini pingaarnersiuisarnerit qanoq ingerlanneqartarnerisut Ataatsimiititaliap paaserusuppa. Boot-campimut aamma Timi- Asimimut aningaasaliissutinut sanilliullugu assersuutigalugu efterskolinut højskolinullu tunngatillugu pitsaaqutinik takussutissianik pilersitsiniarnermut aningaasat amerlangaatsiartut sooq immikkoortinneqarpat.

Pingaarnersiulluni tulleriarineq Kanukoka suleqatigalugu ingerlanneqarpoq, tassani siunertarinerqarluni sullinniarneqartut eqqarsaatigalugit aningaasaliissutit sunniuteqarluarnerpaamik atorneqarnissaat. Tassa imaapoq sullinniarneqartut amerlanersaanut tunngatillugu namminneq pisariaqartitaat naapertorlugit piginnaangorsarnermikkut inuussutissarsiuutigilersinnaasaminnik ilinniarsinnaanissaminnut periarfissinneqassapput.

Efterskolinut højskolinullu pitsaaqutinik takussutissianut aningaasaliissutit eqqarsaatigalugit inuussuttut sullinniarneqartut sullissinnaajumallugit Naalackersuisut pisariqartinneqartunik aningaasaliisimapput, taamaasillutik inuussuttut efterskolerniartut efterskolinut inuussuttunik kalaallinik ilinniartoqartarnermikkut misillitagalinnut, soqutiginnittunut aammalu kalaallinik ilinniartoqalernissaminnut misillitagalinnut ilinniartunngorsinnaanissaat innersuusisartumit innersuunneqartalissapput. Inuussutunnut Danmarkimi nalinginnaasumik ilinnialersussanuttaaq innersuusisartooq atorneqarsinnaasaaq. Pitsaaqutinik takussutissiap qulakkiisavaa aningaasat aningaasanut inatsit aqutigalugu ukiukkaartumik aningaasaliissutigineqartartut sunniuteqarluarnerpaamik atorneqartarnissaat, kalaallimmi inuussuttut efterskolerniartut højskolerniartullu ilinniartissat pitsaasut ujartortalissamatigit.

5. *Iloqarfinni arlalinni Piareersarfinni ilinniartunngorumallutik qinnuteqartartut tamaasa tigusinnaanissaannut ajornartorsiuteqartoqartoq ataatsimiititaliamit iisimaneqarpoq. Aammattaaq suliniutinut arlalinnut ingerlatsinissamut immikkut aningaasaliisoqarnissaa Naalackersuisunit kissaatigineqarpoq. Annertusisamik suliaqarnissamut immikkoortortat piareersimanissaat isumannaarniarlugu Naalackersuisut qanoq pilersaaruteqarpat? Assersuutigalugu ilinniartitsisut piginnaasallit, sulisullu allat, init ilinniartitsiviit il.il. uani eqqarsaatigineqarput. Ilanngullugu Piareersarfiit ilinniartunik amerlanerusunik tigusinnaanissaat qulakkeerniarlugu ungasinnerusoq isigalugu pilersaaruteqartoqarnersoq paasissutissiissutigineqarnissaa ataatsimiititaliamit kissaatigineqarpoq.*

Inuussutissarsiornermut Aatsitassanullu Naalackersuisoq akissuteqarpoq:

Piareersarfiit amerlasuunik utaqqisuutillit kommunit suleqatigalugit sapinngisamik salliutinniarneqassapput. Piareersarfiit aningaasatigit tapiiffigineqarnerpaajupput ilaatigut atuagarsorluni immikkut piginnaangorsarnissanut ilaatigullu inuussuttut

ilinniarlernissaminut sulilernissaminnulluunniit piaareersimanngitsunut assassarluni sulisitsinissanut atugassatut. Sulisussanik, ilinniartitsisussanillu atorfinitsitsinerit ininillu ilinniarfissanik pissarsiniarnerit kommunit suliassaraat, tassani Immikkut suliniuteqarnissanut aningaasaliissutit ilaatigooriarluni atorneqartarput ilinniartussat amerlasimatillugit hold-inik nutaanik pilersitsinissanut, sulisorineqalersut aningaasarsiassaanut, taamatuttaaq nuunnermi aningaasartuutitut aningaasanik illikartitsisoqartarpoq sulisunik pikkorissunik avataaneersunik atorfinitsitsisoqassatillugu. Taamaakkaluortoq kommunip sulisunik piginnaaneqarluartunik atorfinitsitsinissmik naliliisarneq atorfinitsitsisarnerlu akisussaaffigaa. Piareersarfinnut tunngatillugu sullissinissamik isumaqatigiissutit kommuninut isumaqatiginninniutigeqqinneqarnissaat pilersaarutaavoq, tassunga ilanngullugit nalilersorneqassalluni Piareersarfinni inissat periarfissallu aallaavigalugit amerlanerusunik ilinniartoqartalersinnaanissaq.

6. *ilanngussaq 2-mi aningaasartuutit sukumiisumik nassuiarneqarnissaat kissaatigineqarpoq. Kommunini ataasiakkaani suliffissaaleqisunut suliniutinut tunngatillugu suli at annertussusaannut naleqqiullugu aningaasartuutit 2013-mut immikkut aningaasaliissutissat ilimagisanut naapertuutinnginnerat arlalitsigut ersertoq assersuutigineqarsinnaavoq.*

Inuussutissarsiornermut Aatsitassanullu Naalakkersuisoq akissuteqarpoq:

ilanngussaq 2-mi marlunnik kukkuneqarpoq, suliassallu naatsorsorneqarnerinut atatillugu naqqinneqartunik. Tabl-imi tullinnguuttumi suliassat marluk nalunaarlugit naqqissorneqarput ukunani

Suliffissaaleqisut 2013-imi immikkut iliuusseqarfiginissaat	
	mio. kr.
Kommune Kujalleq	
Paasisaqarnissaq siunertaralugu pikkorissarnerit	0,3
Sullivinnut pilersaarut	2,0
PKU-pikkorissarnerit	1.2.
Kujalleq katillugit	3.5.
Qeqqata Kommunian	
Paasisaqarnissaq siunertaralugu pikkorissarnerit Man	0,1
Sullivinnut pilersaarut Man	2,2
Paasisaqarnissaq siunertaralugu pikkorissarnerit Sis	0,1
Sullivinnut pilersaarut Sis	2,2
Qeqqata katillugit	4,6
Kommuneqarfik Sermersooq	

PKU-pikkorissarnerit hotel	0,50
PKU-pikkorissarnerit aatsitassat	2,30
FA holdit Nuuk	3,00
Sullivik Paamiut	1,25
Illoqarfik qorsooqqissoq pillugu suliniut	0,85
Takornariaqarneq pillugu suliniut Tasillaq	0,75
Eqqagassat/saliineq. Tasillaq	0,50
Sullivik Illoqqortoormiut	1,25
Sermersooq katillugit	10,40
Qaasuitsup kommunia	
AEU-holdi Ilulissat	3,00
AEU-holdi Aasiaat	3,25
Eqqagassat/ingutserinissamut suliniut	2,25
AEU-holdi Upernavik	1,50
Sullivimmur suliniut Umk	1,00
Qaasuitsup katillugit	11,00

7. *Aningaasaliissutissatut ilanngussami konto pingaarnaq 40.91.02-mi titarnertaaq " qinnuteqartartut amerlasuut kingunerisaanik..." Siunnersuisartunik ilinniartinermit tunngassuteqartoq paasiuminaappoq. Missingersuutitut ilanngussamik allanngortitamik, titarnertaaq pineqartoq paasiuminarsarlugu, nassinneqarnissani ataatsimiititaliap kissaatigaa.*

Ilinniartitaanermut Iisimatusarnermullu Naalackersuisoq akissuteqarpoq:
Missingersuutitut ilanngussaq naqqissugaq ilanngullugu nassiunneqarpoq.

8. *Aningaasaliissutini konto pingaarnermi 64.13.25-imi suliffissaaleqisunut immikkut suliniutitut ilassutitut aningaasaliissutitut inatsimmi taamaallaat allassimammat ataatsimiititaliamit ajuusaarnartutut isumaqarfigineqarpoq. Tamanna tunngavigalugu 2013-imut Aningaasanut Inatsisip akuersissutigineqarnerani aningaasat konto pingaarnaq 64.13.25-imiit konto pingaarnaq 20.11.52-imut nuunneqartuniit sooq konto pingaarnermit 64.13.25-imut utertitsinissaq Naalackersuisunit qinnutigineqarnissaa toqqarneqarsimanersooq itisiliiffigineqarnissaa ataatsimiititaliamit kissaatigineqarpoq.*

Aningaasaqarnermut Naalackersuisoq akissuteqarpoq:

2013-imut aningaasanut inatsisissap akuersissutigineqarneranut atatillugu konto pingaarnermit 64.13.25 Suliffissaaleqisut immikkut suliniuteqarfiginerat-init konto pingaarnermut 20.11.52 Aaqqissuusseqqinnermut atugassatut aningaasaliissutitut suliffissaaleqisunut ilinniartitaanerup avataanni inissisimasunut 15-init 18-inut ukiulinnut

atugassanik aningaasanik Naalakkersuisut nuussinerinut patsisaasut AIS 2013-imi allannguutissatut siunnersuummi nr 149-imi takuneqarsinnaavoq. Tassunga tunngatillugu allannguutissatut siunnersuutip ataanni allassimasut AIS2013-illu suliarineqarnerani Aningaasaqarnermut Ataatsimiititaliamut nassiuuneqarsimasup oqaasertai innersuussutigineqarput:

"Allannguutissatut siunnersuut manna aqputigalugu aningaasat konto pingaarneq 20.11.52 Suliffissaaleqisut aammalu 15-it 18-illu akornanni ukiullit ilinnialersimangitsut immikkut ittumik iliuusseqarfigineqarnissaanut inuiaqatigiit aqqissugaaneranut aningaasaliissutit-mut nuunneqarnissat qinnutigineqarpoq. Tamatumani siunertaavoq suliffissaaleqinerup akiorniarnernut, ilinniartut ineqarfiinik sanaartornermut inuusuttunullu suliniutinut il.il. konto pingaarneq 20.11.52 Suliffissaaleqisut aammalu 15-it 18-illu akornanni ukiullit ilinnialersimangitsut immikkut ittumik iliuusseqarfigineqarnissaanut inuiaqatigiit aqqissugaaneranut aningaasaliissutit-mi aningaasat ataatsimoortumik ataqatigiisillugit atugassanngortinneqassammata."

Tassunga tunngatillugu ilassutitut oqaatigineqassaaq konto pingaarneq 64.13.25 Suliffissaaleqisut immikkut iliuusseqarfigineqarnerat-ini AI2013-imi aningaasaliissutit allassimasut 10,4 mio. kr.-iusut saniatigut ilassutitut aningaasaliissutit aqputigalugit aningaasaleeqqitoqarsimagaluarpas, tamanna siunertamut tassunga aningaasaliissutit qanoq amerlatigineri eqqarsaatigalugit paatsuunngalersitsisinnaasimassagaluarpat. Allannguutissatut siunnersuutip saqqummiunneqarnerata nalaanni Naalakkersuisut aalajangersimangillat kontoni pingaarnerni ataasiakkaanni aningaasaliissutit qanoq atorneqassanersut.


Naalakkersuisut paasivaat Aningaasaqarnermut Ataatsimiititaliap ajuusaarutigigaa kotomi pingaarnerni 64.13.25 Syuliffissaaleqisut immikkut suliniuteqarfiginerani aningaasaliissutit kisimik ilassutitut aningaasaliissutinut inatsimmi kisimillutik erserinneqartussaanerat. Naalakkersuisut taamatut isummersimaneq isumatiginngilaat. Aningaasaliissutit ilassutitut aningaasaliissutitut immikkortinneqartoq aningaasanut inatsit aqputigalugu aningaasaliissutitut atuutigaaq.

9. *Oqaasertaliussatigut 2012-imi aningaasanut inatsimmi atuinikinnerusimanermit 6 mio. kr.-t pallillugit 2013-imut nuussinissamut Aningaasaqarnermut Ataatsimiititaliap Naalakkersuisut piginnaatippai. Tamanna tunngavigalugu aningaasanut inatsimmut 2013-imut aningaasat qanoq amerlatigisut nuunneqarsimanersut paasissutissiissutigineqassasoq kissaatigineqarpoq.*

Inuussutissarsiornermut Aatsitassanullu Naalakkersuisoq akissuteqarpoq:

2012-imut naatsorsuutit naammassineqarsimangikkaluartut naatsorsuutigineqarpoq 2012-imit 2013-imut 3.457.077,47 kr.-inik illikartitsisoqassasoq.

Inussiarnersumik inuulluaqqusillunga

Maliina Abelsen


40.91.02 Siunnersuisartunik Ilinniartitsineq (Ingerlatsinermit aningaasaliissutit)
Missingersuutit immikkoortiteri

	1.000 kr.
Ilanngaaseereerluni	
aningaasartuutit	2.000
Akissarsiat	900
Aningaasartuutit allat	1.100

Ilasutitut aningaasaliissutit 2013

Nærværende hovedkonto søges forhøjet med 2.000.000 kr. i 2013.

Konto pingarneq manna 2013-imi 2.000.000 kroninik annertusiniarneqarpoq.

Siunnersuisartunik ilinniartitaanerup atuuttup nalilersorneqarnerata kingunerisaanik ilinniartitaaneq pioreersoq ineriartorteqqinniarneqarpoq, kiisalu modulit immikkut ilisimasaqartunut naatsorsuussat inaarsaavittut ineriartorteqqinniarneqarlutik. Siunertaavoq siunnersuisartunut ilinniartitaanerup tunngaviumik imarisamigut qaffaqqinnissaa.

Siunnersuisartunik ilinniartitsineri ilinniakkamik inaarsaavittut modul-ip 2013-imi ineriartortinneqarsimasoq neqeroortugalugu aallartinneqassaaq.

Siunnersuisartunik ilinniartitsinermit piginnaaneqarluartunik qinnuteqartartut amerlangaarmata utaqqisunik allattuiffiliortoqartariaqarsimavoq. Qinnuteqartut tamakku pisortani siunnersortitut atorfeqariikkajunnerupput. Taamaattumillu immikkut ittumik ilasutitut holdinik 2013-imi aamma 2014-imi ingerlatsisoqarniarpoq (ukiuni marlunni ingerlanneqartarpoq).

Konto pingarnermi matumani aningaasaliissutinik annertusisitsineq konto pingarnermi 20.11.52-imi Suliffissaaleqisut aammalu 15-it 18-illu akornanni ukiullit ilinnialersimannigitsut immikkut ittumik iliuuseqarfigineqarnissaannut inuiaqatigiit aqqqissugaaneranut aningaasaliissutinik ikilisisitsinermit ataqatigiissillugu isigineqassaaq.

Taamaasillunilu kontomi pingarnermi uani aningaasaliissutit 4.661.000 kr.-inik annertussuseqalissapput.

Allanguutit makku suliassami kisitsisini naatsorsuutigisani ilanngunniarneqarput:

Suliassami kisitsisit	
Kurser	IA 2013
Antal moduler grunduddannelse	4

Aningaasaqarnermut Ataatsimiititaliamit ulloq xx-yy-2013 akuerineqartoq, suliaq nr. 13-xxx



INATSISARTUT

Aningaasaqarnermut Naalackersuisoq

Ulloq: 18. februar 2013

J.nr.: 01.31.06/13-00618

Aningaasaqarnermut Akileraartarnernullu Ataatsimiititaliap sisamangornermi ulloq 14. februar 2013-imi aalajangiineranik Naalackersuisunut ilisimatitsineq (suliaq nr. 01.31.06/13-00618)

Aatsitassanut inatsisip allangortinnerata nassatarisaanik akisussaaqqarfiit allangortinnerinut atatillugu nussuinerit pillugit ilassutitut aningaasaliissuteqarnissamik qinnuteqaat

Naalackersuisut inassutigaat:

- konto pingaarneq 77.01.02-mi, Aatsitassanik Suliassaqqarfinnut Avatangiisinut Aqutsisoqqarfimmut tunngasumut, aningaasaliissutit 1.200.000 kr.-nik amerlineqassasut,
- konto pingaarneq 20.11.50-imi, Ingerlatsinerimut Sillimmatinut tunngasumi, aningaasaliissutit 1.200.000 kr.-nik ikilineqassasut.

Aningaasaqarnermut Ataatsimiititaliap oqaaseqaatai

1,2 mio. kr.-it konto pingaarnermit 20.11.50-imit, Ingerlatsinerimut sillimmatinut tunngasumit, konto pingaarnermut 77.01.02-mut, Aatsitassanik Suliassaqqarfinnut Avatangiisinut Aqutsisoqqarfimmut tunngasumut, nuunneqarnissaat Naalackersuisut qinnuteqaammi kissaatigaat.

Aatsitassanut inatsisimmi allanguutit 2012-imi ukiakkut ataatsimiinnermi akuersissutigineqartut piviusunngortinneqarnissaannut atatillugu Aatsitassanik Suliassaqqarfinnut Avatangiisinut Aqutsisoqqarfik pilersinneqqarpoq. Ilaatigut inatsimmut allanguutini taakkunungalu nassuiaatini Avatangiisinut Aqutsisoqqarfik nassuiaatigineqqarpoq. 2013-imut inatsisissap akuersissutigineqarnerata kingorna aatsitassanut inatsimmi allanguutit akuersissutigineqarput, taamaattumillu aqutsisoqqarfiup pilersinneqqarneratigut aningaasaqqarnikkut allanguutit aningaasanut inatsimmut ilanngunneqqarsinnaasimangillat.

Konto pingaarnermut 20.11.50-imut, Ingerlatsinerimut sillimmatinut tunngasumut, missingersuutitut ilanngussami allassimavoq aningaasaliissutinik allanguinerup kingorna konto pingaarnermi matumani aningaasaliissutit "tkr. 8.800.000 kr."-iusut. Missingersuusiormut malittarisassami najoqqutassat naapertorlugit "8.800.000 kr."-isut allassimassapput. Missingersuutitut ilanngussap 2013-imi ilassutitut aningaasaliissutinut inatsisissatut siunnersuummut ilanngunneqqannginnerani tamanna iluarsineqassaaq.

Naggasiullugu oqaatigineqassaaq inuussutissarsiornermut aatsitassarsiornermullu tunngasuni suliassat annertuumik allanngortiteriffigineqarsimasut ilassutitut aningaasaliissuteqarnissamik qinnuteqaammut siuliani allassimasumut ilanngullugu Aningaasaqarnermut Ataatsimiititaliamut ilisimatitsissutigineqarmat. Tunngaviit isumaliutillu taakkununga tunngaviusutut allassimasut Aningaasaqarnermut Ataatsimiititaliamit isummerfigineqanngillat. Aalajangiinerup uuma kiisalu suliassami uppersaatit tassunga atasut assilinerannik Inuussutissarsiornermut Ataatsimiititaliaq tigusaqassaaq, taamaaliornikkut Inatsisartunut nutaamik qinersinerup kingorna Inuussutissarsiornermut Ataatsimiititaliatut inissitsitertup suliap tassunga tunngasortaa nammineq isummerfigisinnaaniassammagu.

Aningaasaqarnermut Ataatsimiititaliap aalajangiinera

Siuliami allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Konto pingaarnermut 20.11.50-imut, Ingerlatsinerup sillimmatinut tunngasumut, missingersuutitut ilanngussaaq iluarsisaaq ullut 21-it qaangiutsinnagit kalaallisut danskisullu tiguneqassasoq naatsorsuutigineqarpoq assilineralu qarasaasiakkut uunga nassiunneqarluni: julie@ina.gl.

Ataatsimiititaliaq sinnerlugu

Andreas Uldum
Ataatsimiititaliap siulittaasua

Assiliner:

- Inuussutissarsiornermut Ataatsimiititaliaq



INATSISARTUT

Aningaasaqarnermut Naalakkersuisoq

Ulloq: 18. februar 2013

J.nr.: 01.31.06/13-00619

Aningaasaqarnermut Akileraartarnermullu Ataatsimiititaliap sisamangornermi ulloq 14. februar 2013-imi aalajangiineranik Naalakkersuisunut ilisimatitsineq (suliaq nr. 01.31.06/13-00619)

2013-imi kommunalbestyrelsinit qinersinermi partiit qineqqusaarnermut peqataanissamut tapiiffigineqarnissannik partiit Inuit Ataqtigiit, Atassutip, Kattusseqtigiit Partiiata aamma Siumup qinnuteqaataat

Naalakkersuisut inassuteqaataa;

- kontomi 77.03.01-imi, Partiit qineqqusaarnissaannut tapiissutinut tunngasumi, aningaasaliissutit 1.402.000 kroninik amerlineqassasut,
- konto pingaarnermi 20.11.50-imi, Ingerlatsinermut sillimmatinut tunngasumi, aningaasaliissutit 1.402.000 kroninik ikilineqassasut.

Aningaasaqarnermut Ataatsimiititaliap oqaaseqaatai

Qinnuteqarnermikkut Naalakkersuisut kissaatigaat aningaasanik immikkoortitsisoqassasoq, taamaaliornikkut 2013-imi kommunalbestyrelsinit qinersinissamut partiit qineqqusaarnerannut tapiissuteqartoqarsinnaaqullugu. Illassutitut aningaasaliissuteqarnissamik qinnuteqaat ulloq 4. februar 2013 – Inatsisartunut qinersinissap nalunaarutigineqarnerata kingorna – Aningaasaqarnermut Ataatsimiititaliamit tiguneqarpoq.

Inatsisartunut qinersinissaq nalunaarutigineqaraangat Naalakkersuisut taamatullu Inatsisartut sulineranni periutsit immikkut ittut atuutilersarput. Inatsisartut Naalakkersuisullu pillugit Inatsisartut inatsisaanni § 29-imi allassimavoq Naalakkersuisuugallartut susasaqarfiit ingerlaqqinnissaat qulakkeerniarlugu pisariaqartut kisiisa iliuuserisassagaat. Aalajangersakkamut tassunga nassuiaatini allassimavoq suliniutit ingerlareersut qineqqusaalernermit qineqqusaarnermulluunniit ilaasutut sallitinniarneqartutut isigineqarsinnaasut Naalakkersuisunit aamma ingerlanneqassanngitsut. Malittarisassaq taamaalilluni Naalakkersuisut aningaasaliissutinik, piginnaatitsissutinik imaluunniit atorfimmu atugassiissutinik qineqqusaarnerup il.il. nalaani taamaaliortussaananani iluaqutiginninniarnermik pasilliisoqarsinnaaneranut illersuutitut atorpoq.

Periutsit taakku assingi Inatsisartunut aamma Aningaasaqarnermut Ataatsimiititaliamut atuupput. Taamaalilluni qinersinerup nalunaarutigineqarnerata kingorna illassutitut aningaasaliissuteqarnissamik qinnuteqaatit suliarineqarnissaat pillugu ataatsimiititaliap suleriaasiani aalajangersagaqarpoq. Aningaasaliinissamik siunertap

kinguartinneqarsinnaannginnera, politikimut tunngasuunnginnera aammalu pisariaqarnera sinnerlugu Inatsisartut nutaat aningaasaqarnikkut iliuuserisinnaasaannik killiliinnginnera pillugu ataatsimiititaliap isumaqatigiilluni naliliinissaa aalajangersakkami piumasaqaataavoq. Aalajangersakkakkut piumasaqaataasut eqquutsinneqanngillat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **suliarisinnaanngilai**.

Taamaalilluni qinnuteqaat atorunnaarpoq, qinersinerullu kingorna Naalakkersuisutut nutaatut inissitsitertut partiit 2013-imi kommunalbestyrelsinut qineqqusaarnerannut tapiissuteqarnissaq kissaatigigunikku, taamanikkussamut Aningaasaqarnermut Ataatsimiititaliaasumut qinnuteqaammik nutaamik nassiussissapput.

Ataatsimiititaliaq sinnerlugu

Andreas Uldum
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 13. maj 2013
J.nr.: 01.31.06/13-00620

**Aningaasaqarnermut Akileraartarnermullu Ataatsimiititaliap ataasingornermi ulloq
6. maj 2013-imi aalajangiineranik Naalakkersuisunut ilisimatitsineq (suliaq nr.
01.31.06/13-00620)**

**Aningaasaqarnermut Ataatsimiititaliap aalajangiinera nr. 11-562, 09. december 2011-
mi akuerineqartoq pillugu allaffissornikkut kukkusimanerup kingunerisaanik
iluarsiineq**

Naalakkersuisut **inassutigaat**,

- kontomi pingaarnermi 87.75.02-mi, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumi, suliassamut nr. 996.74.002-mut, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumut, aningaasaliissutit 2013-imi 25,0 mio. koruuninik ikilisinneqassasut, aamma
- suliassaq sukkulluunniit aningaasaliissutinut inatsisinut aamma Nunap Karsiata naatsorsuutaanut sunniuteqartussaangikkaluartoq, Namminersorlutik Oqartussat naatsorsuuserivianni aningaasaqarnermik aqutsinissaq eqqarsaatigalugu pilersinneqartoq

Aningaasaqarnermut Ataatsimiititaliap aalajangiinera

Kontomi pingaarnermi 87.75.02-mi, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumi, aningaasaliissutit 25 mio. kr.-inik ikilineqarnissaat Naalakkersuisut qinnuteqarnerminni kissaatigaat. Konto pingaarnerp aamma suliassap pilersinneqarneranni Aningaasaqarnermut Ataatsimiititaliap aalajangiineranut atatillugu Naalakkersuisut allaffissornikkut kukkunerata iluarsineqarnissaa siunertaavoq (11-562). Taamani suliassi aningaasaliissutit 2011-mi 25 mio.kr.-inik amerlineqarnissaat Naalakkersuisut kissaatigaat, tamatumali peqatigisaanik danskit naalagaaffiannit aningaasaliussat isertitatut nalunaarsornagit, tamannalu 2011-imi IST-mut 25 mio. kr.-inik sunniuteqarnerluppoq. Tamanna Aningaasaqarnermut Ataatsimiititaliap tikkuarppaa, tamatumali kingorna Naalakkersuisut danskit naalagaaffiannit aningaasaliussat tamaasa – 2011-imi 25 mio. kr.-it aammalu 2012-imi 15 mio. kr.-it – isertitatut nalunaarsorpaat, tamatumalu kingunerisaanik suliassamut aningaasaliissutit 65 mio. kr.-iulerlutik, naak eqqortumik 40 mio. kr.-iugaluartut.

2011-imi aningaasaliissutit allanngortinneqarnissaat april 2012-imi Naalakkersuisut qinnutigaa, tamannali Aningaasaqarnermut Ataatsimiititaliamit itigartinneqartariaqarsimavoq, tassa aningaasanut inatsisip ukiuani aningaasaliissutit nutaat

allanngukkalluunniit, aningaasanut inatsisip ukiuata pineqartup iluani iliuitsinut tunngasut, kisimik ataatsimiititaliamit akuerineqarsinnaammata. Aningaasanut inatsisip ukiua 2012 aallarnertigalugu 25 mio. kr.-it Sanaartugassanut Iluarsagassanullu Aningaasaateqarfimmit Nunatta Karsianut utertinneqarnerannik imaqartumik ilassutitut aningaasaliissuteqarnissamik qinnuteqaammik nutaamik Naalakkersuisut nassiussisinnaasut Aningaasaqarnermut Ataatsimiititaliamit siunnersuutigineqarpoq. Taamanili Naalakkersuisut qinnuteqaammik taamaattumik nassiussinissartik pissutissaqartissimangilaat. Ilassutitut aningaasaliissuteqarnissamik qinnuteqaat una aqqutigalugu Naalakkersuisut tamanna qinnuteqaatigaat, taamaattorli aningaasat ukiuannut 2013-imut atuuttumik.

Naalakkersuisut qinnuteqaataata uuma naatsorsuuserineri teknikimut tunnganerusutut isigisariaqartup akuerinissaa Aningaasaqarnermut Ataatsimiititaliamit kissaatigineqarpoq, qinnuteqaammili amigaatit ataasiakkaat iluarsineqarnissaat pisariaqartutut isigalugu.

Naalakkersuisut inassuteqaataat nr. 2 ersernerluppoq Aningaasaqarnermullu Ataatsimiititaliap kissaatiginngilaa inassuteqaatinik qanoq paasineqarnissaat kingusinnerusukkut nalornissutigineqarsinnaasunik akuersissutiginninnissani. Taamaattumillu inassuteqaat taanna erseqqissaqqullugu Naalakkersuisut qinnuigineqarput, taamaaliornikkut inassuteqaatikkukt suna siunertarineqarnersoq kingusinnerusukkut nalornissutaaqqunagu.

Naalakkersuisut isummernissamut tunngavissiaanni allassimavoq qinnuteqaat suliassarlu Nunatta Karsianut aningaasatigut sunnuteqassanngitsoq. 2011-mi qinnuteqaat aningaasaliissutit 25 mio. kr.-inik amerlineqarnerannik imaqartoq IST-mut pitsaanngitsumik kinguneqarpoq. Taamaallunilu aningaasaliissutinik ikililerineq taassuma akerlianik sunnuteqassaaq, tassa 2013-imi IST-ip 25 mio. kr.-inik pitsanngoriarneranik. Taamaattumillu ilassutitut aningaasaliissuteqarnissaaq matumani pineqartoq aningaasatigut sunnuteqartussaannngitsutut sooq Naalakkersuisunit isigineqarnersoq paasinanngilaq, taamaattumillu naatsorsuuserineri teknikimut tunngasumik sukumiisumik Naalakkersuisut itisiliinissaasa qinnutiginnissaanik tunngavissiilluni.

20. april 2012-imi aalajangiinermini (12-575) oqaaseqaatigisami uteqqinnissaa Aningaasaqarnermut Ataatsimiititaliap pisariaqartippaa, tassani tikkuarneqarmat konto pingaarnermi 87.75.02-mi missingersuutinut ilanngussami suliassat immikkoortiternerisa aammalu suliassat allaaserinera akornanni ataqatigiinngitsoqartoq. Missingersuusiornermut malittarisassami 2008-meersumi immikkoortoq 4.3 naapertorlugu missingersuutinut ilanngussat aammalu Naalakkersuisut isummernissaannut tunngavissiat immikkoortillugit atuarneqarsinnaasuussapput. Taamaattumillu missingersuutinut ilanngussami nassuiaatit itisilerneqarnissaat pisariaqarpoq.

Ilassutitut aningaasaliissuteqarnissamik qinnuteqaatinik Aningaasaqarnermut Ataatsimiititaliamut nassiussinermut atatillugu qinnuteqaammik atorussat tamakkiisuunissaasa Naalakkersuisunit siunissami qulakkeerneqartarnissaa ataatsimiititaliamit nalinginnaasumik kaammattuutigineqassaaq.

Kiisalu ataatsimiititaliamit Naalakkersuisunut kaammattuutigineqassaaq aatsaat pisariaqartinneqavitsillugu ilassutitut aningaasaliissuteqarnissamik qinnuteqaatit

nukinginnartutut suliarineqarnissaat qinnutigisaqqullugu. "Teknikki kisiat eqqarsaatigalugu aningaasaqarnerup inissineqarnissaa"-nik tunngavilersuut qinnuteqaatip nukinginnartutut suliarineqarnissaanik pisariaqartitsinertut isigineqarsinnaanngilaq. Minnerunngitsumik allaffissornikkut kukkunermik aqqinnissaanut 2012-ip ingerlanerani ilassutitut aningaasaliissuteqarnissamik qinnuteqaateqarnikkut imaluunniit 2013-imi aningaasanut inatsisissatut siunnersuutikkut Naalakkersuisut periarfissaqarsimanerat eqqarsaatigalugu.

Kiisalu Aningaasaqarnermut Ataatsimiititaliamit tikkuarumanearpoq qinnuteqaat una Nunatta Karsiata 2013-imut naatsorsuutaani IST-p pitsanngoriarneranik kinguneqassamat, taannalu 2011-imi Nunatta Karsiata naatsorsuutani IST-p taassuma annertoqataanik pitsaanngitsumik kinguneqarneranut ataqatigiissillugu isigineqassaaq. Tamannalu pissutigalugu 2013-imi Nunatta Karsiata naatsorsuutaanut pitsanngoriaat aningaasartuutissanut nutaanut imaaliallaannaq atorneqartariaqanngilaq. Tassunga atatillugu Naalakkersuisut isumaliutigisaminnik ilisimatitsinissaat ataatsimiititaliamit qinnutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni apeqqutit oqaaseqaatillu siuliani allassimasut pillugit akissummik kiisalu missingersuutinut ilanngussamik itisilikkamik nassiussisoqarnissaa siunertaralugu Naalakkersuisut inassuteqaataannik isummerfiginninnissani Aningaasaqarnermut Ataatsimiititaliap **kinguartippaa**.

Naalakkersuisut akissutaata kalaallisut danskisullu kingusinnerpaamik ulloq 1. juni 2013-imi tiguneqarnissaa ataatsimiititaliamit qinnutigineqarpoq assilineralu qarasaasiakkut uunga nassuteqquneqarluni: julie@ina.gl.

Ataatsimiititaliap sinnerlugu

Finn Karlsen
Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq
-/maani

**Aningaasaqarnermut Akileraartarnermullu Ataatsimiititaliap
ataasinngornermi ulloq 6. maj 2013-imi aalajangiineranik
Naalakkersuisunut ilisimatitsineq (suliaq nr. 01.31.06/13-00620)**

**Aningaasaqarnermut Ataatsimiititaliap aalajangiinera nr. 11-562, 09.
december 2011-mi akuerineqartoq pillugu allaffissornikkut
kukkusimanerup kingunerisaanik iluarsineq**

Asasara Finn Karlisen

Aningaasaqarnermut Akileraartarnermullu Ataatsimiititaliap suliamik siuliani
taaneqartumik suliaqarsimaneranik qutsavigaara, matumuunalu ataatsimiititaliap
apeqqutaanut oqaaseqaataanullu akissuteqassaanga:

Aningaasaqarnermut Akileraartarnermullu Ataatsimiititaliap oqaaseqaataa:
*Naalakkersuisut inassuteqaataat nr. 2 ersernerluppoq Aningaasaqarnermullu
Ataatsimiititaliap kissaatiginngilaa inassuteqaatinik qanoq paasineqarnissaat
kingusinnerusukkut nalornissutigineqarsinnaasunik akuersissutiginninnissani.
Taamaattumillu inassuteqaat taanna erseqqissaqqullugu Naalakkersuisut
qinnuigineqarput, taamaaliornikkut inassuteqaatikkut suna siunertarineqarnersoq
kingusinnerusukkut nalornissutaaqqunagu.*

Akissut:

Inassuteqaat imatut iluarsineqassaaq:

- suliaasaq Namminersorlutik Oqartussat aningaasaqarnermik aqutsissutaanni
iluarsineqassasoq, aamma
- 2013-imut aningaasanut inatsit 25,0 mio. koruuninik taaneqartunik
pitsannguiffigineqassasoq.

Aningaasaqarnermut Akileraartarnermullu Ataatsimiititaliap oqaaseqaataa:
*20. april 2012-imi aalajangiinermini (12-575) oqaaseqaatigisami uteqqinnissaa
Aningaasaqarnermut Ataatsimiititaliap pisariaqartippaa, tassani tikkuarneqarmat konto
pingaarnermi 87.75.02-mi missingersuutinut ilanngussami suliaasat immikkoortiternerisa
aammalu sullassat allaaserinera akornanni ataqatigiinngitsoqartoq.
Missingersuusiornermut mallittarisassami 2008-meersumi immikkoortoq 4.3
naapertorlugu missingersuutinut ilanngussat aammalu Naalakkersuisut*

31-05-2013
Sags nr. 2013-082576
Dok. nr. 1232134

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: laan@naanoq.gl
www.nanoq.gl

isummernissaannut tunngavissiat immikkoortillugit atuarneqarsinnaasuussapput. Taamaattumillu missingersuutitut ilanngussami nassuiaatit itisilerneqarnissaat pisariaqarpoq.

Akissut:

Kotomut pingaarnermut Dundas-imi avatangiiisit ajoquserneqarnissaat pinngitsoortinniarlugu iliuuseqarnissaq, missingersuutitut ilanngussat nutaat ilaliunneqarput.

Aningaasaqarnermut Akileraartarnermullu Ataatsimiititaliap oqaaseqaataa:

Illassutitut aningaasaliissuteqarnissamik qinnuteqaatinik Aningaasaqarnermut Ataatsimiititaliamut nassiussinermut atatillugu qinnuteqaammi atortussat tamakkiisuunissaasa Naalackersuisunit siunissami qulakkeerneqartarnissaa ataatsimiititaliamit nalinginnaasumik kaammattuutigineqassaaq.

Akissut:

Tusaatissatut tiguneqarpoq.

Aningaasaqarnermut Akileraartarnermullu Ataatsimiititaliap oqaaseqaataa:

Kiisalu ataatsimiititaliamit Naalackersuisunut kaammattuutigineqassaaq aatsaat pisariaqartinneqavitsillugu illassutitut aningaasaliissuteqarnissamik qinnuteqaatit nukinginnartutut suliarineqarnissaat qinnutigisaqqullugu. "Teknikki kisiat eqqarsaatigalugu aningaasaqarnerup inissinneqarnissaa"-nik tunngavilersuut qinnuteqaatip nukinginnartutut suliarineqarnissaanik pisariaqartitsinertut isigineqarsinnaanngilaq. Minnerunngitsumik allaffissornikkut kukkunermik aaqqinnissaanut 2012-ip ingerlanerani illassutitut aningaasaliissuteqarnissamik qinnuteqaateqarnikkut imaluunniit 2013-imi aningaasanut inatsisissatut siunnersuutikkut Naalackersuisut periarfissaqarsimanerat eqqarsaatigalugu.

Akissut:

Tusaatissatut tiguneqarpoq.


Aningaasaqarnermut Akileraartarnermullu Ataatsimiititaliap oqaaseqaataa:

Kiisalu Aningaasaqarnermut Ataatsimiititaliamit tikkuarumaneqarpoq qinnuteqaat una Nunatta Karsiata 2013-imut naatsorsuutaani IST-p pitsanngoriarneranik kinguneqassammat, taannalu 2011-imi Nunatta Karsiata naatsorsuutaani IST-p taassuma annertoqataanik pitsaannngitsumik kinguneqarneranut ataqatigiissillugu isigineqassaaq. Tamannalu pissutigalugu 2013-imi Nunatta Karsiata naatsorsuutaanut pitsanngoriaat aningaasartuutissanut nutaanut imaaliiallaannaq atorneqartariaqanngilaq. Tassunga atatillugu Naalackersuisut isumaliutigisaminnik ilisimatitsinissaat ataatsimiititaliamit qinnutigineqarpoq.

Akissut:

Aningaasat 25,0 mio. koruuniusut aningaasartuutitigut suliniutissanut allanut atorneqassanngillat.

Inussiarnersumik inuulluaqquillunga



Mette Lyngbe

Ilanngussaq:

Kontomut pingaarnemut 87.75.02 Dundas-imi avatangiisit ajoquserneqarissaat pinngitsortinniarlugu
iliuuseqarissaq, missingersuutit

87.75.02 Dundas-imi avatangiisit ajoquserneqarnissaat pinngitsoortinniarlugu iliuseqarnissaq (Sanaartornermut aningaasaliissutit)
Missingersuutit immikkoortiterneri

	1.000 kr.
Ilanngaaseereerluni aningaasartuutit	-25.000

Ilassutitut aningaasaliissutit 2013

Aningaasaqarnermut Ataatsimiititaliap aalajangiinera nr. 11-562, 09. december 2011-mi akuerineqartoq pillugu allaffissornikkut kukkusoqarnerani iluarsiiinerup kingunerisaanik kontomi pingaarnermi matumani aningaasaliissutit 25,0 mio. koruuninik ikilisinneqassapput.

Avatangiisit ajoquserneqarnissaat pinngitsoortinniarlugu iliussissat Danskít Naalagaaffiannit katillugit 40,0 mio. koruunit akilerneqartussaapput, taakkunanngalu 25,0 mio. koruunit 2011-mi tunniunneqarput. Sinneri 15,0 mio. koruuniusut 2012-imi nuunneqarput.

Suliassat immikkoortiterneri

		2013-imi katillugit	AI 2013	IA 2013	Sulianut aningaasaliissutit 2013-imi allannguut +ukiut tullii Katillugit	
Sumiiffik/ Suliap nr.	Suliap taaguutaa	---- 1.000 kr. ----				
<u>Sumiiffiit assigiinngitsut</u>	Dundas-imi avatangiisinut iliuseqarneq					
996.74.002		-25.000	0	-25.000	-25.000	0
Aallartermikkat katillugit		-25.000				

Suliassat allaaserineri

Sumiiffik

Suliass. nr. Sumiiffik Nunap assingani Suliassap taaguutaa

SULIAT AALLARTINNEQAREERSUT:

Sumiiffiit assigiinngitsut

996.74.002

Dundas-imi avatangiisinut iliuseqarneq

Kontomi pingaarnermi 87.75.02 Dundas-imi avatangiisit ajoquserneqarnissaat pinngitsoortinniarlugu iliuseqarnissaq, allaffissornikkut kukkusoqarnera Nunap Karsianut 2011-mi 25,0 mio. koruuninik aningaasartuuteqarfivoq.

Kontomi pingaarnermi suliassamilu kingunerisassanik iluarsiiisoqarpoq, tassanilu 2013-imi 25,0 mio. koruunit Nunap Karsianut utertinneqarnissaat qinnuteqaatigineqarpoq.

Aningaasaqarnermut Ataatsimiititaliamit ulloq xx-yy-2013 akuerineqartoq, suliaq nr. 13-xxx



INATSISARTUT

**Aningaasaqarnermut Nunamullu
Namminermut Naalackersuisoq
/MAANI**

Ulloq: 17. juni 2013
J.nr.: 01.31.06/13-00620

**Aningaasaqarnermut Akileraartarnermullu Ataatsimiititaliap pingasunngornermi
ulloq 12. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00620)**

**Aningaasaqarnermut Ataatsimiititaliap aalajangiinera nr. 11-562, 09. december 2011-
mi akuerineqartoq pillugu allaffissornikkut kukkusimanerup kingunerisaanik
iluarsiineq**

Naalackersuisut **inassutigaat**,

- kontomi pingaarnermi 87.75.02-mi, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumi, suliassamut nr. 996.74.002-mut, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumut, aningaasaliissutit 2013-imi 25,0 mio. koruuninik ikilisinneqassasut, aamma
- suliassaq Namminersorlutik Oqartussat aningaasaqarnermik aqutsissutaanni iluarsineqassasoq, aamma
- 2013-imut aningaasanut inatsit 25,0 mio. koruuninik taaneqartunik pitsannguiffigineqassasoq.

Aningaasaqarnermut Ataatsimiititaliap oqaaseqaatai

Qinnuteqaat Aningaasaqarnermut Ataatsimiititaliamit ulloq 6. maj siullermik suliarineqarpoq, taamanilu suliaq inaarutaasumik isummerfigisinnaaqqullugu immikkoortut arlallit nassuiaatigineqarnissaat pisariaqartutut ataatsimiititaliamit isigineqarpoq. Naalackersuisut akissutaat ataatsimiititaliamit ulloq 31. maj 2013-imi tiguneqarpoq.

Ilaatigut taamani inassuteqaat nr. 2-p itisilernerneqarnissaa ataatsimiititaliamit kissaatigineqarpoq, tamannalu Naalackersuisut malippaat aammalu inassuteqaat nr. 2 aamma 3 siuliani allassimasut iluarsillugit. Paatsuungasoqaqqunaguli ataatsimiititaliamit oqaatigineqassaaq inassuteqaat nr. 3-mi naatsorsuutini angusat innersuussutigineqarmata, tassa IST-mi 2013-imi angusat 25 mio. kr.-inik pitsanngoriaateqarlutik – tassanilu pineqarani 2013-imi aningaasanut inatsit.

IST-mi angusat 25 mio. kr.-inik pitsanngoriarnerat 2011-mi IST-p taassuma annertoqataanik pitsaanngitsumik kinguneqarneranut ataqatigiissillugu isigineqassasoq ataatsimiititaliamit ulloq 6. maj oqaatigineqarpoq. Tamannalu pissutigalugu ukioq manna Nunatta Karsiata naatsorsuutaanut pitsanngoriaat aningaasartuutissanut nutaanut imaaliillaannaq

atorneqartariaqanngilaq. Tamanna Naalakkersuisut nangaassuteqanngitsumik isumaqatigimmassuk ataatsimiititaliamit pitsaasutut isigineqarpoq.

Aningaasaqarnermut Ataatsimiititaliamut qinnuteqaatinik suliarinninnermi Naalakkersuisut isummernissaannut tunngavissiat aammalu missingersuutitut ilanngussat immikkoortillugit atuarneqarsinnaasuunissaat Naalakkersuisut siunissami qulakkeertassagaat ataatsimiititaliamit nalinginnaasumik kaammattuutigineqassaaq.

Tamatuma peqatigisaanik ataatsimiititaliamit eqqaasitsissutigineqassaaq Naalakkersuisut suliamik pitsaanngitsumik piareersaanagerat pissutigerpiarlugu qinnuteqaammik matuminnga suliarinninneq kinguarsarneqarsimammat. Tamatuma peqatigisaanik qinnuteqaatit ataatsimiititaliap piffissami kingullermi suliarisimasai eqqarsaatigigaanni ersarippoq suliassanik Aningaasaqarnermut Ataatsimiititaliamut suliassanngortitassanik suliarinnittarneq isumannaannerusariaqartoq pitsaassuseqarnerusariaqartorlu. Naalakkersuisut K-gruppiat ajornartorsiummut tassunga aaqqiissutaasinnaanerarlugu ataatsimiititaliaq qinigaaffimmi kingullermi arlaleriarluni paasissutissinneqarpoq, tamannali ersarissumik takussutissinneqarnani.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamilu namminermi
pissutsinut Naalakkersuisoq
/MAANI**

Ulloq: 21. maj 2013

J.nr.: 01.31.06/13-00621

**Marlunngornermi ulloq 21. maj 2013 Aningaasaqarnermut Akileraartarnermullu A-
taatsimiititaliap aalajangernera pillugu Naalakkersuisunut ilisimatitsissut (suliaq nr.
01.31.06/13-00621)**

KNR-ip illutaani oquk pillugu ilassutitut aningaasaliissuteqarnissamik qinnuteqaat

Naalakkersuisut inassutigaat,

- kontumi pingaarnermi 30.19.17 Kalaallit Nunaata Radiua, KNR, aningaasaliissutit 2.500.000 kr.-inik amerlineqassasut, aamma
- kontumi pingaarnermi 20.11.50 Ingerlatsinermut sillimmatit, aningaasaliissutit taamaa-qataanik 2.500.000 kr.-inik ikilisinneqassasut.

Aningaasaqarnermut Ataatsimiititaliaq oqaaseqaatai

Naalakkersuisut kontumi pingaarnermi 30.19.17-imi Kalaallit Nunaata Radiua: KNR, aningaasaliissutit 2,5 mio. kr.-inik amerlineqarnissaannik qinnuteqarput, Sullivinnik Nakkutilliisoqarfik KNR-imut peqqussuteqarsimammat sulisut 65-it KNR-ip illutaani sulinnginnissaannik illuutit oqummit annertuumik saassunneqarsimanerat pissutigalugu. Tamanna aamma pissutigalugu KNR sulisuminut allaffinnik allanik atugassiissuteqartussaassaaq.

Qinnuteqaat pisariaqavippoq tuaviorlunilu, taamaattumillu Aningaasaqarnermut Ataatsimiititaliaq allatut periarfissaqarani akuersissuteqartariaqarluni.

Ataatsimiititaliap maluginiarpaa Naalakkersuisut ilassutitut aningaasaliissuteqartoqarnissaannik qinnuteqaatip matuma akuersissutigineqarneratigut naatsorsuutigigaa KNR-ip tamanik kiffartuussinissamik isumaqatigiissut naapertorlugu aallakaatitassasiorlunilu aallakaatitsarnissaa sapinngisamik annertunerpaamik ingerlassinnaassagaa.

Ajoraluartumik konto pingaarneq 20.11.50 Ingerlatsinermut sillimmatit pillugit missingersuutini ilanngussami kukkunertaqarpoq. Taaneqarsimavoq aningaasaliissutit maanna qinnuteqaatip akuerineqarnerani 7,5 mio. kr.-iussasut. Aatsitassanut inatsisip allanngortinneqarnerata (suliaq nr. 13-00618) malitsigisaanik susassa qarfiit allanngortinneqarneranut atatillugu ilassutitut aningaasaliissutit inernilerneqarmata konto pingaarneq 20.11.50 Ingerlatsinermut sillimmatit 1,2 mio. kr.-inik annikillisinneqarput. Tamatuma kingorna aningaasaliissutit 8,8 mio. kr.-ulerput, ilassutitullu aningaasaliissummut

suliaq una tunngavigalugu ingerlatsinermut sillimatini aningaasalissuutit 6,3 mio. kr.-inut annikillissimassapput.

Ataatsimiititaliap pissutissaqartippaa oqaatigissallugu aamma siusinnerusukkut aningaasaqarnermut ataatsimiititaliaasimasup tikkuarsimammagu illuutini pisortanit pigineqartuni oqoqarnersoq paasiniallugu oqaqarpallu akiorniarneqarnissaanut aaqqissuussamik ataqatigiis-sakkamillu suliniuteqartoqarnissaa pisariaqarmat. Ajoraluartumik qularutissaagunanngilaq ukiuni aggersuni siunertamut tamatumunnga inuiaqatigiittut annertuunik aningaasartuuteqartariaqassagatta, taamaattumillu aamma pisariaqassalluni aningaasanut inatsisaasartussani aggersuni pingaarnersiuiinerni siunertamut aningaasaliissuteqartoqartarnissaa.

Aningaasaqaarnermut Ataatsimiititaliap aalajangernera

Qulaani taaneqartutut paasinnilluni Aningaasaqaarnermut Ataatsimiititaliap Naalakkersuisut inassuteqaataat **akuerai**.

Ataatsimiititaliap konto pingaarneq 20.11.50 Ingerlatsinermut sillimmatit pillugit missingersuutitut ilanngussat iluarsisat ullut suliffiusut 21-t ingerlaneranni tigorussuppai, nuutinnerilu qarasaasiakkut uunga nassiuteqquneqarput: julie@ina.gl

Ataatsimiititaliap Naalakkersuisut qinnuigai nussornermut atatillugu aningaasartuutitut takussutissiamik, KNR-ip illutaata siunissaa pillugu pilersaarummik, kiisalu 2013-imut Aningaasanut inatsimmi kontumut pingaarnermut 30.19.17-imut ingerlatanut takussutissiamut maannamut nikingassutaajunnartunut takussutissiamik kingusinnerpaamik ulloq 13. september 2013 mik kalaallit qallunaatullu nassiussaqaqqullugit, qarasaasiakkut assilinera julie@ina.gl-imut nassiullugu

Ataatsimiititaliaq sinnerlugu

Finn Karlsen
Ataatsimiititaliap siulittaasua



**Aningaasaqarnermut Nunamullu
Namminermut Naalackersuisoq
/MAANI**

Ulloq: 13. juni 2013
J.nr.: 01.31.06/13-00622

**Aningaasaqarnermut Akileraartarnermullu Ataatsimiititaliap pingasunngornermi
ulloq 12. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00622)**

**Angerlarsimaffimmut isumannaallisakkamut ilassutitut aningaasaliissutinik
missingersuutitut allannguutaanngitsumik qinnuteqaat**

Naalackersuisut inassutigaa,

- kontumut pingaarnermut 30.10.37, Nuna tamakkerlugu meeqqanut inuusuttunullu angerlarsimaffiit (Ingerlatsinerneq aningaasaliissutit), oqaasertaliussat immikkoortoq 6-imi titarneq 8-miit ima ilaneqassasut: "Taakkua saniatigut angerlarsimaffik isumannaallisagaq illumi marloqiusami, inuusuttut pinerlussimasut pineqaatissinneqarsimanertik pissutigalugu inissinneqarsimasut arfineq-pingasut tikillugit inissinneqarfigisinnaasaat pilersinneqarpoq".

Aningaasaqarnermut Ataatsimiititaliap oqaaseqaatai

Konto pingaarnermut 30.10.37-imut, nuna tamakkerlugu meeqqanut inuusuttunullu angerlarsimaffinnut tunngasumut, missingersuutitut ilanngussami aningaasaliissuteqarnermi tunngaviit allanngortinneqarnissaat, taamaaliornikkullu ulloq unnuarlu angerlarsimaffiup isumannaallisakkap inuusuttunik eqqartuunneqarsimasunik arfineq pingasunik inissiiviusinnaasup tassunga ilanngunneqarnissaa Naalackersuisut qinnuteqaatikku ugguuna kissaatigaa.

Konto pingaarnermut 30.10.37-imut, nuna tamakkerlugu meeqqanut inuusuttunullu angerlarsimaffinnut tunngasumut, missingersuutitut ilanngussami aningaasaliissuteqarnermi tunngaviit allanngortinneqarnerisigut inuusuttunik angerlarsimaffimmut isumannaallisakkamut inissiinissaq inatsisitigut soorunami tunngavissinneqassanngilaq, Naalackersuisullumi qinnuteqaammik allapput pissaanermik atuineq pillugu inatsimmik peqannginneq pissutigalugu angerlarsimaffimmik pilersitsiniarluni siusinnerusukku sulineq naammassineqarsimanngitsoq. Inatsisitigut tunngavissaq suli pigineqalinngitsoq angerlarsimaffimmik pilersitsinissaq siusinnerusumut sanilliullugu Naalackersuisut soq naleqqussorineraat itisilernerqassasoq tassunga atatillugu ataatsimiititaliamit kissaatigineqarpoq.

Sisimiuni ulloq unnuarlu angerlarsimaffiup isumannaallisakkap ingerlanneqarnissaanut sulisussat piginnaanillit pissarsiarineqarnissaat siusinnerusukku ajornakusoorsimasoq ataatsimiititaliap ilisimavaa. Tamanna tunngavigalugu angerlarsimaffik nuuttariaqannginnersoq nalileqqullugu ataatsimiititaliap Naalackersuisut 2013-imi

aningaasanut inatsisissatut siunnersuummut isumaliutissiissummini kaammattorpai. Sisimiuni ulloq unnuarlu angerlarsimaffiup isumannaallisakkap pilersinneqarnissaanik pilersaarutit aalajangiusimaneqarnissaannik Naalakkersuisut aalajangerannut suut tunuliaqutaappat aammalu sulisussanik pissarsisinnaanermut pissutsit siusinnerusumut sanilliullugu qanoq allanngorsimasutut Naalakkersuisunit isigineqarpat?

Ulloq unnuarlu angerlarsimaffik isumannaallisagaq illumi pioreersumi pilersinneqassasoq aammalu angerlarsimaffimmik pilersitsineq aningaasanut inatsimmi atuuttumi siunertamut aningaasatigut sinaakkusiussaareersut iluini ingerlanneqarsinnaasoq Naalakkersuisut qinnuteqaamminni allapput. Tamatumunnga itisiliissutaasumik nassuiaat ataatsimiititaliamit qinnutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu apeqqutit siuliani allassimasut piaartumik akineqarnissaat siunertaralugu Naalakkersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**.

Naalakkersuisut akissutaata kalaallisut danskisullu kingusinnerpaamik ulloq 20. juni 2013, nal. 12 tiguneqarnissaa ataatsimiititaliamit qinnutigineqarpoq assilineqarneralu uunga nassiuteqquneqarluni: julie@ina.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Aningaasaqarnermut Ataatsimiititaliamut
/Maani

Aningaasaqarnermut Akileraartarnermullu Ataatsimiititaliap pingasunngornermi ulloq 12. juni 2013-imi aalajangiineranik Naalakkersuisunut ilisimatitsineq (suliaq nr. 01.31.06/13-00622) pillugu Aningaasaqarnermut ataatsimiititaliamut akissut

18. juni 2013
Sagsnr. 2013-085330
Dok. Nr. 1246054

Ilaqutariinnermut Inatsisinillu Atuutsitsinermit Naalakkersuisoqarfik ulloq 13. juni 2013
Aningaasaqarnermut ataatsimiititaliamit apeqquteqaatinik pingasunik tigusaqarpoq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Apequteqaat 1

Inatsisitigut tunngavissaq suli pigineqalinngitsoq angerlarsimaffimmik pilersitsinissaq siusinnerusumut sanilliullugu Naalakkersuisut sooq naleqqussorineraat itisilerneqassasoq tassunga atatillugu ataatsimiititaliamit kissaatigineqarpoq.

Akissuteqaat 1

Ilaqutariinnermut Inatsisinillu Atuutsitsinermit Naalakkersuisoqarfik naliiivoq angerlarsimaffimmik isumannaallisakkamik pilersitsinissamut Meeqqanik Inuusuttunillu ikiorsiineq pillugu Inatsisartut peqqussutaatigut inatsisitigut tunngavissaqartoq.

Peqqussummi § 26a, meeqqanik inuusuttunillu ikiorsiisarneq pillugu Inatsisartut peqqussutaata allanngortinneqarnissaa pillugu Inatsisartut peqqussutaat nr. 6, 5. december 2008-meersukut eqqunneqartoq ima oqaasertaqarpoq:

Imm. 1. Naalakkersuisut meeqqanut inuusuttunullu ulloq unnuarlu paaqqinniffinni immikkoortortanik isumannaallisakkanik pilersitsinnaapput, tamanna pisariaqartinneqarpat.

Imm. 2. Meeqqanut inuusuttunullu ulloq unnuarlu paaqqinniffinni immikkoortorta q isumannaallisagaq tassaavoq, immikkoortorta q akuerineqarluni matunik silarlernik igalaanillu parnaarsimajuartitsiviusartog.

Imm. 3. Naalakkersuisut meeqqanut inuusuttunullu ulloq unnuarlu paaqqinniffinni immikkoortortani isumannaallisakkani naammattunik inissaqartitsinissaq nakkutigissavaat.

Imm. 4. Naalakkersuisut meeqqanut inuusuttunullu ulloq unnuarlu paaqqinniffinni immikkoortortanut isumannaallisakkanut sukumiinerusunik maleruagassiussapput.

Immikkoortortamik isumannaallisakkamik pilersitsinissamut aalajangersagaq tunngavissiivoq, meeqqallu inissinneqarsimasut immikkoortortanut taakkununga inissinnissaannut periarfissiilluni. Aammattaaq inuusuttut 18-it inorlugit ukiullit eqqartuussaasimasut taakkununga inissinneqarsinnaassapput.

Taamaattoq maannakut meeqqat inuusuttullu immikkoortortani isumannaallisakkani tiggumisaagallarsinnaanerat periarfissaqanngilaq. Tamatumunnga pissutaavoq immikkoortortani isumannaallisakkani allakkanik, oqarasuaatikkut oqaloqatigiinnernik allatigullu attaveqatigiinnernik nakkutillisoqarsinnaannginnera. Taamaattumik politiit paasiniaanermik suliaqarnertik pissutigalugu meeqqat inuusuttullu immikkoortortanut isumannaallisakkanut imaaliallaanaq inisseerusunneq ajorput. Tamanna ajornartorsiutaavoq isumaginninnermik suliaqarfimmi pissaanermik atuineq pillugu inatsisikkut nutaakkut qaangerneqartussa.

Taamaattumik Ilaqutariinnermut Inatsisinillu Atuutsitsinnermut Naalackersuisoqarfik isumaqarpoq maanna inatsisitigut sinaakkusiussaata iluini immikkoortortamik isumannaallisakkamik pilersitsinissaq tunngavissaqartoq, immikkoortortamillu taamatut ittumik pisariaqartitsineq annertusiartortoq.

Apeqquteqaat 2

Sisimiuni ulloq unnuarlu angerlarsimaffiup isumannaallisakkap pilersinneqarnissaanik pilersaarutit aalajangiusimaneqarnissaanik Naalackersuisut aalajangerannut suut tunuliaqutaappat aammalu sulisussanik pissarsisinnaanermut pissutsit siusinnerusumut sanilliullugu qanoq allanngorsimasutut Naalackersuisunit isigineqarpat?

Akissuteqaat 2

Sisimiuni immikkoortortat marluk imminnut atasut siunertamatu tamatumunnga immikkut sanaajupput, illuutini pioreersuni sullinniakkanut taakkununnga ininik naleqquttunik nassaarniarnissaq ajornakusoorsinnaammat.

Taamaattumik nutaamik sanaartornissaq pinnagu illuutip atorsinnaanissaa kissaatiginarpoq.

Sulisunik piginnaasalinnik sulisussarniarneq ajornakusoorsinnaavoq, tamannarpiaq naalackersuisoqarfimmi maluginiagaavoq. Taamaanneratali suliasamik taassuminnga pingaaruteqartumik suliarinnissinnaasunik sulisussarsionitsinnik aamma/imaluunniit sulisunik ilinniartitsinitsinnik unitsittariaqanngilaatigut.

Ilanngullugulu Naalackersuisoqarfik pingaartumik aallartisarnerup ingerlanerani ikiorneqarnissamik tapersorsorneqarnissamillu pinerluttunik isumaginnittoqarfimmit paasitinneqarpoq, taamaattumik naalackersuisoqarfik isumaqarpoq suliniut piviusorsioortuusoq.

Ilanngullugu ulloq unnuarlu angerlarsimaffinni inissat pisariaqartinneqartut pilersinneqarnissaat Naalackersuisut pisussaaffigaat, soorlu tamanna akissut 1-imi takuneqarsinnaasoq. Taamaattumik meeqqanut inuusuttunullu eqqartuussaasimasunut immikkoortortamik isumannaallisakkamik pilersitsinissap sulissutiginerata ingerlatiinnarnissaa pissusissamisoorpoq.

Apeqquteqaat 3

Ulloq unnuarlu angerlarsimaffik isumannaallisagaq illumi pioreersumi pilersinneqassasoq aammalu angerlarsimaffimmik pilersitsineq aningaasanut inatsimmi atuuttumi siunertamut aningaasatigut sinaakkusiussaareersut iluini ingerlanneqarsinnaasoq Naalackersuisut qinnuteqaamminni allapput. Tamatumunnga itisilliisutaasumik nassuiaat ataatsimiititaliamit qinnutigineqarpoq.

Akissuteqaat 3

Nunatsinni ulloq unnuarlu angerlarsimaffiit Namminersorlutik Oqartussanit ingerlanneqartut tamarmiusut ingerlatsinermut aningaasartuutaat kommunit aningaasalersortarpaat. Ingerlatsinermut aningaasartuutitut missingersuutit 50%-ii angerlarsimaffiit ataasiakkaat akiliutigititaattut aalajangersagaasutigut akilersinneqartarput, sinneruttullu 50%-it ataatsimoortumik tapiissutit aqutugalugit akilerneqartarlutik. Konto pingaarneq 20.05.20 kommuninut ataatsimoortumik tapiissutitut aningaasaliissutitigut tamanna ilanngullugu paasineqarsinnaavoq. Konto pingaarneq 30.10.37 Meeqqanut inuusuttunullu paaqqinniffiit nunamut tamarmut attuuttunut akuersissutitut immikkoortitat tassaapput ulloq unnuarlu angerlarsimaffinnut Namminersorlutik Oqartussat ingerlataannut ingerlatsinermut akuersissutit tamarmiusut.

Immikkoortortaq isumannaallisagaq illutamigut sumiiffigisamigullu Qasapermiut "Illuanni marloqiusami" inissinneqassaaq, tassani meeqqanut 2*4-nut inissaqarpoq. Illu taanna aallaqqaammulli siunertamut tassungarplaq eqqarsaatigisaavoq.

Qasapermiut illuutaasa sinneri suli Qasapermiunut atorneqartuassapput, maannamullu inissarititamik amerlassusaannit ikinnerusunik inissaqartitsilissallutik.


Aningaasaleeqqinnissamik pisariaqartitsinissaa naatsorsuutigineqanngilaq.

Taamaalilluni inissat taakku isumannaallisagaanngitsut inissanut isumannaalisakkanut allannortinneqarsinnaapput, akuersissutit amerlingikkaluarlugit.

Taamaalilluni missingersuutit aaqqiineq eqqarsaatigalugu kontomi pingaarnermi ingerlatat illuini (angerlarsimaffiit) nikisitsisoqassaaq.

Inussiarnersumik inuulluaqqusillunga

Med venlig hilsen


Martha Lund Olsen



INATSISARTUT

**Aningaasaqarnermut Nunamullu
Namminermt Naalackersuisoq
/MAANI**

Ulloq: 27. juni 2013

J.nr.: 01.31.06/13-00622

Aningaasaqarnermut Akileraartarnermullu Ataatsimiititaliap pingasungornermi ulloq 26. juni 2013-imi aalajangiineranik Naalackersuisunut ilisimatitsineq (suliaq nr. 01.31.06/10-00622)

Angerlarsimaffimmut isumannaallisakkamut ilassutitut aningaasaliissutinik missingersuutitut allannguutaangitsumik qinnuteqaat (01.31.06/13-622)

Naalackersuisut inassutigaat,

- kontumut pingaarnermut 30.10.37, Nuna tamakkerlugu meeqqanut inuusuttunullu angerlarsimaffiit (Ingerlatsinermt aningaasaliissutit), oqaasertaliussat immikkoortoq 6-imi titarneq 8-miit ima ilaneqassasut: "Taakkua saniatigut angerlarsimaffik isumannaallisagaq illumi marloqiusami, inuusuttut pinerlussimasut pineqaatissinneqarsimanertik pissutigalugu inissinneqarsimasut arfineq-pingasut tikillugit inissinneqarfigisinnaasaat pilersinneqarpoq".

Aningaasaqarnermt Ataatsimiititaliap oqaaseqaatai

Kontumut pingaarnermt 30.10.37-mut, Nuna tamakkerlugu meeqqanut inuusuttunullu angerlarsimaffinnut tunngasumut missingersuutitut ilanngussami aningaasaliissutinut tunngavigneqartut allanngortinneqarnissaat Naalackersuisut qinnuteqaat manna aqutigalugu kissaatigaat, taamaalilluni ulloq unnuarlu angerlarsimaffiit isumannaallisakkat, inuusuttunut pineqaatissinneqarsimasunut arfineq pingasut tikillugit amerlassusilikkaanut inissiiffiusinnaasut aamma tassunga ilanngunneqassallutik.

Ataatsimiititaliap ulloq 12. juni ataatsimiinnermini suliaq siullermik oqaluuseraa, tamatumani ataatsimiititaliap suliamik inaarutaasumik isummersinnaanissaminut immikkoortut arlallit pillugit nassuiaammik pissarsinissani pisariaqartut isigalugu. Naalackersuisunit akissuteqaat ulloq 18. Juni 2013 ataatsimiititaliamit tiguneqarpoq.

Naalackersuisut allakkaminni nassuiaatigaat ulloq unnuarlu angerlarsimaffimmik isumannaallisakkamik pilersitsinissamut inatsisitigut tunngavissaqartoq, taamaattoorli paarnaarussinissamut taarsiullugu inissiinissamut periarfissaqanngitsaq, tamanna inatsisissatut siunnersuutissami ilaasussatut naatsorsuutigineqarluni. Aammattaaq inissat isumannaallisarneqanngitsut pigineqareersut aningaasaliissutit amerlinagit inissat isumannaallisakkatut allanngortinneqarsinnaasut Naalackersuisut paasissutissiissutigaa. Sisimiuni inissiisarfirmik pilersitsinissamut pilersaarutitik aalajangiusimagitik Naalackersuisut naggasiullugu oqaatigaat. Ininik siunertamut naleqquttunik nassaarniarnerup ajornakusoorsinnaanera, taamaattumillu nutaanik sanaartornermt

aningaasartuuteqarnissaq pinnagu illutat pigineqareersut atorneqarnissaasa kissaatigineqarnera Naalakkersuisut tamatumunnga tunngavilersuutigaa.

Sulisussat piginnaaneqarluartut nassaariuminaammata Naalakkersuisut ataatsimiititaliaq isumaqatigaat aammalu sulisussanik ujarlernerup aamma/imaluunniit ilinniartitsinerup ingerlatiinnarneratigut tamanna Naalakkersuisut assut eqqumaffigaat. Kiisalu pinerlussimasunik isumaginnittoqarfik pingaartumik piffissami aallarnisarfiusumi tapersiillunilu ikiuunniarluni nalunaaruteqartoq Naalakkersuisut paasissutissiissutigaa, taamaattumillu Naalakkersuisut suliniut tatigalugu. Angerlarsimaffimmi taamaattumi piginnaaneqarluartut ilinniarsimasunik, tassunga ilanngullugu aamma perorsaasunik sulisoqarnissaanik piumasaqaatit sukkulluunniit eqquutsissagaat ataatsimiititaliap piumasaqaatigaa.

Missingersuutitut ilanngussamut allannguutissamik tigusaqarnissani ataatsimiititaliap qinnutigaa, tamatumani ingerlatanut kisitsisit sulisunillu atuinerup allannguutaat allassimassallutik. Aammattaaq missingersuutitut ilanngussamut aningaasaliissutitut tunngavigineqartut allannguutaasa aappassaaneerinninnissamut allannguutissatut siunnersuut aqquutigalugu 2014-imut aningaasanut inatsimmut ilanngunneqarnissaat Naalakkersuisunit qulakkeerneqassaaq.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Naalakkersuisut inassuteqaataat Aningaasaqarnermut Ataatsimiititaliap **akuerai**.

Missingersuutitut ilanngussamut allannguutip kalaallisut danskisullu kingusinnerpaamik ulloq 31. juli 2013 tiguneqarnissaa ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiuqqassasoq: julie@inatsisartut.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 13. juni 2013

J.nr.: 01.31.06/13-00623

**Aningaasaqarnermut Akileraartarnermullu Ataatsimiititaliap pingasunngornermi
ulloq 12. juni 2013-imi aalajangiineranik Naalakkersuisunut ilisimatitsineq (suliaq nr.
01.31.06/13-00623)**

**Maniitsup eqqaa pillugu Royal Greenland A/S-imut sullissinissamik
isumaqatigiissummut tapiliusaaq**

Naalakkersuisut inassutigaaq,

- Maniitsup eqqaani suanniarneq pillugu Royal Greenlandimut sullissinissamik isumaqatigiissut ilanngunneqartoq akuerineqassasoq,
- Sullissinissamullu aningaasaliissutit 585.000 koruuniusut kontomit pingaarnermit 50.01.18-mit, Ingerlatsinermit isumaqatigiissutit, tunisassiorfiit-nit tiguneqassasut."

Aningaasaqarnermut Ataatsimiititaliap oqaaseqaatai

Suaat Maniitsup eqqaani tunisat Nuummi tunisassiorfimmut assartorneqarnissaat pillugu Royal Greenland A/S-imik sullissinissamik isumaqatigiissuteqarnissaq Naalakkersuisut qinnuteqaatikkut ugguuna kissaatigaat.

Arctic Green Food A/S-ip akiliisinnaajunnaarnissaanik Naalakkersuisut peqqussuteqarnerisigut sullissinissamik Naalakkersuisut ingerlatseqatigiffimmut isumaqatigiissutaat atorunnaarsinneqarpoq, taamaattumillu tunisinissaq eqqarsaatigalugu allatut aaqqiissuteqarnissap pisariaqarsinnaanera ataatsimiititaliamit paasilluarneqarsinnaavoq.

Konto pingaarnermut 50.01.18-imut, tunisassiorfinnik ingerlatsinissamik isumaqatigiissutinut tunngasumut, missingersuutinut ilanngussami aningaasaliissuteqarnermi tunngavinnut atuuttunik saneqqutsinissatut qinnuteqaat una isigineqassaaq, taamaattumillu tamanna nassuiaatigineqarsimasuuppat iluaqutaasimassagalarpoq.

Qinnuteqaatip Aningaasaqarnermut Ataatsimiititaliamut nassiunneqarnissaa Naalakkersuisut ulloq 2. maj aalajangersimammassuk ataatsimiititaliamit maluginiarneqarpoq, qinnuteqaalli ataatsimiititaliamit aatsaat ulloq 31. maj tiguneqarluni. Tamanna ajornartorsiutitaqarpoq, tassami nipisaat suaannik tunisineq kisiat sullissinissami isumaqatigiissutikkut matussuserniarneqarmat, taakkulu takkussimaarnerat piffissap imaalinerani qaangiutereertutut isigineqarluni. Konto pingaarnermut 50.01.18-imut, tunisassiorfinnik ingerlatsinissamik isumaqatigiissutinut tunngasumut, oqaasertaliusaaq naapertorlugu suleqatinut avataaneersunut Naalakkersuisut aatsaat isumaqatigiissuteqarsinnaapput Inatsisartut Aningaasaqarnermut Ataatsimiititaliaannit

akuerineqartumik. Taamaattumillu suliap Aningaasaqarnermut Ataatsimiititaliamut nassiunnaasaarneqarsimanerata nassuiaatigineqarnissaata qinnutiginnissaa pisariaqartutut ataatsimiititaliamit isigineqarpoq kiisalu ilanngullugu paasissutissiissutigeqquneqarluni isumaqatigiissuteqartoqareersimanersoq imaluunniit siunertamut aningaasartuuteqartoqareersimanersoq, taamaattoqarsimappammi tamanna missingersuusionerermut inatsimmik aammalu aningaasanut inatsimmik unioqqutitsinerusaaq.

Maniitsumi tunisassiorfimmi pinnani Nuummi tunisassiornikkut annertuumik ingerlatsineq pissutigalugu iluaqutissarsiffiusinnaasoq ataatsimiititaliamit ilimagineqarpoq. Tamatuma saniatigut nipisaat suaasa pitsaasumik akeqartinneqarnerat ilanngukkaanni nipisat suaannik Maniitsup eqqaaniit Nuummut assartuinissamut sullissinissamik isumaqatigiissuteqarnissap pisariaqartinneqarnera ataatsimiititaliamit tupigusuutigineqarpoq. Taamaattumillu tamatuma itisiliiffigineqarnissaa ataatsimiititaliamit qinnutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu apeqqutit siuliani allassimasut piaartumik akineqarnissaat siunertaralugu Naalackersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**.

Naalackersuisut akissutaata kalaallisut danskisullu kingusinnerpaamik ulloq 20. juni 2013, nal. 12 tiguneqarnissaa ataatsimiititaliamit qinnutigineqarpoq assileneqarneralu uunga nassuteqquneqarluni: julie@ina.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
-/ Maani

623

Konto pingaarneq 50.01.18 Ingerlatsinissamik isumaqatigiissutit, tunisassiorfiit pillugu Inatsisartut Aningaasaqarnermut Akileraartarnermullu Ataatsimiititaliaata apeqqutaanut akissut

15. juni 2013
Sagsnr. 2013-084705
Dok. Nr. 1246361

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Maniitsup eqqaani Royal Greenland A/S-imut sullissinissamik isumaqatigiissummut ilasut pillugu pingasunngornermi 12. Juni 2013 ataatsimiititaliap aalajangiinera pillugu Naalakkersuisut ilisimatitsissutaat pillugu Aningaasaqarnermut Akileraartarnermullu Ataatsimiititaliap Aningaasaqarnermut Nunamullu Namminermut Naalakkersuisoqarfiup allagaqaataata 13. juni 2013-imeersup assilinera Aalisarnermut, Piniarnermut Nunalerinermullu Naalakkersuisoqarfiup tiguua (suliaq nr. 01.31.06/00623).

Ilisimatitsissutigineqassaaq Naalakkersuisut Royal Greenland A/S-imut isumaqatigiissuteqanngitsut naalakkersuisoqarfillu tassunga atatillugu aningaasartuuteqanngitsaq.

Arctic Green Food A/S-ip (matumu kingorna AGF) akiliisinnaajunnaarnera pissutigalugu immikkorluinnaq pisoqarpoq, Naalakkersuisullu tassunga atatillugu aaqiissutissatut periarfissanik ujartuikuupput, tassani aalisartut tunisisinnaanerata nunamilu suliffissaqarnissaq qulakkeerniarneqarluni. Aammattaaq ataatsimiititaliap qinnuteqaataata aappaa innersuussutigissavara.

Namminersorlutik Oqartussat ilaatigut Royal Greenland A/S (matuma kingorna RG) ataveqarfigaat, suliffeqarfillu oqaloqatigiinnerni ilisimatitsissutigaa pissutsit taamaaginartillugit suliamut tunngatillugu ingerlatsinermut aningaasartuuteqarnerulertussaallutik aamma orsussamat umiartortullu aningaasarsiaannut matussutissatut sapaatip akunneranut 15.000 kr.-inik pisariaqartitsissallutik qinnuteqaatip saqqummiutinnginnerani naatsorsimallugu. Qinnuteqaateqarnermullu peqatigitillugu RG-p ilisimatitsissutigaa suliamik ingerlatsinermut tunngatillugu aningaasartuutit tamarmiunngitsut. Ingerlatsinerit sapaatit akunneranni qullngilluangajanni sivilissuseqarnissaat naatsorsorneqar-nikuvoq.

Royal Greenland A/S ilisimatinneqarpoq sullissinissamat isumaqatigiissummut ilassummut ataatsimiititaliap akuersinissaa piumasaqaataasoq.

Isumaqatigiissummi atuuttumi taamaallaat pineqarput illoqarfinni mikinerusuni nunaqarfinnilu tunisassiorfiit. AGF-ip akiliisinnaajunnaarnera aalisartullu suliffeqarfiup piginnittuisa aningaasatigut akiligassaat pissutigalugit Greenland Properties A/S-imik suleqateqarumanginnerat kinguneqarpoq, Naalakkersuisut aqqiissutissanik allanik ujartuisariaqarnerannik. Kontop pingaarnerup taassuma atornissaa Naalakkersuisut pitsaanerpaatut isumaqarfigaat, tassa tunitsiviit allat pillugit RG-mut sullissinissamik isumaqatigiis-

suteqartoqareermat aningaasallu atorneqarsinnaasut sinneqarlutik. Naalackersuisut aamma isumaqarput suannik pisiortorneq qulakkeerniarlugu aaqqiissut taanna pitsa-nerpaajusoq sukkanersaallunilu.

Ilumoorpoq suliaq Aningaasaqarnermut Nunamullu Namminermut Naalackersuisoqar-fimmut ulloq 3. maj 2013 nassiunneqartoq. Eqqaasitsisummik ulloq 21. maj 2013 nas-siussereernerup kingorna paasineqarpoq suliaq mailimi adressimut kukkusumut nassi-unneqarsimasoq, siusinnerusukkullu oqaloqateqartoqareeraluartoq aammalu Anin-gaasaqarnermut Nunamullu Namminermut Naalackersuisoqarfimmi sulisumut pappilis-sat assilinerat atorlugit ilisimatitsisoqarnikuugaluartoq, pappilissat suliareqarsimanngil-lat. Erseqqissarneqassaarli matumani sulisut pineqartut paatsooqatigiinnerisigut taman-na pisimammat. Tamanna soorunami ajuusaarnarpoq.

Inussiarnersumik inuulluaqqusillunga



Karl Lyberth



INATSISARTUT

**Aningaasaqarnermut Nunamullu
Namminermut Naalackersuisoq
/MAANI**

Ulloq: 30. juni 2013
J.nr.: 01.31.06/13-00623

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00623)**

**Maniitsup eqqaa pillugu Royal Greenland A/S-imut sullissinissamik
isumaqatigiissummut tapiliusaaq**

Naalackersuisut inassutigaaat,

- Maniitsup eqqaani suanniarneq pillugu Royal Greenlandimut sullissinissamik isumaqatigiissut ilanngunneqartoq akuerineqassasoq,
- Sullissinissamullu aningaasaliissutit 585.000 koruuniusut kontomit pingarnermit 50.01.18-mit, Ingerlatsineranut isumaqatigiissutit, tunisassiorfiit-nit tiguneqassasut.

Aningaasaqarnermut Ataatsimiititaliap oqaaseqaatai

Suaat Maniitsup eqqaani tunisat Nuummi tunisassiorfimmu assartorneqarnissaat pillugu Royal Greenland A/S-imik sullissinissamik isumaqatigiissuteqarnissaq Naalackersuisut qinnuteqaatikkut ugguuna kissaatigaat.

Ataatsimiititaliap suliaq ulloq 12. juni ataatsimiinnermini siullermik suliaraa, tassani suliaq isummerfigisinnaaqullugu immikkoortut arlallit pillugit nassuiaammik tigusaqarnissaq ataatsimiititaliamit pisariaqartinneqarluni. Akissut Naalackersuisunit ulloq 19. juni tiguneqarpoq.

Royal Greenland A/S-imik (RG) sullissinissaq pillugu isumaqatigiissuteqarneq ataatsimiititaliaq matuminnga akuersissutiginnitsinnagu pissanngitsoq aammalu siunertamut aningaasartuuteqartoqarsimanngitsoq Naalackersuisut paasissutissiissutigaaat, tamannalu missingersuusionermut inatsimmut naapertuuppoq.

Arctic Green Food A/S-ip (AGF) akiliisinnaajunnaarnera pissutigalugu pissutsit immikkut ittut atuutilersimasut, taamaattumillu aalisartut tunisisinnaanissaat qulakkeerumallugu periarfissanik allanik ujarlennissaq pisariaqarsimasoq Naalackersuisut paasissutissiissutigaaat. Tamatuma saniatigut tunisassiorfimmik maanna piginnittup, siusinnerusukkut AGF-ip Namminersornerullutillu Oqartussat akornanni sullissinissamik isumaqatigiissuteqarsimasup, suleqatiginissaa aalisartunit kissaatigineqarsimanngilaq. Pissutsit immikkut ittuunerat aammalu najukkami aalisartut tunisinissamut periarfissaqarnissaannik qulakkeerinissap pisariaqartinneqarnera ataatsimiititaliamit tunngaviatigut paasilluarneqarsinnaavoq.

Aningaasaqarnermut Ataatsimiititaliami amerlanerussuteqartut Siumup Atassutillu ilaasortaatitaasa qinnuteqaat akuerisinnaanngilaat. RG-p sullissinissamik isumaqatigissuteqarfigineqarnissaa sooq pisariaqarnersoq aammalu naak nipisaat suaat Maniitsup eqqaanit Nuummumt assartorneqarnerat immikkut aningaasartuuteqarfiugaluartoq nipisaat suaasa akiannut sanilliullugu Nuummi tunisassiofimmi suliarinnikkut annertuumik ingerlatsineq sooq iluaqutissarsiffiusinnaannginnersoq naammattumik nassuiarneqarsimanngitsut amerlanerussuteqartut isumaqarput. Minnerunngitsumik nipisaat suaasa takkusimaarnerat naareersoq Naalakkersuisut qinnuteqaammik Aningaasaqarnermut Ataatsimiititaliamut nassiussinerit ajornartorsiutissartaqartut ataatsimiititaliami amerlanerussuteqartunit isigineqarpoq. Tamanna tunngavigalugu akuersissutiginninneq tassaassaaq aningaasat atorneqareerneranni aningaasaliissuteqarneq.

Aningaasaqarnermut Ataatsimiititaliami ikinnerussuteqartut Inuit Ataqtigii ilaasortaatitaasa ima tunngavilersuuteqarlutik qinnuteqaatip akuerineqarnissaa kissaatigaat:

”AGF-ip akiliisinnaajunnaarnerat kingunerisaanik tunisinissamut periarfissanik allanik nassaarniarnissap pisariaqarnera Inuit Ataqtigiiinnit akuersaarneqarpoq. Taamaattumillu qinnuteqaat Inuit Ataqtigiiinnit akuerineqarsinnaavoq ajuusaarineqarlunilu Aningaasaqarnermut Ataatsimiititaliami amerlanerussuteqartunit itigartinneqarmat.

Suaat takkusimaarnerat qaangiutereersoq sullissinissamik isumaqatigiissutip akuerineqarnissaa Naalakkersuisunit Aningaasaqarnermut Ataatsimiititaliamut aatsaat qinnutigineqarnera Inuit Ataqtigiiinnit naammagineqanngilaq. Tamanna Aningaasaqarnermut Ataatsimiititaliap – taamaallunilu aamma Inatsisartut – oqartussaassuseqarnerannik ataqqinninnginneruvoq. Isornartorsiuneq apeqqutillu suliamik suliarinninnermi Aningaasaqarnermut Ataatsimiititaliamit saqqummiunneqartut Naalakkersuisunit isummerfigineqannginnerat Inuit Ataqtigiiinnit aamma naammagineqanngilaq.

Suliami matumani Royal Greenland isornartorsiussallugu eqqortuunngilaq. Aningaasanut inatsimmi aalajangersakkanik eqquutsitsinissaaq aammalu Inatsisartunik pitsaasumik oqaloqatiginninnissaaq Naalakkersuisut kisimik akisussaaffigaat .

AGF-ip akiliisinnaajunnaarneratut ittumik siumut naatsorsuutigineqanngitsumik ajuusaarnartumillu pisoqaraluartoq aalisartut tunisinissamut periarfissaqartinneqarnissaat suliami matumani pingaarnerusoq isumaqarpugut, taamaattumillu Naalakkersuisut qinnuteqaataat akuersissutigaarput – naak Naalakkersuisut suliamik suliarinninnermini pikkorlussimagaluartut.”

Aningaasaqarnermut Ataatsimiititaliap aalajangiinera

Aningaasaqarnermut Ataatsimiititaliami ikinnerussuteqartut Siumut Atassutillu ilaasortaatitaasa Naalakkersuisut inassuteqaataat **akuersissutiginnigilaat**.

Aningaasaqarnermut Ataatsimiititaliami ikinnerussuteqartut Inuit Ataqtigii ilaasortaatitaasa Naalakkersuisut inassuteqaataat **akuersissutigaaat**.

Ataatsimiititaliap sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 14. juni 2013

J.nr.: 01.31.06/13-00624

Aningaasaqarnermut Akileraartarnermullu Ataatsimiititaliap pingasunngornermi ulloq 12. juni 2013-imi aalajangiineranik Naalakkersuisunut ilisimatitsineq (suliaqnr. 01.31.06/13-00624)

Missingersuutininut sunniuteqanngitsumik kontomi pingaarnermi 50.01.18, ingerlatsineranut isumaqatigiissutit tunisassiorfiit, aningaasanik sinneruttunik nuussineq

Naalakkersuisut inassuteqarput,

- Kontomi pingaarnermi 50.01.18 Ingerlatsinissamik isumaqatigiissutit, tunisassiorfiit (tapiissutininut aningaasaliissutit) missingersuutininut tapersiissut tapersiissummut ilanngunneqartumut allanngortinneqassasoq.
- Aningaasaliissutit sinneruttut 5,467 mio. kr.-inik annertussuseqartut siunertamut missingersuutininut tapersiissummi ilanngunneqartumi allaaserineqartumut atorineqassasut.

Aningaasaqarnermut Ataatsimiititaliap oqaaseqaatai

Missingersuutininut ilanngussap atuuttup ataatsimiititaliamut nassiunneqartumik taarserneqarnissaa Naalakkersuisut inassuteqarnermikkut kissaatigigaat Aningaasaqarnermut Ataatsimiititaliamit ilimagineqarpoq. Missingersuutininut ilanngussaq nutaaq ataatsimiititaliamut nassiussaq aalajangiineranut matumunnga ilanngussatut ilanngunneqarpoq.

"Missingersuutininut tapersiissutini missingersuutini piumasaqaatit allanngortinneranni Aningaasaqarnermut Ataatsimiititaliamut qinnuteqarnani eqaatsunik aaqqiissuteqartarnissamut Naalakkersuisut pisinnaatinneqassapput. Aningaasaliissutaasut atorineqarnerat pillugu Aningaasaqarnermut Ataatsimiititaliaq ingerlaavartumik ilisimatinneqartassaaq", qulequttami immikkoortup "Tunuliaqutaq" naggataani Naalakkersuisut oqaatigaat. Taamaattorli Aningaasaqarnermut ataatsimiititaliaq akuerseqqaartinnagu Naalakkersuisut periarfissaqanngillat, konto pingaarneq 50.01.18 ingerlatsinerami isumaqatigiissutit, tunisassiorfiit pillugit oqaasertaliussat nassuiaataanni allassimammat: "Naalakkersuisut, Inatsisartut Aningaasaqarnermut Ataatsimiititaliaanut akuerisitsinikkut, konto pingaarnermi matumani anguniagaasut iluanni suliasat aaqqinneqarnissaannut suleqatigisanut avataneersunut isumaqatigiissuteqarnissamik Naalakkersuisut piginnaatinneqarput." Missingersuusiornermut inatsit malillugu oqaasertaliussat inatsimmi oqaasertatut naleqarput, taamaannatilli missingersuutininut ilanngussami oqaasertat, taamatutaaq Missingersuusiornermut inatsit naapertorlugu inatsisit oqaaseqaatitaatut iluseqarluni.

Taamaattumik missingersuutitut ilanngussami oqaasertat allanngortinneqarsinnaapput, oqaasertaliussanili oqaasertaliussat sanioqqunneqarsinnaanatik. Naalakkersuisut oqaasertaliussat allanngortiniarunikkit, tamanna Aningaasaqarnermut ataatsimiititaliamut inassutini (ersarissumik) allassimassaaq. Taanna qinnuteqaammi uani pisimanngilaq.

Missingersuutitut ilanngussami nutaami allassimavoq *"Missingersuutitut tapiliussami uani aningaasaliissutitut piunasaqaatit allaaserineqartut akuersissutigineqareerneranni oqaasertat 2013-ip sinneranut allanngortinnagit ingerlateqqinniarnaqarput."* Taamaattumik missingersuutitut ilanngussami aningaasaliinermi tunngaviusut allanngortinneqarnerisigut Naalakkersuisut piginnaatinneqarnissartik pillugu qanoq ilimagisaqarnerisut ersarluppoq. Tamatuma itisilerneqarnissaanik Naalakkersuisut ataatsimiititaliamit qinnuigineqarput.

Qinnuteqaatikkut aningaasaliissutitut tunngaviit "eqaannersunngortinniarnaqarput", taamaalilluni tunisinerimut tapiissuteqartoqarsinnaalluni, taamaaliornermi najukkami tunitsivinnut pisariaqanngitsumik pituttuisoqanngikkaluartoq. Naalakkersuisut malillugit taamatut allanngortinneq Arctic Green Food-ip (AGF-ip) akiliisnaajunnaarneranut attuumassuteqarpoq, tassungalu atatillugu maanna tunisassiorfinnik AGF-imik kiffartuussinissamat isumaqatigiissuteqarfiusunik maanna piginnittullu (Greenland Properties A/S) aaqqiissutissamik isumaqatigiissusiornissaq periarfissaasimanngimmat. Missingersuutitut ilanngussami immikkoortut pingajuata sisamaatalu ataqatigiinnerat ersernerluppoq. Immikkoortut pingajuanni missingersuutitut ilanngussami aningaasaliissutitut tunngaviit eqaannerusunngortinniarnaqarput, assartuinerimik aaqqiinernut aamma umiarsuarnut tunitsivinnut tapiissuteqarsinnaaneq periarfissanngortinniarnaqarluni, akerlinganilli immikkoortut sisamaanni missingersuutitut ilanngussap aappaa uteqqinneqarpoq, tassani nunaqarfinni illoqarfinnilu minnerusuni tunisassiorfiit isiginiarnaqarnerat aalajangiussimaneqarmat. Piviusut tunngavigalugit taakku asortuupput, taamaalilluni aningaasaliissutitut aalajangersimasumik sumut atorneqarsinnaanerit sumullu atorneqarsinnaannginnerat Inatsisartunut paatsuunganarsissalluni. Tamanna tunngavigalugu aningaasaliissutikkut siunertaasumik itisileeqqullugit, tassunga naapertuuttumik missingersuutitut ilanngussamik allanngukkamik nassiusseqqullugit kiisalu tassunga atatillugu konto pingaarnermut ateritinneqartoq allanngortinneqassanersoq isummeqqullugit Naalakkersuisut ataatsimiititaliamit qinnuigineqarput.

Tunisassiorfinni siusinnerusukkut Namminersorlutik Oqartussat AGF-llu akornanni sullissinissamik isumaqatigiissuteqarfiusuni tunisinerit 2014-imiit pisortaniit tapiiffigineqanngitsumik ingerlanneqarsinnaanerit Royal Greenlandimiit naatsorsuutigineqartoq Naalakkersuisut ataatsimiititaliamut siusinnerusukkut paasissutissiissutigaat. Tamanna suli naatsorsuutigineqarsimappat qinnuteqaammi allanneqarsimasariaqaraluarpoq. Ataatsimiititaliamit maluginiarnaqarpoq tusagassiorfiit saqqummiussinerat malillugu Greenland Propertiesimi, tunitsivinnik pineqartunik piginnittuusumi, piginneqataassutit amerlanerpaartaat Greenland Venture A/S-mit tiguneqarsimasut. Tamanna eqqumiiginarsinnaavoq, Greenland Venturemi siunertaa tassaasorinangimmat tunitsivinnik ingerlatsineq. Pissutsit taakku pillugit sukumiisumik nassuiaat ataatsimiititaliamit kissaatigineqarpoq, tassungalu ilanngullugu paasissutissiissutigeqquneqarluni tunisassiorfiit naatsorsuutigisat akimorlugit 2014-miit niuernerpalaartumik ingerlanneqarsinnaassanngippata Roy Green, Greenland

Venture imaluunniit alla ungasinnerusiq isigalugu Namminersorlutik Oqartussanit sullissinissamut isumaqatigiissuteqarfigneqartussatut naatsorsuutigneqarnerut.

Naggasiullugu oqaatigneqartariaqarpoq Naalakkersuisut missingersuutitut ilanngussamik nutaamik nassiussineranni ilusiliinissamut piumasarineqartut iluarsineqassammata. Naalakkersuisut missingersuusiornermut malittarisassa 2008-meersooq ataatsimiititaliamit innersuussutigneqassaaq tassani missingersuutitut ilanngussat suliarineqartarneranni periutsit immikkoortoq 4-5-imi erseqqinnerusumik nassuiaatigneqarput. Missingersuusiornermut malittarisassani immikkoortut taakku Aningaasaqarnermut Nunamullu Namminermut Naalakkersuisoqarfimmit, qinnuteqaatip Aningaasaqarnermut Ataatsimiititaliamut nassiunneqarnissaanik akuersisuusumit, naammattumik eqqumaffigneqarsimanninnerat eqqumiiginartutut oqaatigneqartariaqarpoq.

Taamaattumillu Aningaasaqarnermut Ataatsimiititaliamit naggasiullugu oqaatigneqartariaqarpoq aningaasaliissuteqarnissamut qinnuteqaatip nassiunneqartup pitsaassusaa naammaginangitsoq. Aningaasaliissuteqarnissamik qinnuteqaatit Aningaasaqarnermut Ataatsimiititaliamit suliarineqartussat pitsaassusiisa qulakkeerneqartarnissaat kinguarsaanertaqanngitsumik sulissutigneqassasooq ataatsimiititaliamit **kaammattuutigneqarpoq**.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu apeqqutit siuliani allassimasut piaartumik akineqarnissaat missingersuutitnullu ilanngussanik eqqortumik takutitsisumik nassiussinissaq siunertaralugu Naalakkersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**.

Naalakkersuisut akissutaata kalaallisut danskisullu kingusinnerpaamik ulloq 20. juni 2013, nal. 12 tiguneqarnissaa ataatsimiititaliamit qinnutigneqarpoq assiligneqarneralu uunga nassiutequneqarluni: julie@ina.gl.

Tamatuma peqatigisaanik ataatsimiititaliaq julip qaammataani ataatsimiissanngimmat Aningaasaqarnermut Ataatsimiititaliamit eqqaasitsissutigneqassaaq. Taamaattumillu ullup siulilani allassimasup kingorna akissut ataatsimiititaliamut aatsaat nassiunneqassagaluarpat tamatuma kingunerissavaa qinnuteqaatip ataatsimiititaliap augustimi ataatsimiinnerani aatsaat suliarineqarsinnaanera.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
-/ MAANI

5

**Missingersuutitut sunnuteqanngitsumik nuussineq pillugu Aningaasaqarnermut
Ataatsimiititaliap allagaqaataanut akissut**

15. juni 2013
Sagsnr. 2013-084705
Dok. Nr. 1246364

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Aningaasaqarnermut Akileraartarnermullu Ataatsimiititaliap pingasunngornermi ulloq 12. Juni 2013 aalajangiinera (suliaq nr. 01.31.06/00624) pillugu Naalakkersuisut ilisimatitsissut pillugu Aningaasaqarnermut Ataatsimiititaliap Aningaasaqarnermut Nunamullu Namminermut Naalakkersuisumut allagaqaataa 14. Juni 2013-imeersoq Aalisarnermut, Piniarnermut Nunalerinermullu Naalakkersuisoqarfiup tiguaa, tassani pineqarpoq 2013-imit Aningaasanik inatsimmi kontop pingaarnerup 50.01.18, Ingerlatsinissamik isumaqatigiissutit, tunisassiorfiit ataanni missingersuutitut sunnuteqanngitsumik aningaa-sanik sinneruttunik nuussinissaq.

Ataatsimiititaliap allagaqaataanut qujuvunga, ilalersinnaallugulu isummernissamut tunngavissiami missingersuutinullu ilanngussami tassunga atasumi oqaasertai paatsoorneqarsinnaasut.

Kisiannili isummernissamut tunngavissiami siunertaavoq ilisimatitsissutigissallugu missingersuutitut tapiissut atuuttoq suli atuutissasoq, tassa sullissinissamut isumaqatigiissutit atuuttut marluk 2013-ip sinneranut atuummata. Tassunga atatillugu Naalakkersuisut isumaqarput kontop pingaarnerup qulequtaa attatiinnartariaqartoq.


Naalakkersuisut isumaliuteqareerlutik isumaqarput missingersuutitut tapersiissut nassinneqartoq imatut allanngortinneqassasoq oqaasertaani oqaasertanut oqaaseqaatini siunertaq saneqqunnagu. Allagaqaatikkut ugguuna Naalakkersuisut kissaatigaat Inatsisartut Aningaasaqarnermut Akileraartarnermullu Ataatsimiititaliaannut qinnuteqaateqartoqassasoq taamaallaat ilisimatitsinissamik siunnersuuteqarneq tunuartinneqassasoq. Missingersuutitut tapersiissut allanngortitaq ilanngunneqarpoq.

Siunnersuummi taamaallaat tunngavissatut siunertaavoq sukkanerpaamik tunisisoqarsinnaalissasoq aammalu tunisinissamut periarfissaqarfiuvinngitsuni tunisinissamik qulakkeerinnittut missingersuutitut tapersiummi suliniutit taaneqartut pillugit ingerlatsisunut isumaqatigiissusiortoqassasoq. Pisoq una tunngavigalugu isigineqassaaq, naak Greenland Venture A/S aamma Royal Greenland A/S 2013-imit siumullu tunisassiorfiit ingerlanneqarnissaat pillugu isumaqatigiissusiorluartut sukkasuumik iliuuseqarnissamik pisariaqartitsiviusunik pisoqartarumaartoq. Tamanna tunngaveqarpoq tunisassiorfiit Greenland Venture A/S-ip Greenland Properties A/S-imit tigusai imatut aserfallatsigisimasut arlallit inuussutissanik tunisassiorfinnik nakkutilliusunit matuneqareerlutik, ammaqquissappatalu iluarsaannissaat pisariaqarluni. Taamaammatt Naalakkersuisut isumaqarput piffissap ingerlassasoq sumiffiit ilaanni tunisisoqarsinnaanani, tamassumalu annertussusia suli ilisimaneqanngilaq, taamaammallu siunnersuummi taamatut allaasereqarlutik, ataatsimiititaliamit akuersissuteqarnissaq utaqqinagu sukkasuumik

iliuseqarnissaq qulakkeerniarlugu. Aaqqiinermi Naalakkersuisut siunertaanni ilaatigut tunngaviuvoq piffissaq sulinngiffeqarnissaq aggersoq, aamma ataatsimiititaliat sulineranni.

Missingersuutitut tapersiissut allangortitaq ilanngunneqarpoq.

Inussiarnersumik inuulluqqusillunga



Karl Lyberth

50.01.18 Ingerlatsinissamik isumaqatigiissutit, tunisassiorfiit (Tapiissutitut aningaasaliissutit)

Missingersuutit immikkoortitererat

	R 2011	AI 2012	AI 2013
	---- 1.000 kr. ----		
Ilanngaaseereerluni aningaasartuutit	23.000	23.000	0

Kontomut pingaarnermut uunga oqaasertaqarpoq.

Kontomi pingaarnermi uani 5,467 mio.kr. sinnerupput.

Suliniutitut Naalackersuisunit akuerineqartunut aningaasaliissutit atornerussapput, taakkunani sumiiffinni tunisinissamik allanik periarfissaqanngitsuni aalisartut tunisisinnaanermut periarfissaqanissaat qulakkeerneqassalluni. Suliniutini qulakkeerneqassaaq Naalackersuisut ingerlatsisut assartuineramik aqqiinikkut tunitsivinnillu umiarsualiinikkut allatigulluunniit tunisisinnaanermik qulakkeerininnikkut tunisisinnaanermik neqeroorteqartut suleqatigalugit eqaatsumik aqqiinnaallutik.

Aalisarnermi piniarnermilu suliffissaqartitsinissaq ingerlatallu annertussusiat kiisalu nunaqarfinni illoqarfinnilu mikinerusuni aalajangersimasuni tunisassiorfinni tunisassiornissaq siuarsarniarlugit qulakkeerniarlugillu matumani aningaasaliissutit sinneruttut tapiissutitut atornerussapput. Nunaqarfiit illoqarfiillu mikinerusut aalajangersimasut sullissinissamut isumaqatigiissutini aalajangersimasuni aalajangerneqarsimassapput.

Missingersuutitut tapersiisummi uani aningaasaliissutitut piunasaqaatit allaaserineqartut akuersissutigineqareerneranni oqaasertat 2013-ip sinneranut allanngortinnagit ingerlateqqinniarnearput.



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 27. juni 2013

J.nr.: 01.31.06/13-00624

Aningaasaqarnermut Akileraartarnermullu Ataatsimiititaliap pingasunngornermi ulloq 26. juni 2013-imi aalajangiineranik Naalakkersuisunut ilisimatitsineq (suliaq nr. 01.31.06/10-00624)

Missingersuutitut sunniteqanngitsumik kontomi pingaarnermi 50.01.18, ingerlatsinermit isumaqatigiissutit tunisassiorfiit, aningaasanik sinneruttunik nuussineq

Naalakkersuisut inassuteqarput,

- Kontomi pingaarnermi 50.01.18 Ingerlatsinissamik isumaqatigiissutit, tunisassiorfiit (tapiissutitut aningaasaliissutit) missingersuutitut tapersiissut tapersiissummut ilanngunneqartumut allanngortinneqassasoq.

Aningaasaliissutit sinneruttut 5,467 mio. kr.-inik annertussuseqartut siunertamut missingersuutitut tapersiissummi ilanngunneqartumi allaaserineqartumut atorneqassasut.

Aningaasaqarnermut Ataatsimiititaliap oqaaseqaatai

Missingersuutitut ilanngussap pigineqareersup missingersuutitut ilanngussamut allannguummik iluarsisamik ulloq 19. juni nassiunneqartumik taarserneqarnissaa Naalakkersuisut kissaatigaat. Missingersuutitut ilanngussaq nutaaq aalajangikkamat matumunnga ilanngussatut ilanngunneqarpoq.

Ataatsimiititaliap itisiliissutaasumik apeqqutaanut Naalakkersuisunit akissummik tigusaqarnissani siunertaralugu Aningaasaqarnermut Ataatsimiititaliap suliami aalajangiinissani ulloq 12. juni ataatsimiinnermini kinguartippaa. Naalakkersuisut akissutaat ulloq 19. juni ataatsimiititaliamit tiguneqarpoq.

Kiffartuussinissamik nutaamik isumaqatigiissusiornikkut kontomi pingaarnermi matumani aningaasaliissutit atugassiinissaq Namminersorlutik Oqartussanit kissaatigineqarpat kontomut pineqarnermut matumunnga oqaasertaliussa naapertorlugu Aningaasaqarnermut Ataatsimiititaliamut akuerineqarnissamik suli qinnuteqartoqarniartoq Naalakkersuisut allakkaminni paasissutissiissutigaa. Tamanna ataatsimiititaliamit naammaginatutut isigineqarpoq, tassami missingersuutitut ilanngussami oqaasertat allanngornerisigut oqaasertaliussap oqaasertai avaqunneqarsinnaanngimmata.

Missingersuutitut ilanngussami iluarsisami aningaasaliissutitut tunngavigineqartut suli annertupput, taamaattorli illoqarfinni mikinerni nunaqarfinnilu aalisarnermi piniarnermilu

sulisussaqaassutit suliaassaqaassutillu siuarsarneqarnissaasa qulakkeerneqarnissaasalu sulii aallunneqarnera eqqarsaatigalugu akuerineqarsinnaallutik.

Greenland Venturep maanna siunissamilu pigineqarneranut kiisalu tassunga atatillugu Royal Greenlandip inissimasinnaaneranut naatsorsuutigisat pillugit nassuiaammik ataatsimiititaliaq piimasaqarpoq. Kiisalu tunisassioffiit siusinnerusukkut Namminersorlutik Oqartussat aammalu Arctic Green Food A/S-ip akornanni kiffartuunneqarnissamik isumaqatigiissuteqarfigineqartut eqqarsaatigalugit 2013-imi 2014-imilu kiffartuussinissamik nutaamik isumaqatigiissutaasinnaasunut Naalakkersuisut qanoq naatsorsuutiginninersut itisilerneqassasoq ataatsimiititaliamit kissaatigineqarpoq. Apeqqutit taakku Naalakkersuisut allagaanni 19. junimi tiguneqartuni ajoraluartumik nassuiaatigineqanngillat. Taamaattumik Greenland Propertiesip tunisassioffiit ulloq 16. junimi Royal Greenlandimut tunereersimagai ataatsimiititaliap Sermitsiami nr. 25, 21. juni 2013-imeersumi paasimmagu naammaginangilaq – paasissutissat Naalakkersuisut allakkanik Aningaasaqarnermut Ataatsimiititaliamut nassiussinermikkut Naalakkersuisut pigisimasaat.

Siuliani allassimasut tunngavigalugit ataatsimiititaliaq matuma kinguliangiittunik apeqqutissaqarpoq aammalu Naalakkersuisunit tamanna kissaatigineqassappat akisutitip tamanut saqqummiunneqartussaangitsutut suliarineqarnissaanut piareersimalluni:

1. Greenland Venturesip Greenland Propertiesimik tigusinera qanoq akeqarpa?
2. Royal Greenland tunisassioffinnut qulinut taakkununga Greenland Venturesimut qanoq akiliiva?
3. Kontomi pingaarnermi matumani aningaasaliissutit atugassiissutigineqarneranni Naalakkersuisut 2013-imut qanoq naatsorsuutigisaqarpat?
4. Kontomi pingaarnermi matumani 2014-imi ukiuniluunniit missingersuusioffiusuni – 2014-imut aningaasanut inatsisissatut siunnersuummi imalunniit UKA 2013-imi allannguutissatut siunnersuut aqputigalugu - aningaasaliissutinik immikkoortitsisoqarnissaa naatsorsuutigineqanngitsaq Naalakkersuisut uppersarsinnaavaat?

Naggataatigut ataatsimiititaliamit erseqqissaatigineqassaaq missingersuutitut ilanngussaq ulloq 19. juni nassiunneqartoq kukkuneqarmat.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Naalakkersuisut inassuteqaataat Aningaasaqarnermut Ataatsimiititaliap **akuerai**.

Apeqqutitut siuliani allassimasunut Naalakkersuisut akissutaata kiisalu missingersuutitut ilanngussap iluarsisap kalaallisut danskisullu kingusinnerpaamik ulloq 31. juli 2013 tiguneqarnissaat ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiunneqassasoq: julie@inatsisartut.gl.

Ataatsimiititaliaq sinnerlugu

Finn Karlsen

Ataatsimiitaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat

/maani

Assiilnera; Julie@ina.gl

Inatsisartut Aningaasaqarnermut Akileraartarnermullu Ataatsimiititaliaata aalajangiinera-
nut akissut, ataatsimiititaliap suliata normua 01,31.06/13-00624.

15. juli 2013
Sullap normua 2013-084705
Upp. Nr. 1261524

Greenland Properties A/S-ip siusinnerusukkut nunaqarfinni tunisassiorfiutaanik Green-
land Venture A/S-ip aamma Royal Greenland A/S-ip niueruteqarnerannut tunngatillugu
pissutsinut tunngassuteqartunik Ataatsimiititaliaq aalajangiussaminik allagaqaammimi
27. juni 2013-imeersumi apeqqtunik piunasaqarpoq.

Postboks 269.
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Ataatsimiititaliap apeqqutit makku saqqummiuppai:

1. Greenland Venturesip Greenland Propertiesimik tigusinera qanoq akeqarpa?
2. Royal Greenland tunisassiorfinnut qulinut taakkununga Greenland Ven-
turesimut qanoq akiliiva?
3. Kontomi pingaarnermi matumani aningaasaliissutit atugassiissutigineqarneranni
Naalakkersuisut 2013-imut qanoq naatsorsuutigisaqarpat?
4. Kontomi pingaarnermi matumani 2014-imi ukiuniluunniit missingersuusiorfiusuni
– 2014-imut aningaasanut inatsisissatut siunnersuummi imalunniit UKA 2013-
imi allannguutissatut siunnersuut aqutugalugu - aningaasaliissutinik immik-
koortitsisoqarnissaa naatsorsuutigineqanngitsoq Naalakkersuisut uppernar-
sarsinnaavaat?

Siullermik erseqqissaassutigineqassaaq, niueruteqarnermut tunngatillugu pissutsinik,
tassunga ilanngullugu tusagassiutit sunik ilisimasaqarnerannik Naalakkersuisut ili-
simasaqanngimmata allamilluunniit nalunngisaqanngimmata. Taamaammat ilumuunngi-
laq ataatsimiititaliap allagaqaammimi 27. juni 2013-imeersumi, suliap nr. 01.31.06/13-
00624, imatut allagaqarnera; "paasissutissat Naalakkersuisut Aningaasaqarnermut
Ataatsimiititaliamut allagaqaammik nassiussinermi pigisaat"

Apeqqtinut 1-imut aamma 2-mut tunngatillugu Naalakkersuisut paasissutissiissutigisin-
naanngilaat, Greenland Venture A/S-ip Greenland Properties A/S-imik tigusinera qanoq
akeqarsimanersoq, kiisalu Royal Greenland A/S-ip tunisassiorfinnut quliusunut qanoq
akiliuteqarsimanera. Naalakkersuisut niueqatigiinnermi isumaqatigiissutit imaat naluaat
ilisimasaqarfiginagillu. Tassa inatsisit malillugit namminersortut marluk akornanni ni-
ueqatigiinnissamik isumaqatigiissuteqarneq pissutigalugu Naalakkersuisut tamanna
pillugu paasissutissiisinaannginnamik. Isumaqatigiissutit naalakkersuisoqarfiit
pineqartut, tassunga ilanngullugu siulersuisutut akisussaasut isumaqatiginninniarne-
risigut naammassineqarput.


Apeqummut 3-mut tunngatillugu Naalackersuisut paasissutissiissutigissavaat, sumiiffinni Greenland Properties A/S-ip tunisassiorfiutaanik Royal Greenland A/S-ip tigu-siffigisaani, tassunga ilanngullugu sumiiffinni tunitsiviit nammassinnaasaat pissutigalugit tunitsiveqarnissamik pisariaqartitsisuni angallatinik tunitsiviusinnaasunik inissi-isoqarniarloq imaluunniit assartuutaasinnaasunik aaqiissuteqartoqarniarloq. Tamatuma sumiiffiit tunitsiveqarsinnaanerat piffissap qanittup iluani qulakkiissavaa, tunitsiviillu aserfallatsaalioneqarsimanginnertik pissutigalugu piffissaq qanittup iluani piareersar-neqarsinnaanngitsut taarsissallugit. Naalackersuisut naatsorsuutigaat tamakkuninnga suliaqarsinnaasut angallammik tunitsiviliiisinaanertik pillugu qinnuteqarumaartut. Qinnuteqartoqarnerani Naalackersuisut qulakkeerniarpaat, qinnuteqaatit missingersuusi-ormermi piumasaqaatit malillugit amigartooruteqartussat, tunitsiveqarsinnaanermilli qulakkeerinnissinnaasut kisimik akuersissutigineqassasut.

Tamatuma saniatigut naatsorsuutigineqarpoq, inuussutissarsuttip iluani suliaqartut tunitsiveqarsinnaanermik qulakkeerinninnissamut tapiissutinik qinnuteqarsinnaassasut. Naalackersuisut maannakkut nalunngilaat Royal Greenlandip naatsorsuutigigaa, Si-simiut eqqaani saarullinnik tunitsiveqarnissaq qulakkeerniarlugu angallammik tunitsivi-usussamik inissiinissaq, tassa Sisimiut eqqaani aalisartut tamarmik pisaminnik ingerlaa-vartunik tunisaqartarnissaannut Sisimiut Fish naammassinnissinnaanngimmat. Qinnute-qaat taanna qaammammi matumani suliarineqassasoq naatsorsuutigineqarpoq, Inatsisartullu Aningaasaqarnermut Akileraartarnermullu Ataatsimiititaliaata tullissaanik ataatsimiinnerani suliarineqarnissaa naatsorsuutigineqarluni.

Naalackersuisut apequt 4 aallaavigalugu uppersarsinnaavaat, 2014-imi ukiunilu missingersuusiormerfiusuni konto pingaarnermut matumunnga (50.01.18) Naalackersuisut aningaasaliissuteqalersaanngitsut. Taamaammat 2014-imut Aningaasanut inatsisissatut siunnersuummut aningaasanik immikkoortitsisoqassanngilaq, aamma UKA 2013-imut allannguutissatut siunnersuummik tunniussisoqarnissaa naatsorsuutigineqanngilaq. Qulakkeerinninneq tamanna pivoq, nunaqarfinni tunisassiorfiit ingerlanneqarnerannut tunngatillugu isumaqatigiissutigineqarmat tamanna Royal Greenland A/S-ip nammineq akisussaaffigissagaa aamma naatsorsuutigineqartutut aqutsineq niuerneramik aalla-veqartumik ingerlanneqassasoq. Ingerlatseqatigiiffik nunaqarfinni tunisassiorfinnik ataasiakkaanik arlalinnilluunniit ataatsikkut ingerlatsinermini amigartooruteqassaguni, ingerlatseqatigiiffiup amigartoorutit matussusissavaai. Tamanna ingerlatseqatigiiffiup pisortaasa taamatut inuiaqatigiinnik peqataatitsinerminnik avammut erseqqinnerulersi-tsinerattut isigineqassaaq, taamalu ingerlatseqatigiiffiup inuiaqatigiit ineriartornerannut peqataanini takutissavaa.

Naggataagut konto pingaarnermi matumani aningaasaliissuteqarnissamut tunngaviit malillugit aningaasat sinneruttut 2013-imut immikkoortinneqartut missingersuutitut sun-niuteqanngitsumik nikisinneqarnissaat pillugu Naalackersuisut qinnuteqaataannik ataatsimiititaliap sulillaarsimanera pillugu qutsavigerusuppara.

Inussiarnersumik Inuulluaqqusillunga


Karl Lyberth



**Aningaasaqarnermut Nunamullu
Namminermut Naalackersuisoq
/MAANI**

Ulloq: 17. juni 2013
J.nr.: 01.31.06/13-00625

**Aningaasaqarnermut Akileraartarnermullu Ataatsimiititaliap pingasunngornermi
ulloq 12. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00625)**

2013-imi akuersissutinut atuisut akiliutaannik atorunnaarsitsineq

Naalackersuisut **inassutigaat**,

Naalackersuisut aalajangerput akuersissutinut akiliut 1. januar 2013-imiit kingumut
atuuttumik atorunnaassasoq.

Kontomi pingaarnermi 50.01.05 Kalaallit Nunaanni Aalisarsinnaanermut Nakkutilliivik
(Ingerlatsinermit aningaasaliisutit) 1.950.000 kr.-nik qaffanneqassasut

Kontomi pingaarnermi 20.11.50 sillimmatinut kontomi aningaasaliisutit -1.950.000 kr.-
nik apparneqassasut

Aningaasaqarnermut Ataatsimiititaliap oqaaseqaatai

Sinerissamut qanittumi aalisarnermut, tamatumani sinerissamut qanittumi raajarniarneq
pinnagu, akuersissutinut akiliutip 1. januar 2013-imit kingumut atuutilersumik
atorunnaarsinneqarnissaa Naalackersuisut matuminnga qinnuteqarnermikkut kissaatigaat.
Kontomi pingaarnermi 51.01.05-imi, Kalaallit Nunaanni Aalisarsinnaanermut
Nakkutilliivimmuut tunngasumi isertitassatut missingersuutit ikilissutaat konto pingaarneq
20.11.50, Ingerlatsinermit sillimmatinut tunngasoq aqqutigalugu
aningaasalersorneqassasut Naalackersuisunit qinnutigineqarpoq.

Aningaasaqarnermut Ataatsimiititaliamut inassuteqaatit iluarsineqarnissaat
Aningaasaqarnermut Nunamullu Namminermut Naalackersuisumit pisariaqartutut
isigineqartoq Ataatsimiititaliap maluginiarpa, nassiuuneqarneranni allakkiaq naapertorlugu
taakku ima isumaqarfigineqarmata "...*isumaat amigarpog*". Taamaattorli Ataatsimiititaliamit
tamanna eqqarsarnartoqartinneqarpoq, tassa qinnuteqaammi allassimammat
Aningaasaqarnermut Naalackersuisoqarfiup oqaaseqaatai ilanngunneqartut,
taamaaliornikkut inassuteqaatit Naalackersuisunut tusarniaassutigineqarneramilli
iluarsineqareersimassagaluardata. Aningaasaqarnermut Naalackersuisoqarfiup
tusarniaanermut akissutaa nassiuuneqassasoq Ataatsimiititaliamit qinnutigineqarpoq.

Inassuteqaat siulleq Naalackersuinut taamaallaat sammititaavoq, taamaattumillu
Aningaasaqarnermut Ataatsimiititaliamut akuerisassatut
ilanngunneqarsimasariaqanngillakuarluni. Taamaakkaluartoq inassuteqaat
aningaasaliisuteqarnissami siunertap nassuiaatigineqarnissaanut piukkunnarpoq.
Naalackersuisut akuersissutinut akiliummik nalunaarut aqqutigalugu
atorunnaarsitsinnaanerannut aalisarneq pillugu inatsimmi tunngavissaqarpoq,

taamaattumik pisortat ingerlatsineranni maleruagassat nalinginnaasut naapertorlugit Naalackersuisut suliami eqqumaffigisassat aallaavigalugit nalunaarummik nutaamik akuersissummut akileeqqusinertaqanngitsumik atuutsitsilernissaq toqqarsinnaavaat. Taamaalilluni suliniutinik taamaattunik akuersissuteqarnissaq Aningaasaqarnermut Ataatsimiititaliap piginnaatitaaffiata avataaniippoq. Taamaattorli erseqqissaatigineqassaaq nalunaarutip allannguutaata taamaattup aningaasaliissutitigut sunniutissaanik akuersinissamut Aningaasaqarnermut Ataatsimiititaliaq oqartussaaffeqarmat. Pingaartumik suliaq manna eqqarsaatigalugu, tamatumani akuersissutitut akiliutit nalunaarutikkut piunasaqaatigineqarlutik aningaasanullu inatsimmut ilanngunneqarlutik.

Naalackersuisut qinnuteqaataat Aningaasaqarnermut Ataatsimiititaliamit sukumiisumik isumaliutigineqarpoq. Inatsisinut akuerisaasunut kingumut atuutsinneqartunut kiisalu konto pingaarnaq, 20.11.50, Ingerlatsineranut sillimmatitut tunngasoq aqutigalugu aningaasalersuinissamik apeqqummut atatillugu ataatsimiititaliaq tunngaviusumik arlalinnik immikkut isumaliutiginnippoq.

Kontomit pingaarnemit 20.11.50-imit, Ingerlatsineranut sillimmatitut tunngasumit aningaasalersuinissaq pillugu Naalackersuisut inassuteqaataat tunngaviusumik isigalugu Aningaasaqarnermut Ataatsimiititaliamit akuerineqarsinnaanngilaq, tassa taanna missingersuutitut ilanngussami aningaasaliissutitut tunngavigineqartut naapertorlugit aningaasartuutitut siumut naatsorsuutigeriinngisanut taamaallaat atorneqartariaqarmat. Naalackersuisut qinnuteqaammik nutaamik nassitsinissartik kissaatigigunukku kontomi pingaarnemi 51.01.05-imi, Kalaallit Nunaanni Aalisarsinnaanermut Nakkutilliivimmut tunngasumi isertitassatut missingikkat ikilissutaat konto pingaarnaq 20.11.50, Ingerlatsineranut sillimmatitut tunngasoq atornagu kontot pingaarnemit allat aqutigalugit aningaasalersorneqassasut ataatsimiititaliamit kaammattuutigineqassaaq, nammineq sinaakkutissat iluini imaluunniit Naalackersuisoqarfiit suliaasaqarfiinut allanut ataqatigiissaarinikkut.

Akuersissutit tunniunneqartarneranni akiliuteqartarnerup kingumut atuuttumik atorunnaarsinneqarnera pisortat ingerlatsineranni iliuutsitut iluanaaruteqarfiusutut immi isigineqarsinnaammat taamatut iliuuseqarnissami inatsisitigut tunngaviusumik ataatsimut isigalugu ajornartorsuiteqartoqanngitsoq ataatsimiititaliaq isumaqarpoq. Taamaakkaluortoq akiliutip kingumut atuuttumik atorunnaarsinneqarnera inunnut allanut kingunerluuteqarsinnaanersoq paasinarsinneqanngilaq. Taamatuttaaq akuersissuteqarneq inuup allap iluanaarutissaagaluanik, taanna akuersissummut akiliuteqartussaaneq pissutigalugu akuersissummik qinnuteqarsimanngippat, annaasaqarnerminut taarsiissuteqarfigineqarnissamik kinguneqarsinnaanersoq paasinarsinneqanngilaq.

Illassutitut aningaasaliissuteqarnissamik qinnuteqaatit kingumut atuuttussanngorlugit akuerineqarnissaat Aningaasaqarnermut Ataatsimiititaliap nalinginnaasumik *assut* tunuarsimaarfigisarpaa – aamma aningaasartuutit illassutitut aningaasaliissuteqarnissamik qinnuteqaammut attuumassutillit Missingersuusiortarnermut inatsit naapertorlugu Aningaasaqarnermut Ataatsimiititaliap aningaasaliissuteqarnissamik qinnuteqaammik akuersinerata kingorna aatsaat akilerneqartussaagaluarpataluunniit. Aningaasaliissuteqarnissamik qinnuteqaatit siunissamut tunngassuteqartut kisimik akuerineqartalissasut Ataatsimiititaliap Naalackersuisunut siusinnerusukkut nalunaarutigaa.

Akuersissummut akiliutip atorunnaarsinneqarnissaanik qinnuteqaat tunngaviummik isigalugu Ataatsimiititaliamit akuerineqarsinnaassaaq, taanna nalunaarutip nutaap atuutsinneqalernerani atortussanngortinneqarpat. Taamaaliornikkut missingersuutini aningaasaliissutit nuussassat ikinnerussapput, tassami akuersissutitut akiliutit nalunaarutip nutaap atuutsinneqalernerata tungaanut akilerneqartut akuersissutit piginnittunut utertillugit akilerneqartussanngimmata aammalu tamatumunnga atatillugu allaffissornikkut aningaasartuutit taamaaqataanik ikinnerussammata. Ilanggullugu ilisimatitsissutigineqarsinnaavoq aalisarneq pillugu inatsimmi allassimammat, akiliutinik akiliinngitsoornermi (assersuutigalugu atuisut 1.500,- kr.-inik akuersissummut akiliuteqartarnerat) ernianut inatsimmi aalajangersakkat naapertorlugit ernialiisoqartarmat. Tassa imaappoq inuussutissarsiutigalugu aalisartup akiliinissamut piffissaliussaq naapertorsimangippagu aamma 1.500,- kr.-it ernialerneqarsimappata qinnuteqaatikkut ugguna nutaamik nalunaarusiornissap tungaanut ernianik akiliuteqarnissap/utertooruteqartitsinissap pinngitsoortinnissaa imaaliaallaannaq periarfissaassinnaangitsoq. Tamatumani aalisarneq pillugu inatsisip, ilassutitut aningaasaliissuteqarnikkut imaluunniit aalisarneq pillugu inatsisip allanngortinneratigut, saneqqunneqarnissaanut ersarissumik tunngavissinneqarnissaq pisariaqassaaq. Ernianut aalajangersagaq aalisartut ilaannut sunnuteqassanersoq ilisimaneqanngilaq, tamanna pillugu qinnuteqaammi nassuiaateqartoqanngimmat. Naalakkersuisut qinnuteqaammik nutaamik nassitsinissartik kissaatigissappassuk pissutsit taakku erseqqinnerusumik nassuiaatigineqarnissaat ataatsimiititaliap qinnutigissavaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni inassuteqaatit Aningaasaqarnermut Ataatsimiititaliamit **akuerineqarsinnaangillat.**

Aningaasaqarnermut Nunamullu Namminermut Naalakkersuisoqarfiup tusarniaanermut akissutaata kalaallisut danskisullu kingusinnerpaamik ulloq 20. juni 2013 tiguneqarnissaa ataatsimiititaliamit qinnutigineqarpoq assilineqarneralu uunga nassiateqquneqarluni: julie@ina.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq
/MAANI

625

Akuersissummik atuisut akiliutaannik atorunnaarsitsinermit tungasoq

18-06-2013
Sags nr. 2013-083390
Dok. nr. 1248453

Naalakkersuisut matuminnga qinnuteqaateqarnikkut sinerissamut qanittumi aalisarnermi akuersissutinut akiliuteqartarnerup atorunnaarsinnissaa kissaatigaat, sinerissamut qanittumi raajarniarneq ilanngunnagu, 2013-imi januarip aallaqqaataanit atuutilersumik. Kontomi pingaarnermi 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfimmi isertitatut missingersuutit annikillineri konto pingaarneq 50.06.50 Aalisarnermut aningaasaliissutinut immikkoortitat (Tapiissutitut aningaasaliissutit) aqqutigalugit Naalakkersuisunit aningaasalersorniarneqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Iisimatitsissummi ataatsimiititaliamit noqqaassutigineqarpoq Aningaasaqarnermut Naalakkersuisoqarfup tusarniaanermi akissutaata nassiunneqarnissaa. Tusarniaanermi akissut ilanngunneqarpoq.

Konto pingaarneq 20.11. 50 Ingerlatsinermit sillimmatiniit aningaasalersuinissamut tunngatillugu Aningaasaqarnermut Ataatsimiititaliap itigartitsinera Naalakkersuisunit tusaatissatut tiguneqarpoq. Tamanna tunngavigalugu konto pingaarneq 50.06.50 Aalisarnermut aningaasaliissutinut immikkoortitat aqqutigalugit aningaasalersuisoqarnissaa Naalakkersuisut anguniarpaat. Taamaasilluni aningaasartuutit nammineq killiliussat iluanni aningaasartuutigineqassallutik.

Akiliummik akiliisarnerup atorunnaarsinnerani iluanaarutissanik annaasaqarnerup kingunerisaanik taarsiisoqarnissaa pillugu piumasaqaatinik kinguneqarsinnaanersoq eqqarsaatigalugu ataatsimiititaliap oqaaseqaatai eqqarsaatigalugit taamaattoqarsinnaaneranik Naalakkersuisut iisimasqaqanngillat. Atuisut akiliuteqartalerannut atatillugu aalisartut amerlassutsimikkut ikileriarsimangillat. Tamanna tunngavigalugu ilimagineqarpoq siusinnerusukkut akuersissuteqarsimasut, aamma aalisarnermik ingerlatsiinnarusuttut, aamma akuersissummik qinnuteqarsimassasut tunineqarlutillu.

Akiliutissap akilinngitsoornerata malitsigisaanik ernianut tunngatillugu inuit 513-it akiliisimangillat. Inuit taakku aalisarneq pillugu inatsit malillugu ernianik akiliisussaapput, aamma pingaarnertut piumasaqaat, atuisut akiliutaat 1500 koruunit, atorunnaarsinneqaraluarpataluunniit. Aalisarnermut, Piniarnermut Nunalerinermullu Naalakkersuisoqarfik tamatuma kingorna inunnet attaveqassaaq, aningaasat taakku akileqquneqarnissaat eqqarsaatigalugu.

Inussiarnersumik inuulluaqqusillunga

Karl Lyberth



Aalisarnermut Piniarnermut Nunalerinermullu Naalakkersuisoqarfik
Uunga: Jørgen Isak Olsen

Tusarniaanermut akissut: Aalisarsinnaanermut akuersissutininik atuisut akiliuteqartarnerata 2013-imi atorunnaarsinneqarnissaanik Naalakkersuisut isummernissaannut tunngavissiaq

04. juni 2013
Suliap normua 2013-084782
Allakkap normua 1234616

Aningaasaqarnermut Nunamullu Namminermut Naalakkersuisoqarfiup Aalisarsinnaanermut akuersissutininik atuisut akiliuteqartarnerata 2013-imi atorunnaarsinneqarnissaanik Naalakkersuisut isummernissaannut tunngavissiaq pillugu tusarniaassut tiguaa.

Postboks 1037
3900 Nuuk
Oqarasuaat (+299) 34 50 00
Nassitsigasuaat (+299) 34 63 50
E-mail: oed@nanoq.gl
www.nanoq.gl

ANNN imatut oqaaseqaateqassaaq:

Ilanngussaq: "IA Missingersuutininik ilanngussaq 20.11.50" iluarsivarput. Taanna isummernissamut tunngavissiap ilanngussartaani quppernerit pingajuattut ikkunneqassaaq. Tusarniaanermut akissummut ilanngullugu nassiunneqassaaq.

Isummernissamut tunngavissiami immikkoortumik ilanngussisoqassaaq tassaniissalluni Inatsileriffiup ajorinngikkaa Namminersorlutik Oqartussat 1. januar 2013 aallarnerfigalugu akiliutinik kingumut utertitsisinaanissaq.

Isummernissamut tunngavissiami iluarsissutininik ikkussuisoqarpoq +/- -imik oqaasertalerlugit tusarniaanermut akissummut ilanngullugit nassiunneqartunik.

Taakku saniatigut ANNN oqaaseqaatissaqanngilaq.

Inussiarnersumik inuulluaqqusillunga

Kunuk Holm
AC-Fuldmægtigi



INATSISARTUT

**Aningaasaqarnermut Nunamullu
Namminermut Naalackersuisoq
/MAANI**

Ulloq: 27. juni 2013
J.nr.: 01.31.06/13-00626

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/10-00626)**

**Kujataani Ilinniarnertuunngorniarfiup aammalu Niuernermik Ilinniarfik Qa-
qortumiittup ataatsimut kattutsinniarneqarnerat**

Naalackersuisut **inassuteqaatigaat**:

aningaasaliissutit 40.12.34-imi Ilinniarnertuunngorniarfiit, 19.520.000 kr.-ninik annikilli-
liivigineqassasut, aammalu

aningaasaliissutit inatsisitigut pisussaaffigisat 40.91.31-imi, Suliniutit aallaavigalugit ta-
piissutit, kr. 4.320.000-nik qaffaavigineqassasut.

aningaassaliissutit 40.91.23-imi, Niuernermik Ilinniarfik Qaqortoq 15.200 kr.-nik qaffaa-
vigineqassasut.

atuineq konto 40.12.34-imi, Ilinniarnertuunngorniarfiit, Qaqortumi Ilinniarnertuunngorniar-
fimmumut atasut, kontomut 40.91.23-imut Niuernermik Ilinniarfik Qaqortoqmut nuunneqas-
sasut kingumut 1. januar 2013-miit atuutilertussatut.

Aningaasaqarnermut Ataatsimiititaliap oqaaseqaatai

Kujataani Ilinniarnertuunngorniarfiup aammalu Niuernermik Ilinniarfiup Qaqortumiittup
ataatsimut kattutsinneqarnissaat pillugu Naalackersuisut qinnuteqarput.

Kattutsitneqarnissaat ataatsimiititaliamit isumaqatigineqarpoq. Inassuteqaat kingulleq
pisariaqarpiangitsutut ataatsimiititaliamit isigineqarpoq, kattutsitsinissamulli atatillugu
naatsorsuuserinermi teknikikkut aningaasaliissutit nuunneqarnissaat ajorinagu.

Atuarfinni pisortaareersut pisortassaannik qulliunerusunik pilersitsinissartik Naalackersuisut
naatsorsuutigigaat ataatsimiititaliamit maluginiarneqarpoq, tamannalu aningaasaqarnikkut
naapertuussorinaranilu allaffissornermik kinguneqassangatinneqarpoq. Taamaattumik
atuarfiit kattutsinneqartut marluk taakku siunissami aaqqissugaanissaat eqqarsaatigalugu
Naalackersuisut pilersaarutaannut nassuiaammik ataatsimiititaliaq qinnuteqarpoq,
tamatumani aqutsisoqarnikkut aaqqissugaaneq immikkut sammineqassalluni.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Naalackersuisut inassuteqaataat Aningaasaqarnermut
Ataatsimiititaliap akuerai.

Apeqqummut siuliani allassimasumut Naalakkersuisut akissuteqaataat kalaallisut danskisullu kingusinnerpaamik ulloq 31. juli 2013 tiguneqarnissaa ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiunneqassasoq: julie@inatsisartut.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Aningaasaqarnermut Ataatsimiititaliaq
Inatsisartut

Ataatsimiititaliap suliamut nr. 03.31.06/13-00626 apeqqutaanut akissutit

31-07-2013
Sags nr. 2013-081188
Dok. nr.

Pingasunngornermi ulloq Juuni 26-t 2013 Aningaasaqarnermut Akileraartarnermullu Ataatsimiititaliaq Kujataani Ilinniarnertuunngorniarfik aammalu Niuernermut Ilinniarsiup Qaartumiittut kattunnissaat pillugu aalajangerpoq.

Postboks 1029
3900 Nuuk
Tlf: +299 34 50 00
Fax +299 32 20 73
Email: iknn@nanoq.gl
www.nanoq.gl

Aalajangerneq piumasaaqatitalimmik tunngaveqarpoq itisiliinertalimmik nassuiaer-taqassasoq apeqqummut ataatsimut tunngasoq.

Apeqqut akissutaalu ataatsimiititaliamut ataani allassimasutut ilisimatitsissutigineqarpoq.

Aningaasaqarnermut Ataatsimiititaliap apeqqutaa:

"Ataatsimiititaliap maluginiarpaa, Naalakkersuisut naatsorsuutigingaas ilinniartinnit taakkununga marluusunut pisortaqareernerata qaavatigut ataatsimoortumik qullersaliinissaq, tamannalu atatsimiititaliap aningaasanut aqutsiner-mut naapertuussorinngilaa allaffissornerulernissatullu isigalugu. Taamaattumik ataatsimiititaliap kissaatigissavaa Naalakkersuisut pilersaarutaat siunissami ilinniarsiit kattunnerini itisiliinertalimmik nassuiaassisoqarnissaa, immikkullu sammillugu qanoq pisortalersuisoqarnissaata aqqinnissaa."

Akissut:

Naalakkersuisut aallaqqaasiutigalugu malugeqqussavaa, ilinniarsiit aqunneqarnerat aalajangiiffigineqartarmat ilinniarsiit forständerianik siulersuisut peqatigalugit. Taamaattumik Naalakkersuisut toqqaannartumik pisortalersuiner-mi aalajangersuinissamat piginnaassuseqanngillat.

Kattussuinissamat qinnuteqaammi soorlu ersersinneqartoq, naatsorsuutigineqarpoq aningaasartuutikillisaanissamik periarfissaqarumaartoq kattussuunnerup kinguneranik. Tamassumap aamma iluanippoq "suliamut atatillugu pisortalersuinissami" (inspektør-it, ataqatigiissarisut aammalu immikkoortortani pisortat) aningaasartuutikillisaanermik periarfissaqalersinnaaneq.

Qinnuteqaammi paasissutissiiner-mut atatillugu aamma erseqqissaatigineqassaaq, uani taamaallaat pineqarmat naatsorsuutigineqarlunilu qaffasissutsit marluk immikkut sulisoqarnermik piginnaasallit. Taakkulu naatsorsuutigineqartoq tassaassasut ilinniarsiup forständeria aammalu ilinniarsiup ilinniarnertuunngorniarfittaata pisortassaa taavalu inuussutissarsiorer-mi ilinniarsiup pisortassaa.

Inspektør-it ataqatigiissarisut assigisaallu, tunngaviatigut tassaapput killilimmik suliamik ilitsersuisinnaassuseqarnermik atuuffiit. Taamaattumillu sanilliunneqarsinnaallutik allaffissorner-mi atorfinni immikkut siunnersortit (specialkonsulent) suliamik ilitsersuisinnaassuseqartut taamaattoorli sulisoqarner-mi inatsisitigut aalajanger-nissamat piginnaatitsissuteqanngitsut.

Naggataatigut Naalakkersuisup malugeqquaa pilersaarutit aqqissuussineq Tech College-ni aqutsisulersueriaasiannut sanilliunneqarsinnaammat, tamannalu Naalak-

kersuisup paasinninneratut ajunngitsumik angusaqarluarnermik kinguneqarsimammat
qullersaasup pilersaarusiortuarsinnaanermik piginnaasaanik tullersortillu suliamut
atatillugu piginnasaannik katersuinikkut.

Inussiarnersumik inuulluaqqusillunga

Nick Nielsen

A handwritten signature in black ink, appearing to be 'Nick Nielsen', written in a cursive style.



**Aningaasaqarnermut Nunamullu
Namminermut Naalackersuisoq
/MAANI**

Ulloq: 28. juni 2013
J.nr.: 01.31.06/13-00627

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/10-00627)**

**Inatsisilerinermik suliaqarnerup pitsanngorsarneqarnissaanut ilassutitut
aningaassaliissuteqartoqarnissaanik qinnuteqaat**

Naalackersuisut inassutigaa,

kontumut pingaarnermut 30.01.01-imut, Ilaqutariinnermut Inatsisinillu Atuutitsinermut Naalackersuisoqarfik, tunngatillugu missingersuutitut ilanngussami immikkoortoq 8 peerneqassasoq imalu taarserneqarluni: "Naalackersuisoqarfiup naalackersuisoqarfittut suliassat danskit Inatsisinik Atortitsinermut Ministereqarfianut attuumassutillit, kiisalu Eqqartuussiveqarneq pillugu Ataatsimiititaliarsuup isumaliutissiissutaani inassuteqaatit atuutilersinniarlugit sulineq isumagisarai."

kontumi pingaarnermi 30.01.01-imi, Ilaqutariinnermut Inatsisinillu Atuutitsinermut Naalackersuisoqarfik, aningaasaliissutit 2013-imi 0,3 mio. kr-inik ukiunilu missingersuusi-orfiusuni 1,0 mio. kr-inik qaffanneqassasut. Aningaasat taakku inatsisilerituumik aamma AC-fuldmægtigimik, inatsisilerinermi suliassanik naalackersuisoqarfiup pingaartillugit suliaritinniagaanik suliaqartussanik atorfinitsitsinermut atorneqassapput.

kontumi pingaarnermi 20.11.50-imi, Ingerlatsinermut sillimmatit, aningaasaliissutit inatsisilerinermi suliassanik ingerlatsinermut aningaasartuutissat amerlaqataannik ikilisinnerisigut matussusiinissaq qinnutigineqarpoq."

Taamaalilluni Naalackersuisut Siulittaasuata aalajangiinera Aningaasaqarnermut Akileraartarnermullu Ataatsimiititaliamut suliassanngorlugi nassiunneqarpoq..

Aningaasaqarnermut Ataatsimiititaliap oqaaseqaatai

Kontomi pingaarnermi 30.01.01-imi, Ilaqutariinnermut Inatsisinillu Atuutitsinermut Naalackersuisoqarfimmu tunngasumi aningaasaliissutit 2013-imi 300.000 kr.-inik amerlinerisigut inatsisilerinermik suliaqarnerup pitsanngorsarneqarnissaa Naalackersuisut kissaatigaa.

Naalackersuisut isummernissaannut tunngavissiaaqaartup iluarsineqarnissaa pisariaqartut Aningaasaqarnermut Nunamullu Namminermut Naalackersuisup isigisimavaa, tassani oqaatigineqarluni qinnuteqaat IST-mut pitsaanngitsumik sunnuteqassasoq. Qinnuteqaat IST-p inerneranut ukioq manna sunnuteqassanngitsoq taamaallaalli ukiunut missingersuusi-orfiusunut sunnuteqassasoq, tamannalu 2014-imut aningaasanut inatsisissatut siunnersuummut ilanngunneqareersoq Aningaasaqarnermut Naalackersuisoq paasisutissiivoq. Aammattaaq kontomut pingaarnermut 20.11.50-imut,

Ingerlatsinermut sillimmatinut tunngasumut missingersuutitut ilanngussaq ilanngunneqarpoq, taanna Naalakkersuisut isummernissaannut tunngavissiaaqaartumi ilanngunneqarsimanani.

Amigaatit pingaarutillit taakku paasineqarmata aammalu Aningaasaqarnermut Ataatsimiititaliamut inaarutaasumik nassiussinnginnermi iluarsineqarmata ataatsimiititaliap toqqissisimanartutut isigaa. Taamaattorli Naalakkersuisut iluminni tusarniaaneranunt isummernissamut tunngavissiap Naalakkersuisut ataatsimiinnissaannut ilanngunneqannginnerani pisimassasutut naatsorsuutigineqartumut atatillugu tamanna iluarsineqarsimanngimmat akuerineqarsinnaanngilluinnarpoq. Taamaattumik Aningaasaqarnermut Nunamullu Namminermut Naalakkersuisoqarfiup tusarniaanermut akissutaa ataatsimiititaliap qinnutigaa.

Missingersuusiortarnermut inatsimmi § 28, imm. 3 naapertorlugu atugassiinerit ukiumi aningaasanut inatsiseqarfiusumi sunniuteqartussat kisimik qinnuteqaatinut ilaatinneqartariaqarput. Taamaattumik ukiumi missingersuusiortarfiusuni aningaasaliissutigut sunniutissat Aningaasaqarnermut Ataatsimiititaliamit isummerfigineqanngillat, tamatumunnga taarsiullugu 2014-imut aningaasanut inatsisissatut siunnersuummut Naalakkersuisunit ilanngunneqassallutik.

Kontomi pingaarnermi 30.01.01-imi, Ilaqutariinnermut Inatsisinillu Atuutsitsinermut Naalakkersuisoqarfimmut tunngasumi aningaasaliissutit amerlineqarnissaannik kissaateqarneq pillugu Naalakkersuisut qinnuteqaataat Aningaasaqarnermut Ataatsimiititaliamit sukumiisumik isumaliutigineqarpoq.

Kontomit pingaarnermi 20.11.50-imit, Ingerlatsinermut sillimmatinut tunngasumit aningaasalersuinnissaq pillugu Naalakkersuisut inassuteqaataat Aningaasaqarnermut Ataatsimiititaliamit tunngaviumik isigalugu akuerineqarsinnaanngilaq. Aningaasalersuineq ataatsimiititaliamit akuerineqarsinnaanngimmat suliniummullu kissaatigineqartumut aningaasartuutit kisimik akuerineqarpat tamanna Naalakkersuisunit naapertuutissanngilaq, taamaattoqassappammi Naalakkersuisut naatsorsuutigeriinnngisaannik tamanna IST-p inerneranut aningaasaqarnikkut pitsaanngitsumik sunniuteqassammat. Qinnuteqaammik nutaamik ukiumi aningaasaanut inatsiseqarfiusumi matumani nuussinissamik taamaallaat ilaqarsinnaasumik nassiussinissatik Naalakkersuisut kissaatigunikkum Naalakkersuisut namminneq sinaakkutissami iluanni aningaasalersuisoqarnissaa imaluunniit Naalakkersuisoqarfiit allat suliassaqarfiinut ataqatigiissaarneqarnissaa Naalakkersuisut siunnersuutigissagaat ataatsimiititaliap kaammattuutigaa. Aningaasat amerlassusiat eqqarsaatigalugu tamanna periarfissaqassaaq.

Naalakkersuisut qinnuteqaammik nutaamik nassitsissappata allaffissornikkut aningaasartuutit amerlineqarnissaannik kissaammut, tassunga ilanngullugu Kalaallit Nunaanni inatsisilerinermik suliqaarnermut danskit akisussaaffigisaannut tamanna qanoq ililluni nukittorsaataasinnaanersoq kiisalu Kalaallit Nunaanni inatsisilerinermik suliqaarnermi allaffissornikkut amigaatit sorliit qinnuteqaatikkut pitsanngorsarniarneqarnermut pillugu sukumiisumik nassuiaat ataatsimiititaliap qinnutigissavaa.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Naalakkersuisut inassuteqaataat Aningaasaqarnermut Ataatsimiititaliap **akuerisinnaanngilai.**

Aningaasaqarnermut Nunamullu Namminermut Naalakkersuisoqarfiup tusarniaanermut akissutaata kalaallisut danskisullu kingusinnerpaamik ulloq 31. juli 2013 tiguneqarnissaa ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiunneqassasoq: julie@inatsisartut.gl.



Ataatsimiititaliap sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalackersuisoq
/MAANI**

Ulloq: 30. juni 2013
J.nr.: 01.31.06/13-00628

Aningaasaqarnermut Akileraartarnermullu Ataatsimiititaliap pingasunngornermi ulloq 26. juni 2013-imi aalajangiineranik Naalackersuisunut ilisimatitsineq (suliaq nr. 01.31.06/13-00628)

Imarsiornermut Qitiusumik Ilinniartitaanerit aaqqissuunneqarnerat sumiiffissarlu

Naalackersuisut **inassutigaa**,

- oqaasertaliussamut kontomut pingaarnermut 40.91.31 suliniutit aallaavigalugit tapiissutit-nut ilanngunneqassasoq taxameteri immikkoortortap ataani "35.000 kr. sap. akunneranut"
 - o Umiarsuup naalagaa 1. grad
 - o Umiarsuup naalagaa 3. grad
 - o Kystskipperi
 - o Sætteskipperi

Aningaasaqarnermut Ataatsimiititaliap oqaaseqaatai

Umiarsuup naalaganngorniarluni ilinniarterit siuliani allassimasut konto pingaarnermut 40.91.31-mut, suliniutit aallaavigalugit tapiissutitut tunngasumut, inuussutissarsiutinut ilinniartitaanernut ilaatinneqartumut oqaasertaliussamut ilanngunneqarnissaat Naalackersuisut qinnutigaa.

Nunatsinni Imarsiornermik Ilinniartitaanerit aamma Piniarnermut Aalisarnermullu Ilinniarfiup aaqqissuussaankkut ataatsimoortinneqarnerat qinnuteqarnermut pissutaasoq Naalackersuisut paasissutissiissutigaa. Ulinniartitaanerit illutaasa inissisimanerat aalajangiusimaneqarpoq aaqqissuussaankkulli Imarsiornermik Qitiusumik Ilinniarfiup, Nuummi Sisimiunilu inissinneqartup ataani inissinneqarlutik. Umiarsuup naalaganngorniarluni ilinniartitaanerit Nuummi ingerlanneqassasut qinnutigineqarpoq.

Allannguutit 2014-imi aningaasanut inatsimmut ilanngunneqarnissaat qulakkeeqqullugu Naalackersuisut Aningaasaqarnermut Ataatsimiititaliamit qinnuigineqarput.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalackersuisoq
/MAANI**

Ulloq: 28. juni 2013

J.nr.: 01.31.06/13-00629

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilsimatitsineq (suliaq nr.
01.31.06/13-00629)**

**Kontomi pingaarnermi 84.40.10 Kommunini atuarfiit, suliassamut nr. 030.50.110
Atuarfik, Narsaq, aningaasaliissutinik atugassanngortitsinissaq (01.31.06/13-00629)**

Naalackersuisut inassutigaat,

- kontomi pingaarnermi 84.40.10 Kommunini atuarfiit, suliassamut nr. 996.50.123 Atuarfiit assigiinngitsut, nutaat nutartikkallu, 2013, aningaasaliissutit 29,0 mio. koruuninik ikilisinneqassasut, aammalu suliassamut nr. 030.50.110 Atuarfik, Narsaq, aningaasaliissutit 2013-imi 29,0 mio. koruuninik amerlisinneqassasut, aamma
- kontomi pingaarnermi 84.40.10 Kommunini atuarfiit, suliassamut nr. 996.50.127 Atuarfiit assigiinngitsut, nutaat nutartikkallu, 2014, aningaasaliissutit 22,5 mio. koruuninik ikilisinneqassasut, aammalu suliassamut nr. 030.50.110 Atuarfik, Narsaq, aningaasaliissutit 2014-imi 22,5 mio. koruuninik amerlisinneqassasut, aamma
- kontomi pingaarnermi 84.40.10 Kommunini atuarfiit, suliassamut nr. 996.50.129 Atuarfiit assigiinngitsut, nutaat nutartikkallu, 2015, aningaasaliissutit 10,7 mio. koruuninik ikilisinneqassasut, aammalu suliassamut nr. 030.50.110 Atuarfik, Narsaq, aningaasaliissutit 2015-imi 10,7 mio. koruuninik amerlisinneqassasut, aamma
- kontomi pingaarnermi 84.40.10 Kommunini atuarfiit, suliassamut nr. 996.50.130 Atuarfiit assigiinngitsut, nutaat nutartikkallu, 2016, aningaasaliissutit 1,5 mio. koruuninik ikilisinneqassasut, aammalu suliassamut nr. 030.50.110 Atuarfik, Narsaq, aningaasaliissutit 2016-imi 1,5 mio. koruuninik amerlisinneqassasut.

Aningaasaqarnermut Ataatsimiititaliap oqaaseqatai

Suliassaq nr. 030.50.110-mut, Narsami atuarfimmu tunngasumut, aningaasaliissutit 67,95 mio. kr.-inut amerlineqarnissaat Naalackersuisut kissaatigaat. Aningaasalersuutissatut siunnersuutip kingunerisaanik suliassaq nr. 018.50.133, Alluitsup Paani atuarfiup iluarsaanneranut/allanngortiterneranut/allilerneqarneranut tunngasoq, kinguartinneqassaaq kiisalu suliassaq nr. 060.50.089-ip, Nuummi ASK-ip iluarsaanneranut/allanngortiterneranut/allilerneqarneranut tunngasup, misissuiffigeqqaar-nissaata 2013-imi aallartisarneqarnissaa taamaallaat aningaasassaqaartinneqassalluni.

Kalaallit meerartaasa atuarnermi illutatigut naammaginatumik atugassaqqartinneqarnissaat aammalu atuarfinnik iluarsaanerup sanaartornerullu eqqumaffigineqarlutik aalajangiusimaneqarnissaat pingaaruteqartut Aningaasaqarnermut Ataatsimiititaliamit isigineqarput.

Tuniussinermut uppernarsaat naapertorlugu suliassaq Kommune Kujallermut tunniunneqassasoq, taamaalillunilu suliassamut akisussaaffimmik tamakkiisumik tigusissasoq ataatsimiititaliamit maluginiarneqarpoq. Tunngaviusumik isigalugu tamatuma kingunerissavaa aningaasartuutaanerusinnaasut kommunimit akilerneqassasut aammalu atuinikinnerusoqassappat taakku Namminersorlutik Oqartussanut utertinneqassasut. Tamanna aaqqiinertut naleqquttut ataatsimiititaliamit isigineqarpoq, taamaaliornikkut suliassamut nammineq siunnersuusiornissamut kommuni periarfissinneqarmat.

Ukiunut missingersuusiorfinnut aningaasaliissutit allannguutaat 2014-imi aningaasanut inatsisissatut siunnersuummut ilanngunneqarnissaat qulakkeeqqullugu Naalakkersuisut ataatsimiititaliamit qinnuigineqarput.

Aningaasaqarnermut Ataatsimiititaliami amerlanerussuteqartut Siumup Atassutillu ilaasortaataasa qinnuteqaat akuerineqassasoq kissaatigaat, tassa suliassap piaartumik aallarnisarneqarnissaa assut pingaaruteqarmat, tamannalu tunngavigalugu Narsami atuarfimmut aningaasanik immikkoortitsinissaq pisariaqarmat. Tamatuma peqatigisaanik ataatsimiititaliami amerlanerussuteqartut oqaatigiumavaat Alluitsup Paani iluarsaanissaq aamma allartinneqarsinnaaqqullugu aaqqiissuteqarnissaq pingaaruteqartoq.

Aningaasaqarnermut Ataatsimiititaliami ikinnerussuteqartut Inuit Ataqtigiit ilaasortaataasa ima oqaaseqarlutik qinnuteqaat akuerineqassasoq kisaatigaat:

”Atuarfinnik allanik, tassunga ilanngullugu Alluitsup Paani atuarfimmik, iluarsaanissat kinguarterisigut Narsami atuarfiup iluarsarnissaa Naalakkersuisunit aningaasalersorumaneqarmat Inuit Ataqtigiit assut ajuusaarutigaat. Narsap atuarfiata iluarsarnissaanut aningaasat konto 84.40.10-p, atuarfinnik sanaartornermut aningaasanut tunngasup, avataanit pissarsiarineqartariaqartut isumaqarpugut. Taama isumaqarnerput naalakkersuisooqatigiinnit ajoraluartumik paasineqanngilaq.

Atuarfinit allanik iluarsaanissamut aningaasanik tigusinissaq attanneqarsinnaanngitsoq Inuit Ataqtigiit isumaqarput. Taamaaliornikkut atuarfiit aserfallassimanerannik aserfallatsaaliornarlunneqarnerannillu nunatsinni ajornartorsiutit amerlanerulersinneqaannassapput.

Apeqqummi tamatumani nunatsinni atuartut tamarmik assigiimmik pineqartariaqarput aammalu Alluitsup Paani atuartut illutatigut pitsaasumik atugassaqqartinneqarnissartik aamma pisariaqartippaat, soorlu aamma Narsami atuartunut taamaattoq. Aningaasalersuutissanik atuarfinit allaneersuunngitsunik Inuit Ataqtigiit kissaataat naalakkersuisooqatigiinnit tapersorsorneqanngimmat assut ugornarpoq.

Narsap atuarfia maanna iluarsarneqartariaqarmat qinnuteqaat akueraarput, tamannalumi aningaasanut inatsit kingullermik isumaqatigiinniutigineqarpat partiinit kisiartaalluta piumasaqaatigaarput. Assut ajuusaarutigingaarlugu aningaasalersuineq, Alluitsup Paani atuarfimmik aningaasanik tiguernermik ilaqartinneqartoq, taamaalilluta akueraarput. Aalisartut akuersissutinut akiliuteqartinneqartarnerata kingumoortumik atorunnaarsinneqarneranut

naalakkersuisooqatigiit 1,95 millioner kroninik atueqqammernerat tikkuarusupparput. Aningaasat taakku matumunnga atorneqarluarsimasinnaagalarput.”

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 28. juni 2013

J.nr.: 01.31.06/13-00630

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalakkersuisunut ilisimatitsineq (suliaq nr.
01.31.06/13-00630)**

Ilulissani atuarfik nutaaq

Naalakkersuisut inassutigaat:

- kontomi pingaarnermi 84.40.10 Kommunini atuarfiit, suliassamut nr. 120.50.121 Atuarfik Mathias Storchimi allangortiterineq alliliinerlu, Ilulissat, aningaasaliissutit 57,855 mio. koruuninik ikilisinneqassasut, aamma
- kontomi pingaarnermi 84.40.10 Kommunini atuarfiit, nutaamik suliassaq nr. 120.50.131 Ilulissani atuarfik nutaaq, pilersinneqassasoq, aningaasaliissutillu 2013-imi 57,855 mio. koruuninik amerlisinneqassasut, aamma
- suliassamut nr. 120.50.131 Ilulissani atuarfik nutaaq, aningaasaliissutit 25,0 mio. koruuninik amerlisinneqassasut, aamma suliassamut nr. 996.50.129 Atuarfiit assigiinngitsut, nutaanik sanaartorneq iluarsaassinerlu, 2015, aningaasaliissutit 2015-imi 25,0 mio. koruuninik ikilisinneqassasut, aamma
- suliassamut nr. 120.50.131 Ilulissani atuarfik nutaaq, aningaasaliissutit 50,0 mio. koruuninik amerlisinneqassasut, aamma suliassamut nr. 996.50.130 Atuarfiit assigiinngitsut, nutaanik sanaartorneq iluarsaassinerlu, 2016, aningaasaliissutit 2016-imi 50,0 mio. koruuninik ikilisinneqassasut.

Aningaasaqarnermut Ataatsimiititaliap oqaaseqaatai

Atuarfik Mathias Storchip allangortiterlugulu ilaneqarnissaanik suliassamut taarsiullugu Ilulissani atuarfimmik nutaamik sanaartornissamik suliassap nutaap pilersinneqarnissaa Naalakkersuisut kissaatigaat. Aammalu suliassatoqqamit aningaasat suliassamut nutaamut nuunneqarnissaat kissaatigineqarpoq. Kiisalu atuarfimmik nutaamik sananissamik suliassamut aningaasat ukiuni missingersuusiorfinni 2015-imi 2016-imilu atugassanngortinneqarnissaat Naalakkersuisut qinnutigaat.

Kalaallit meerartaasa atuarnerminni illutatigut naammaginantumik atugassaqartinneqarnissaat aammalu atuarfinnik iluarsaanerup sanaartorerullu eqqumaffigineqarlutik aalajangiusimaneqarnissaat pingaaruteqartutut Aningaasaqarnermut Ataatsimiititaliamit isigineqarput.

Ukiunut missingersuusiorfinnut aningaasaliissutit allannguutaat 2014-imi aningaasanut inatsisissatut siunnersuummut ilanngunneqarnissaat qulakkeeqqullugu Naalakkersuisut ataatsimiititaliamit qinnuigineqarput.

Ilulissani atuarfimmik nutaamik sanaartornissamut aningaasanik atugassanngortitsinissaq Naalakkersuisut qinnuteqaatikkut kissaatigaat. Suliassaqaarfimmulli 80 – 89-imut oqaasertaliusseq nr. 3 naapertorlugu qinnuteqaammi paasinarsisinneqanngilaq suliassamut missingersuut B sularineqarsimanersoq, taamaalillunilu paasinarsisinneqarani sanaartugassanut aningaasaliissutit ukiuni missingersuusiorfinni atugassanngortinneqarnissaannut tunngavissaq pisariaqartoq aamma pigineqarnersoq.

Atuarfik Mathias Storchip allanngortinneqarlunilu ilaneqarnissaanik suliassaq missingersuut C ilanngullugu Qaasuitsup Kommunanut tunniunneqarsimavoq, taamaaliornissamullu Naalakkersuisut suliassaqaarfimmut 80 – 89-imut oqaasertaliusseq nr. 4 naapertorlugu tunngavissinneqarput. INI Byggeteknik A/S-illi suliassamik aqutsineq aallartisarnermi taamaallaat imaluunniit suliassaq tamakkerlugu tigusimaneraa paasinarsisinneqanngilaq.

Atuarfimmik nutaamik sanaartornissaq pillugu suliassamut nutaamut atugassanngortitsinissamik Naalakkersuisut qinnuteqaataat allanngortitsinissamik allilerinissamillu suliassaasimasumut sanilliulluni allaanerulluinnartutut oqaatigineqartariaqarpoq. Taamaattumillu suliassamik piginnittuuneq pillugu nassuiaammik aammalu Naalakkersuisut Qaasuitsullu Kommuniata akornanni tunniussinermut uppersarsaammik imaluunniit atuarfimmik nutaamik sanaartornissamut missingersuummik B-mik Naalakkersuisut nassiussinissaasa piunasaqaatiginissaa qinnuteqaammik matuminnga akuersissutiginninnermini ataatsimiititaliap pisariaqartippaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu tunniussinermut uppersarsaammik imaluunniit atuarfimmik nutaamik sanaartornissamut missingersuut B-mik Naalakkersuisut kingusinnerpaamik 31. juli 2013-imi, assilineri julie@ina.gl-imut ilanngullugu, nassiussinissaat piunasaqaatigalugu Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Ataatsimiititaliap sinnerlugu

Finn Karlsen
Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
Postboks 1060
3900 Nuuk

**Ilulissani atuarfimmum nutaamut tunngatillugu TB-mi FIU-p oqaaseqaataanut
tunngatillugu akissut (Suliap nr.-a 01.31.06/13-0630)**

08-08-2013
Sags nr. 2013-085033
Dok. nr. 1298984

Atuarfik Mathias Storchip allangortiterlugulu ilaneqarneranut tunngatillugu suliniummut
siusinnerusumut naleqqiullugu suliniutip nutaap allaanerulluinnarneranik
Aningaasaqarnermut Akileraartarnermullu Ataatsimiititaliap isiginninnera eqqortuuvoq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl


Taamaattumik nutaamik suliniummik pilersitsisoqassasoq »120.50.131 Ilulissani atuarfik
nutaaq« kissaatigineqarpoq, suliniummut nassuiaat nutaaq ilaatillugu, siusinnerusukkut
allangortiteralunilu ilassuteqarnermut naleqqiullugu allaanerulluinnartumik
suliniutaanera pissutigerpiarlugulu.

Suliniummut siunnersuutip missingersuullu B pigilersinnagit 2015-imit 2016-imiillu
aningaasaliissutinik atuisoqarsinnaangitsoq Aningaasaqarnermut Akileraartarnermullu
Ataatsimiititaliap eqqortumik maluginiarpaq. Taamatut pisoqartussaassanngilaq.
Missingersuutaasunik sunniuteqarfiunngitsumik nuussuinissaq pillugu qinnuteqaat
taamaallaat suliniummi 120.50.121 Atuarfik Mathias Storchimik allangortiteralunilu
ilassuteqarnermut atugassiareriikkanut 57,855 mio. kr.-nut tunngasuusussaavoq.
Taamatut pisoqarpoq suliniutitoqqap naammassillugulu matuneqarnissaanik
kissaateqartoqarmat, tamannalu ilutigalugu suliniummik nutaamik aallartitaqarluni,
suliniummut siunnersuutip nutaap B-millu missingersuutip pissarsiarinissaat
siunertaralugit.

INI Byggeteknik A/S-ikkut Namminersortutik Oqartussat suliassamut tamarmut
sanaartortitsisuunissaat Qaasuitsup Kommunialu isumaqatigiissutigineqarsimanera
erseqqissarneqassaaq.

Qulaani pineqartut Aningaasaqarnermut Akileraartarnermullu Ataatsimiititaliamut
naammattut akissutaanissaat neriuutigineqarpoq, taamaalilluni suliniutitoqqap
matuneqarnissaa isumannaarlugulu tassanngaanniit aningaasaliissutit suliniummut
nutaamut nuunneqassallutik, B-mik missingersuummik suliniummullu siunnersuummik
pissarsiniarnermut ingerlassassanik piaarnerpaamik aallartitsisoqarsinnaalersillugu.

Inussiarnersumik inuulluaqqusillunga


Mette Lyngé



INATSISARTUT

Aningaasaqarnermut Nunamilu Namminermi Pissutsinut Naalackersuisoq

Ulloq: 23. august 2013
J.nr.: 01.31.06/13-00630

Sisamangornermi ulloq 22. august 2013 Aningaasaqarnermut Akileraartarnermullu Ataatsimiititaliap aalajangerneru pillugu Naalackersuisunut ilisimatitsissut (suliaq nr. 01.31.06/13-00630)

Ilulissani atuarfik nutaaq.

Naalackersuisut inassutigaat:

- kontumi pingaarnermi 84.40.10 Kommunini atuarfiit, suliassamut nr. 120.50.121 Atuarfik Mathias Storchimi allangortiterineq alliliinerlu, Ilulissat, aningaasaliissutit 57,855 mio. kr.-inik ikilisinneqassasut, aamma
- kontumi pingaarnermi 84.40.10 Kommunini atuarfiit, nutaamik suliassaq nr. 120.50.131 Ilulissani atuarfik nutaaq, pilersinneqassasoq, aningaasaliissutillu 2013-imi 57,855 mio. kr.-inik amerlisinneqassasut, aamma
- suliassamut nr. 120.50.131 Ilulissani atuarfik nutaaq, aningaasaliissutit 25,0 mio. kr.-inik amerlisinneqassasut, aamma suliassamut nr. 996.50.129 Atuarfiit assigniingitsut, nutaanik sanaartorneq iluarsaassinerlu, 2015, aningaasaliissutit 2015-imi 25,0 mio. kr.-inik ikilisinneqassasut, aamma
- suliassamut nr. 120.50.131 Ilulissani atuarfik nutaaq, aningaasaliissutit 50,0 mio. kr.-inik amerlisinneqassasut, aamma suliassamut nr. 996.50.130 Atuarfiit assigniingitsut, nutaanik sanaartorneq iluarsaassinerlu, 2016, aningaasaliissutit 2016-imi 50,0 mio. kr.-inik ikilisinneqassasut

Aningaasaqarnermut Ataatsimiititaliap oqaaseqaatai

Ataatsimiititaliap ulloq 26. juni ataatsimiinnermini ilassutitut aningaasaliissuteqarnissamik qinnuteqaat manna akuersissutigaa, suliassamut missingersuutit B-t suliassalluunniip kommunimut tunniunneqarneranik uppernarsaatitut allakkiassamut missingiutip Naalackersuisunit nassiunneqarnissaa aalajangiisuutillugu. Akissuteqarnerminni Ilulissani atuarfik eqqarsaatigalugu suliassamik nutaamik pilersitsinissamik suliassatoqqamullu aningaasaliissutit tamatumunnga nuunneqarnissaannik inassuteqaatit siulliit marluk aalajangiusimaneqarnissaat, kiisalu ukiuni missingersuusiorfiusuni 2015-imi 2016-imilu katillugit 75 mio. kr.-inik suli aningaasaliissuteqartoqarlunilu timaliisoqarnissaanut inassuteqaatit kingulliit marluk tunuartinneqarnissaat, Naalackersuisut kissaatigaat. Aningaasartaannai eqqarsaatigalugit tamatuma kingunerisassai suunngillat, tassami AIS 2014-imi oqaatigineqareemat 75 mio. kr.-it atuarfimmu 2015-imi 2016-imilu pingaarnersiunerimi immikkoortinneqassasut. Ataatsimiititaliap naatsorsuutigaa 2014-imut aningaasanut inatsisissatut siunnersuutip aappaasaaneerineqarnissaanut atatillugu, siuliani allassimasut tunngavigalugit, Naalackersuisut allannguutissatut siunnersuuteqarumaartut, ukiut missingersuusiorfiusut eqqarsaatigalugit 75

mio. kr.-it pineqartut suliassatut nr.-mut nutaamut 120.50.131 Ilulissani atuarfik nutaaq im-
mikkoortillugit. Taama oqareerluni inassuteqaatit pillugit Naalakkersuisut kissaataat ataatsimiititaliap tusaatissatut tiguaa.

Ataatsimiititaliaq sinnerlugu

Finn Karlsen
Ataatsimiititaliami siulittaasoq



**Aningaasaqarnermut Nunamullu
Namminermut Naalackersuisoq
/MAANI**

Ulloq: 30. juni 2013
J.nr.: 01.31.06/13-00631

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00631)**

**Ulloq unnuarlu angerlarsimaffimmik nutaamik pilersitsinissamut, missingersuutininut
sunniuteqanngitsumik ilassutitut aningaasaliissuteqartoqarnissaanik qinnuteqaat**

Naalackersuisut inassutigaaat,

- Ilaqutariinnermut Inatsisinillu Atuutitsinermit Naalackersuisoqarfik ulloq unnuarlu angerlarsimaffimmik, sumiginnaasarneq aamma naalungiarsuit attaveqarniarnermikkut ajornartorsiuteqalernissaat pinaveersimatinniarlugit ingerlanneqartussamik ukiumi aningaasanut inatsiseqarfiusumi matumani pilersitsinnaasoq. Pilersitsinissaq ukiumi aningaasanut inatsiseqarfiusumi 2013-imi kontumut pingaarnermut 30.10.37-mut, Nuna tamakkerlugu meeqqanut inuusuttunullu angerlarsimaffiit, aningaasaliissutaareersut atorlugit pisinnaavoq.

Aningaasaqarnermut Ataatsimiititaliap oqaaseqaatai

Konto pingaarnermut 30.10.37-mut, nuna tamakkerlugu meeqqanut inuusuttunullu angerlarsimaffinnut tunngasumut, missingersuutininut ilanngussami aningaasaliinermi tunngavigineqartut allanngortinneqarnissaat Naalackersuisut qinnuteqaatikku kissaatigaat, taamaaliornikkut angajoqqaanut naalungiarsuutilinnut ulloq unnuarlu angerlarsimaffik tassunga ilanngunneqarsinnaaqqullugu.

Qeqertarsuarmi illut uiguleriiaat tallimat iluarsaanneqarnermik kingorna ulloq unnuarlu angerlarsimaffittut naleqqutilertussat pissarsiarineqarsimasut suliassamut nassuiaammi kapitali 7-imi paasissutissiissutigineqarpoq. Aamma allassimavoq iluarsaaneq ukiorpat aallartinneqarsinnaassasoq. Angerlarsimaffimmik ingerlatsinermi aningaasatigit kingunerisassat kisimik Aningaasaqarnermut Ataatsimiititaliamut qinnuteqaammi Naalackersuisunit paasissutissiissutigineqarput, taamaattumillu iluarsaanermut aningaasartuutininut aningaasalersuutissat aammalu siunertamut aningaasanut inatsimmi aningaasaliissutitigit sinaakkusiussat iluini ingerlanneqarsinnaanerat pillugit nassuiaat ataatsimiititaliamit qinnutigineqarpoq.

Suliamut piginnaanilinnik sulisussarsinissap ajornartorsiutaanera Aningaasaqarnermut Ataatsimiititaliamit siusinnerusukku eqqumaffigeqquneqarpoq. Kingullermik tamanna pilluni Sisimiuni ulloq unnuarlu angerlarsimaffik isumannaallisagaq pillugu aalajangiinermi (01.31.06/13-622). Qinnuteqaammut matumunnga atatillugu suliassamik nassuiaammi Naalackersuisut paasissutissiissutigaaat angerlarsimaffik ulloq unnuarlu sulisoqassasoq

kiisalu isumaginnittutut ilinniarsimasut minnerpaamik pingasut pisariaqartinneqassasut. Meeqqanut angajoqqaanullu qajassuuttarialinnut angerlarsimaffiit taamaattut piginnaanilinnik sulisoqartinneqarnissaat ataatsimiititaliamit assut pingaartinneqarpoq. Angerlarsimaffimmik taakkuninnga sulisoqarnissaq Naalackersuisunit qanoq qulakkeerneqalersaarnersoq pillugu nassuiaat itisilerutaasoq ataatsimiititaliamit qinnutigineqarpoq, tassungalu ilanngullugu nassuiarneqarluni Sisimiunut sanilliullugu ilinniarsimasunik piginnaanilinnik Qeqertarsuarmi sulisussarsisinnaanerup ajornannginnerunissaa qanoq Naalackersuisunit naatsorsuutigineqarnersoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu apeqqutit siuliani allassimasut piaartumik akineqarnissaat siunertaralugu Naalackersuisut inassuteqaataasa isummerfiginissaat Aningaasaqarnermut Ataatsimiititaliamit **kinguartinneqarpoq**.

Naalackersuisut akissuteqaataata kalaallisut danskisullu kingusinnerpaamik ulloq 31. juli 2013 tiguneqarnissaa ataatsimiititaliamit qinnutigineqarpoq assilineqarneralu uunga nassiutequneqarluni: julie@ina.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Aningaasaqarnermut Akileraartarnermullu
ataatsimiititaliaq

630

**Ulloq unnuarlu angerlarsimaffissamik pilersitsinissamut atatillugu
Aningaasaqarnermut Ataatsimiititaliap itisileeqqulluni apeqqutigisaannut akissutit**

25-07-2013
Sags nr. 2013-085295
Dok. nr. 1286637

Ulloq unnuarlu angerlarsimaffimmik nutaamik pilersitsinissamut tunngatillugu
Ilaqtariinnermut Inatsisinillu Atuutitsinnermut Naalakkersuisoqarfiup
aningaasaqarnermut ataatsimiititaliap itisileeqqussissusilluni apeqquteqaatai marluk
tigusimavai imatullu akissuteqarfigerusullutigit:

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Apeqqut 1

*Illut atugassat aserfallattaaliorneqarnissaat siunertaralugu suliniutissat suussanersut
paaseqqissaarusunneqarput, qanorlu tamakkua aningaasanut inatsit toqqammavigalugu
aningaasaliissutaareersimasut iluanni isumagineqarsinnaassanersut
paaserusunneqarlutik.*

Akissut 1

Piffissami sivitsulersumi anaanat/meeqqat angerlarsimaffiginnaasaannik
pilersitsinnaanissaq pisariaqartinneqarsimavoq. Tamanna toqqammavigalugu Ulloq
Unnuarlu immikkooortotaqariup juni 2012-mi naalakkersuisuusimasup suliniut
aallartissimavaa, tamatumani misissuiffiqineqarluni inissiat tullerriaat ilaasa taamatut
atorneqarsinnaalernissaat. Misissorusunneqarsimavoq inissiat pineqartut
sanarfineqareerlutik angerlarsimaffittut piukkunnarsarneqarsinnaassanersut.

Pisortaqarfiup naliliiffigisimavaa aningaasat amerlarujussuanngitsut atorlugit inissiat
pineqartut siunertamat atorneqalersinneqarsinnaassasut – anaanat/meeqqat
angerlarsimaffianik pilersitsisoqarnissaa siunertaralugu. Tamatuma kingorna suliniut
konto pingarmi 30.10.37 Nuna tamakkerlugu meeqqat inuusuttullu angerlarsimaffiinut
aningaasaliissutit, toqqammavigalugit aallartisarneqarpoq. Inissiat pineqartut ukiuni
marlunni ineqarfigineqarsimannngillat, taamaattumillu annikkikalumik
iluarsartuuteriarlugit tulluarsarneqarsinnaallutik. Tamatumunngalu aningaasartuutissat
600.000 kr.-nit sinnilaassagaat taggineqarsimallutik.

Peqqissutsimut naalakkersuisunut ilaasortaasimasup 2012-mi akuersissutigisimvaa
inissiat 5-t pineqartut aserfallattaaliorneqarlutillu piukkunnarsarneqarnissaat
anginerusunik aserfallattaaliornermi atugassiissutinit suliarineqarsinnaassasut.
Taamaattumillu takorloorneqarluni aningaasartuutit aningaasaliissutaareersut ilaannit
aningaasaliissuteqarfigineqarsinnaassasut,

Itisiliineq

Inissiat ulloq unnuarlu angerlarsimaffiliornermi atorniarneqartut,
Namminersornerusunit pigineqarput. Inissiat pineqartut taamatut atorneqarnissaanut

tunngatillugu immikkut aserfallattaaliorneqarsimangillat. Annertunngitsumik iluarsartuunneqarlutillu tulluarsarneqarsimapput, taamaasillunilu siunertaq naapertorlugu atorineqarnissaminut naapertuuttunngorsarneqarsimallutik.

Konto pingaarnermi 30.01.04 Namminersorlutik Oqartussat illuutaasa aserfallattaaliorneqarnissaanut ilaatigut konto pingaarnermi 30.10.37 Nuna tamakkerlugu meeqqat inuusuttullu angerlarsimaffiinut aningaasaliissutinit nuussisoqarsinnaasarpoq. Aningaaliissutit pineqartut atugassiissutigineqarnissaanut oqaasertaliussatut allanneqarsimasut naapertorlugit annikinnerusumik naleqqussaanernut pequtillu nutarternissaanut atorineqarsinnaapput, tamatumani konto pingaarnerp 30.10.37 Nuna tamakkerlugu meeqqat angerlarsimaffiinut attuumassuteqarsimassappata.

Konto pingaarnerp 30.10.37 Nuna tamakkerlugu meeqqat inuusuttullu angerlarsimaffi, tassunga tunngatillugu suliniutinut nutaanut immikkut atugassiissutigineqarsimapput 2013-mut Aningaasanut Inatsimmi qupp. 235-mi iliuuseqaatissat allattorneqarfiini allattorneqarsimasut. Taamaattumik anaanat/meeqqat angerlarsimaffissaanik iliuuseqaatit aallartinneqarsimapput immikkut pilersaarusiornikkut, taamaattorli pineqartut suliniutissatut nr. 01.31.06/13-00631-tut akuersissutigineqarunik, tamatuma kingorna ingerlatsivittut immikkuullarissutut Aningaasanut Inatsimmi konto pingarneq 30.10.37-mi inissinneqartussanngussallutik.

Aserfallattaaliineq/piareersarneqarnera pilersaarusiap immikkoortuani 7-mi allanneqarsimasutut naamassineqarpat inissiat iserterfigineqarnissaminut piariissapput. Tamatuma kingorna tassa kisimi pisatassai pisiarineqartariaqalissapput (siniffiit, oqorutit, nerinermi atorlut il.il.). Pisiassat tamakku pisortaqaarfiup KANUKOKA suleqatigalugu kontomit ataatsimoorussamit matussusiivigineqarlutik pisiarineqarnissaat pilersaarutigivaat.

Apeqqu 2

Ataatsimiititaliap aammattaaq qinnutigivaa itisiliivigineqassasoq qanoq iliornikkut Sisimiunut sanilliullugu Qeqertarsuarni ilinniarsimasunik sulisussarsiorsinnaanissaq ajornanginnerussangatinneqarnersoq.

Akissut 2

Pisortaqaarfiup paasiniaavigisimavaa Qeqertarsuarni Ilulissanilu sulisussarsiorsinnaanissaq qanoq isikkoqarnersoq. Tamatumani suliniut soqutigilluarneqarsimavoq, taamaattumillu naatsorsuutigineqarluni atorfiit inuttassarsiorneqalerpata qinnuteqaatit pisariaqartinneqartut takkussuukkumaartut.

Nunatsinni ulloq unnuarlu angerlarsimaffiit sulisussaminnik amigaateqartarput, taamaattumillu tamanna aaqqiivigiumallugu piginnaanngorsaanerit aallartisarneqarsimallutik.

Taamaattumik nalinginnaasumik ajornarnerusinnaassaaq Sisimiunut sanilliullugu Qeqertarsuarni sulisussarsiorsinnaanissaq. Tamatumali unitsinnassanngilaa piffimmi pisariaqartinneqartunik aallartitsisoqarsinnaanissaa. Piffik pineqartoq ineriartortinneqartuartaarpoq, taamaattumillu tigussaassumik suliniuteqartoqartuurluni pisariaqartinneqarsimappata neqeroorutaasinnaasunik pilersitsisarnissaq.

Ulloq unnuarlu angerlarsimaffissami allanut sanilliullugu annertunerusumik atorfinitsinneqarsinnaajumaarput inuit assigiinngitsutigut isumaginninnikkut

ilinniagaqarsimasut. Tamatumunnga pissutaavoq, angerlarsimaffiup kiffartuussassai allanut sanilliullugit malunnaatilimmik allaassuteqartussaassammata. Silinnerusumik inuttassarsiuisoqarsinnaassaaq, assersuutigalugumi sivikinnerugaluamik taamatut ilinniartinneqarsimallutik imigassamut katsorsaasartut isumaginninnikkullu siunnersortit tassani suliassat isumagisarsinnaassavaat.

Inussiarnersumik Inuulluaqqusillunga

Martha Lund Olsen

30.10.37 Nuna tamakkerlugu meeqqat inuusuttullu angerlarsimaffii (Ingerlatsinermut aningaasaliissutit)

Missingersuusiornermi immikkoortitsinerit

1.000 kr.

Aningaasartuutit

0

2013-mi immikkut aningaasaliissutissat

Matumuuna eqqartuussinikkut aalajangiiffigineqarsimasunut 18-llu inorlugit ukiulinnut ulloq unnuarlu angerlarsimaffissamik pilersitsinissamut, ataatsigut allaqqasutut qinnuteqaatigineqarmat, matumuuna qinnuteqaatigineqarpoq missingersuusiatut suliarineqarsimasut ilaneqassasut.

Konto pingaarnep 30.10.37 Nuna tamakkerlugu meeqqat inuusuttuaqqallu angerlarsimaffii (ingerlatsinermut aningaasaliissutit) qulequtaani imm. 6-mi titarnerit 8-nit imatut ilassusiisoqassaaq:

"Tamatuma saniatigut pilersinneqarsimapput ulloq unnuarlu angerlarsimaffik immikkut sillimaffiulluni nakkutigineqartoq, taanna illuni marloqiusaasuni inissinneqassaaq inuusuttunillu 8-nik eqqartuussinikkut inissitassanngortinneqarsimasuni najugaqarfigineqarsinnaassalluni."

Immikkut sillimaffiulluni angerlarsimaffimmut aningaasartuutit, AI 2013-mi aningaasaliissutaareersut iluannit aningaasalersorneqarsinnaassaaq.

Konto pingaarnermut tassunga immikkut oqaasertaliinissaaq isumagineqarnikooreersimavoq.

Konto pingaarnermut matumunnga taamaasilluni aningaasaliissutit 71.576.000 kr.-ninik annertussuseqalerput.

Aningaasaliissutit imatut allannguuteqartinneqarnissaat qinnuteqaatigineqarput:

Aningaasat kaaviiartissamaakkat

Angerlarsimaffinnut ataasiakkaanut

immikkoortiterneqassapput

IA 2013

Ulloq unnuarlu angerlarsimaffik immikkut

sillimaffiusoq

2.977

Qasapermiut

-2.977

Aningaasaat kaaviiartissamaakkat

Inissat katillugit

IA 2013

Ulloq unnuarlu angerlarsimaffik immikkut

sillimaffiusoq

8

Qasapermiut

-8

Aningaasaat kaaviiartissamaakkat

Ullut unnuiffiusussat

IA 2013

Ulloq unnuarlu angerlarsimaffik

2.862

Qasapermiut

-2.862

Aningaasat kaaviiartissamaakkat	
Meeqqamut ataatsimut sullissisussat	IA 2013
Ulloq unnuarlu angerlarsimaffik	3,65

Sulisussatigut makku allannguutigittinneqarnissaat qinnutigineqarpoq:

Sulisorisassatut naatsorsuutigisat	IA 2013
Pisortat	0
Allat	7
Sulisussat katillugit	7

Aningaasaqarnermut Ataatsimiititaliamut ulloq xx-yy-2013 akuerineqartoq, suliaq nr. 13-xxx.



INATSISARTUT

**Aningaasaqarnermut Nunamullu
Namminermut Naalackersuisoq
/MAANI**

Ulloq: 9. august 2013
J.nr.: 01.31.06/13-00631

**Aningaasaqarnermut Akileraartarnermullu Ataatsimiititaliap pingasunngornermi
ulloq 7. august 2013 aalajangiineranik Naalackersuisunut ilisimatitsineq (suliaq nr.
01.31.06/13-00631)**

**Ulloq unnuarlu angerlarsimaffimmik nutaamik pilersitsinissamut, missingersuutitut
sunniteqanngitsumik ilassutitut aningaasaliissuteqartoqarnissaanik qinnuteqaat**

Naalackersuisut inassutigaat,

Ilaqutariinnermut Inatsisinillu Atuutitsinermut Naalackersuisoqarfik ulloq unnuarlu angerlarsimaffimmik, sumiginnaasarneq aamma naalungiarsuit attaveqarniarnermikkut ajornartorsiuteqalernissaat pinaveersimatinniarlugit ingerlanneqartussamik ukiumi aningaasanut inatsiseqarfiusumi matumani pilersitsinnaasoq. Pilersitsinissaq ukiumi ani-ngaasanut inatsiseqarfiusumi 2013-imi kontumut pingaarnermut 30.10.37-mut, Nuna ta-makkerlugu meeqqanut inuusuttunullu angerlarsimaffiit, aningaasaliissutaareersut ator-lugit pisinnaavoq.

Aningaasaqarnermut Ataatsimiititaliap oqaaseqaatai

Illunik uiguleriiaanik ulloq unnuarlu angerlarsimaffimmi ineqartunut atorneqartussanik iluarsaanermi aningaasartuutit aningaasalersorneqarnissaat kiisalu angerlarsimaffimmi sulisunik piginnaaneqarluartunik ilinniarsimasunillu Naalackersuisut qanoq ilillutik sulisussarsiornissartik naatsorsuutigineraat pillugu apeqqutitut akissutinik pissarsiniarnissaq Aningaasaqarnermut Ataatsimiititaliap ulloq 26. juni ataatsimiinnermini aalajangerpaa. Naalackersuisut akissutaat ulloq 25. juli ataatsimiititaliap tiguaa.

Illut uiguleriiaat tallimaasut taakku atorneqalernissaannut atatillugu taamaallaat iluarsaanneqarlutillu naleqqussarneqassasut Naalackersuisut akissummini paasissutissiipput. Tamatumunnga aningaasartuutit kontomi pingaarnermi 30.01.04-mi, Namminersorlutik Oqartussat illuutaannik aserfallatsaaliinnermut tunngasumi aningaasaliissutitut sinaakuttissat iluanni aningaasalersorneqarput. Tamannattaq pissutigalugu angerlarsimaffiup pilersinneqarnera ingerlanneqarneralu kontomi pingaarnermi 30.10.37-mi, Nuna tamakkerlugu meeqqanut inuusuttunullu angerlarsimaffimmut tunngasumi aningaasaliissutit iluanni akilerneqarsinnaapput. Tamanna ataatsimiititaliamit tusaatissatut tiguneqarpoq.

Sulisunik ilinniarsimasunik sulisussarsiornissamut periarfissat siusinnerusukkut misissorneqarsimasut Naalackersuisut aamma paasissutissiissutigaat. Tassunga atatillugu suliniut soqutigineqarpoq, taamaalilluni angerlarsimaffiup sulisussaanut qinnuteqaatinik

tiguisoqarnissaa naatsorsuutigineqarluni. Nunatsinni ulloq unnuarlu angerlarsimaffinni tamani sulisussanik amigaaqartoqartoq aammalu Sisimiuni ulloq unnuarlu angerlarsimaffimmik nakkutilliffiusumik pilersitsiviusussamut sanilliullugu Qeqertarsuarmi sulisussarsionnissaa ajornakusoornerussangatinneqartoq Naalakkersuisut naliliipput.

Qeqertarsuarmi ulloq unnuarlu angerlarsimaffimmi meeqqanik angajoqqaanillu mianerisarialinnik suliaqarfiusumi piginnaaneqarluartunik sulisoqarnissaa Aningaasaqarnermut Ataatsimiititaliap assut pingaartippaa. Angerlarsimaffinni meeqqanik inuusuttunillu immikkut pisariaqartitsisunik najugaqarfiusuni piginnaaneqarluartunik ilinniarsimasunillu aamma sulisoqarnissaa taama pingaaruteqartigaaq. Qeqertarsuarmi ulloq unnuarlu angerlarsimaffimmi atorfiit amerlassusiligaanerata malinneqarnissaa ataatsimiititaliamit pingaartinneqarpoq aammalu kontop pingaarnerup 30.10.37-p, Nuna tamakkerlugu meeqqanut inuusuttunullu angerlarsimaffimmut tunngasup ataani angerlarsimaffinni allani piginnaaneqarluartunik ilinniarsimasunillu sulisoqarnissaanut qulakkeereqataasinnaasunik Naalakkersuisut suliniuteqarnissaat naatsorsuutigalugu.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akueraa**.

Ataatsimiititaliap sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 12. august 2013

J.nr.: 01.31.06/13-00632

**Aningaasaqarnermut Akileraartarnermullu Ataatsimiititaliap pingasunngornermi
ulloq 7. august 2013 aalajangiineranik Naalakkersuisunut ilisimatitsineq (suliaq nr.
01.31.06/13-00632)**

Nanortalimmi atuartut angerlarsimaffianni kantiinap illutaanut atugassanngortitsineq

Naalakkersuisut inassutigaat,

kontomi pingaarnermi 84.40.15 Ilinniartut inaannik sanaartorneq, suliassamut nr. 010.52.060 Nanortalimmi atuartut angerlarsimaffiat, aningaasaliissutit 7,744 mio. koruuninik amerlineqassasut aamma suliassamut nr. 996.52.057 Ilinniartut inaannik pilersaarusionsorneq sanaartornerlu, 2012, aningaasaliissutit 5,65 mio. koruuninik ikilisinneqassasut aamma suliassamut 060.52.069 Inissianik 14-inik kollegiassatut pisineq, Nuuk, aningaasaliissutit 2,094 mio. koruuninik ikilisinneqassasut.

Aningaasaqarnermut Ataatsimiititaliap oqaaseqaatai

Kontop pingaarnerup 84.40.15-ip, Ilinniartut inaannik sanaartornermut tunngasup ataani suliassamut nr. 010.52.060-imut, Nanortalimmi atuartut angerlarsimaffiannut tunngasumut aningaasaliissutit 7,7 mio. kr.-it missaannik amerlineqarnissaat Naalakkersuisut qinnutigaa. Suliassaq nr. 996.52.057, 2012-imi ilinniartut ineqarfiinik pilersaarusionsornermut sanaartornermullu tunngasoq kiisalu suliassaq nr. 060.52.069, Nuummi inissianik 14-inik ilinniartunut atugassanik pisinermit tunngasoq aqqutigalugit tamanna aningaasalersorneqassaaq.

Nuummi inissianik ilinniartunut atugassanik pisiniarluni suliassaq aningaasat sinneqarlutik naammassineqartoq Naalakkersuisut qinnuteqaamminni paasisutissiissutigaa.

Suliassamut siunnersuummik nutaamik suliassat allaaserineqarnerannut allannguutaasussamik suliaqartoqarnera Naalakkersuisut 2011-mi qinnuteqaamminni ataatsimiititaliamut ilisimatitsissuteqarsimanngimmata Aningaasaqarnermut Ataatsimiititaliamit isornartoqartinneqarpoq. Suliaq (01.31.06/11-00551) ataatsimiititaliap ulloq 7. sept. 2011-mi ataatsimiinnerani suliarineqarpoq aammalu qinnuteqaammi matumani allassimalluni missingersuutit B-t nutaat ulloq 8. sept. 2011-mi suliarineqartut – tassa imaappoq suliassamut atugassanngortitsinissamut ataatsimiititaliap akuersissuteqaqqaarnerata aqaguani.

Suliassamut siunnersuutip nutaap missingersuutinik B-nik ilallip suliassaq 40 %-ingajannik akisunerulersippaa. Naak missingersuutip B-t nutaat aningaasaliissutit sipporneqarnerannik suli kinguneqanngikkaluartut piffissap taamaanneranili allanngortinneqarsimasinnaanngillat, tamannalu pillugu Aningaasaqarnermut Ataatsimiititaliaq ilisimatinneqartussaasimagaluarluni. Taamaalillutik tunngavissarititaasunit Aningaasaqarnermut Ataatsimiititaliamit tunniunneqartunit allanik tunngavissaqarlutik Naalakkersuisut aningaasaliissutit atugassanngortissimavaat. Missingersuusiortarnermut maleruaqqusani 2008-meersuni imm. 4.3 naapertorlugu tamanna annertuumik ajornartorsiutitaqarpoq.

Naalakkersuisut suliassanik aqutsinermik suliassanillu siulersuinermik pitsaanerungaartumik siunissami qulakkeereqqusarlugit ataatsimiititaliap sakkortunerpaamik qinnuigissavai.

Aammattaaq ilassutitut aningaasaliissuteqarnissamik qinnuteqaatinik Aningaasaqarnermut Ataatsimiititaliamut nassitsisarnerminni missingersuusiortarnermut maleruaqqusat 2008-meersut malittaqqullugit Naalakkersuisut qinnuigineqarput.

Kontop pingaarnerup 84.40.15-ip ataani tabelimi aningaasaliissutitigut allannguutit 2014-imut aningaasanut inatsisissatut siunnersuummut Naalakkersuisunit ilanngunneqassasut naatsorsuutigineqarput.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akueraa**.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Assilineri: Kukkunersuinermit Ataatsimiititaliaq

Ulloq: 30. juni 2013

J.nr.: 01.31.06/13-00633

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalakkersuisunut ilisimatitsineq (suliaq nr.
01.31.06/13-00633)**

2013-imi akuersissutitut atuisut akiliutaannik atorunnaarsitsineq

Naalakkersuisut **inassutigaaat**:

- kontomi pingaarnermi 50.01.05-imi, Kalaallit Nunaanni Aalisarsinnaanermut Akuersissutinik Nakkutilliisoqarfimmum tunngasumi, aningaasaliisutit 1.950.000 kr.-nik amerlineqassasut
- kontomi pingaarnermi 50.06.50-imi, Aalisarnermut aningaasaliissutitut immikkoortitanut tunngasumi, aningaasaliisutit -1.950.000 kr.-nik ikilineqassasut.

Aningaasaqarnermut Ataatsimiititaliap oqaaseqaatai

1. januar 2013-imit kingumoortumik atuutilersumik sinerissap qanittuani aalisarnermut akuersissutitut atuisut akiliutaasa atorunnaarsinneqarnissaannik qinnuteqaammik Naalakkersuisut aammaarlutik nassiussipput. Qinnuteqaammumt siusinnerusukkut nassiunneqartumut ataatsimiititaliamillu itigartinneqartumut sanilliulluni qinnuteqaatip matuma allaanerussutigaa aningaasalersuutissatut allat siunnersuutigineqarmata. Kontomi pingaarnermi 51.01.05-imi, Kalaallit Nunaanni Aalisarsinnaanermut Akuersissutinik Nakkutilliisoqarfimmum tunngasumi, isertitakinnerussutit 1,95 mio. kr.-it konto pingaarneq 50.06.50, aalisarnermut aningaasaliissutitut immikkoortitanut tunngasoq, aqutigalugu aningaasalersorneqarnissaat Naalakkersuisut qinnuteqaatikkut kissaatigaat.

Aningaasaqarnermut Ataatsimiititaliap maluginiarpaat inassuteqaatit aappat kukkusuummat, tassa aningaasat allassimasut siornanni "minus" allassimasariaqanngimmat.

Qinnuteqaammumt Naalakkersuisunit siusinnerusukkut nassiunneqartumut (suliaq nr. 13-625) ataqaatigiissillugu qinnuteqaat una isigineqartariaqarpoq. Konto pingaarneq 20.11.50, ingerlatsinermit sillimmatitut tunngasoq, aqutigalugu aningaasalersuinissap tunngaviusumik isigalugu ataatsimiititaliamit akuerineqarsinnaannginnera tunngavilersuutigalugu taanna ataatsimiititaliamit itigartinneqarpoq. Aningaasat amerlannginnerat eqqarsaatigalugu aningaasalersuutissat nammineq atugassarisat iluini imaluunniit Naalakkersuisoqarfiit allat ataqaatigiissaariffigineqarnerisigut pissarsiarineqarsinnaasariaqarput. Qinnuteqaatikkullumi ugguna takutinneqarpoq

nammineq atugassarisat iluinit aningaasalersuutissat pissarsiarineqarsinnaasut. Kiisalu suliassaq nr. 13-625-mi immikkoortut arlallit nassuiaatigineqarsimangitsut ataatsimiititaliamit aamma tikkuarneqarput. Taakkununga ilaatigut ilaavoq akiliuteqarnissaq pissutigalugu aalisarsinnaanermut akuersissummik pissarsisimanginneq aallaavigalugu isertitassaagaluanik annaasaqarsimanermik apeqqut kiisalu aalisarnermut inatsimmi § 14a, imm. 4 naapertorlugu akuersissummut akiliuteqarnissamut piffissaliussamik eqquutsitsisimanginneq pissutigalugu ernianik akiliisussanngortitaaneq, nalunaarutip atorunnaarsinneqarneratigut saneqqunneqarsinnaanngitsoq. Kiisalu qinnuteqaatit kingumut atuutilersussat akuersissutiginissaat Aningaasaqarnermut Ataatsimiititaliamit *assut* tunuarsimaarfigineqartarnerat ileqquvoq. Qinnuteqaammik nutaamik nassiussinissaq Naalakkersuisunit kissaatigineqarpat immikkoortut taakku nassuiaatigineqarnissaat ataatsimiititaliap oqaaseqaatimini naggasiutigaa.

Aningaasalersuineranut tunngasoq eqqaassanngikkaanni apeqqutit ataatsimiititaliap aalajangiinermini 13-625-imi saqqummiussai qinnuteqaammi matumani annertunerusumik isummerfigineqanngillat. Tamanna ataatsimiititaliamit assut naammagineqanngilaq, tassami missingersuusionermut inatsimmi § 28, imm. 4-mi erseqqilluinnartumik allassimammat paasissutissat attuumassuteqartut tamarmik qinnuteqaammut ilanngunneqassasut. Suliaq 13-625-imut tunngatillugu allakkiamik Naalakkersuisut ulloq 26. juni 2013-imi nassiussipput, tassani ataatsimiititaliap apeqqutaasa ilaat akineqarput. Aalajangiinissami matumani allakkiaq taanna immikkorluinnaq ittumik ataatsimiititaliamit paasissutissanik pissarsiniarfigineqarpoq, naak taanna qinnuteqaammut nutaamut ilaanngikkaluortoq.

Aalisarneq pillugu inatsimmi § 14a, imm. 4 malillugu ulloq akiliiffissaq eqqortinneqanngippat erniat pillugit inatsit naapertorlugu ernialiisoqartarpoq. Tamanna Naalakkersuisunit qanoq isummerfigineqarnerasoq pillugu nassuiaat ataatsimiititaliamit qinnutigineqarpoq, tassami akuersissummut akiliutip nalunaarut aqutigalugu atorunnaarsinneqarnissaa kissaatigineqarmat, ernianilli naatsorsuineq aalisarneq pillugu inatsit tunngavigalugu pisarluni. Akiliiffissap qaangiunnerani akuersissutit akilerneranngitsut erniaannik naatsorsuineq Inatsisartunut qinersinissap nalunaarutigineqarnera pissutigalugu *allaffissornikkut* suliarineqarsimangitsoq qinnuteqaammi matumani Naalakkersuisut allapput. Tamanna *assut ajornartorsiutitaqartut* ataatsimiititaliamit isigineqarpoq, tassami allaffissornikkut taamatut ingerlaavartumik iliuseqartarneq tassaannngimmat naalakkersuinikkut aalajangiineq, taamaattumillu Inatsisartunut qinersinissamik nalunaaruteqarneq tamatumani apeqqutaanani. Taamaattumik tamanna pillugu Kukkunersiuineranut Ataatsimiititaliaq suliamik naliliinissaa siunertaralugu Aningaasaqarnermut Ataatsimiititaliamit ilisimatinneqalersaarpoq. Naak akuersissummut akiliut kingumoortumik atorunnaarsinneqaraluartoq ernialersuinissaq pillugu piumasaqaat Naalakkersuisunit attatiinnarniarneqarnerasoq pillugu apeqqut Naalakkersuisut 26. juni allakkaminni tunngaviumik isummerfigaat. Inuit akuersissummut akiliutip 1500,- kr.-ip akilernissaanut piffisarititaasumik eqquutsitsisimangitsut aalisarneq pillugu inatsit naapertorlugu ernianik akiliuteqarnissaat atuutiinnassoq Naalakkersuisut paasissutissiissutigaat, aamma naak 1500,-nik akiliinissamik pingaarnertut piumasaqaat atorunnaaraluarpuunniit. Tamanna ataatsimiititaliamit tusaatissatut tiguneqarpoq.

Akuersissummik akiliummik atorunnaarsitsineq, akiliuteqarnissaq pissutigalugu aalisartoq akuersissummik qinnuteqarsimangippat, tamanna isertitassaraluanik annaasaqarnerup nassatarisaanik, taarsiiffigitinnissamik piumasaqaateqarnermik kinguneqarsinnaanersoq

pillugu apequt Naalakkersuisut 26. juni allakkaminni akivaat. Taamaattoqarsinnaanera ilisimaneqanngitsoq Naalakkersuisut paasissutissiissutigaa, tassa akuersissummut akiliuteqartitsisoqalerualartoq aalisarsinnaanermut akuersissutit amerlassusiat aalaakkaasuusimammat. Tamanna ataatsimiititaliamit tusaatissatut tiguneqarpoq.

Aningaasaqarnermut Ataatsimiititaliami amerlanerussuteqartut Siumup Atassutillu ilaasortaataasa tamanna tunngavigalugu qinnuteqaatip akuerineqarnissaa kissaatigaat. Tamanna ingerlatsinikkut iluaqutissarsiffiussammat aammalu Naalakkersuisut paasissutissiinerat naapertorlugu tamanna innuttaasunut aningaasaqarnikkut kingunerluuteqassanngimmat. Matumani suliap tunngaviummik pingaaruteqarnera amerlanerussuteqartunit pingartinneqarpoq, tamatumani pissutsit akuerineqarsinnaanngitsut iluarsineqarmata. Ingerlatsinikkut iluaqutissarsiffiussammat amerlanerussuteqartut isumaqarput qinnuteqaatit siunissamut attuumassutillit kisiisa akuerineqartarnissaannik ataatsimiititaliap pingaarnertut perusia immikkut ittumik saneqqunneqarsinnaasoq.

Aningaasaqarnermut Ataatsimiititaliami ikinnerussuteqartut Inuit Ataqtigiit ima tunngavilersuuteqarlutik qinnuteqaatip itigartinneqarnissaa kissaatigaat: "Akuersissummut 1500,- kr.-inik akiliutip 1. januar 2014-imit atorunnaarsinneqarnissaa akuerisnaallugu Inuit Ataqtigiit erseqqissumik oqaatigaat. Qinnuteqaalli akuersissummut akiliutip kingumut atuuttumik atorunnarsitsisoq akuerisnaanngilarput.

Inatsisit ilusilersukkatta siumut isigisumik allanngortinneqarnissamik atorunnaarsinneqarnissamilluunniit tungaannut atuuttuunissaat nunatsinni innuttaasut tatigisnaasariaqaraat Inuit Ataqtigiit isumaqarput. Naalakkersuisut qinnuteqaataannik akuersinikkut qinnuteqaatinik kingumut atuutilersussanik Aningaasaqarnermut Ataatsimiititaliap akuerinnittannginneranik ukiorpassuarni ileqquusimasoq Aningaasaqarnermut Ataatsimiititaliami amerlanerussuteqartunit saneqqunneqarpoq. Ileqqup tamatuma, innuttaasut suliatinnut tatiginninnissaannut pilersinneqarsimasup, saneqqunneqarnissaanut suliaq una taama annertutigisumik pingaaruteqanngitsoq Inuit Ataqtigiit isumaqarput.

Siunnersuummut akiliutissat 1,95 mio. kr.-it tamatumunnga taarsiullugu atuarfinnik iluarsaanernut atorneqarnissaat Inuit Ataqtigiinitt orniginartinneqarneruvoq. Tamanna inuiaqtigiit aningaasaataannik pitsaanngitsumik agguataarinerusoq isumaqarpugut. Qineqqusaarnermi neriorsuut eqquutsinniaannarlugu - qinnuteqaat ersernerlullunilu amigaatilik amerlanerussuteqartunit maanna akuerineqarmat assut ajuusaarnartutut isigaarput. Akuersissutinut akiliut siumut atuuttumik Naalakkersuisunit atorunnaarsinneqarsimagaluarpat Aningaasaqarnermut Ataatsimiititaliamit isumaqtigiittumit taparserneqarsimassagaluarpoq.

Suliaq Aningaasaqarnermut Ataatsimiititaliamit suli suliarineqanngitsoq kingumut atuuttumik atorunnaarsitsisoqarnissaa Aalisarnermut, Piniarnermut Nunalerinermullu Naalakkersuisup tamanut neriorsuutigisimammagu ikinnerussuteqartunit kingullertut minnerunngitsumilli assut isornartoqartinneqarpoq. Tamanna Aningaasaqarnermut Ataatsimiititaliap suliaanik paasinnissimanninnginnermik ataqqinninnginnermillu takuitsineruvoq."

Aningaasaqarnermut Ataatsimiititaliap aalajangiinera

Aningaasaqarnermut Ataatsimiititaliami amerlanerussuteqartut Siumup Atassutillu ilaasortaataasa siuliani allassimasutut paasinnillutik Naalakkersuisut inassuteqaataat akueraat.

Aningaasaqarnermut Ataatsimiititaliami ikinnerussutegartut Inuit Ataqatigiit ilaasortaatitaasa
siuliani allassimasutut paasinnillutik Naalakkersuisut inassuteqaataat **itigartippaat.**

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 12. august 2013

J.nr.: 01.31.06/13-00634

**Aningaasaqarnermut Akileraartarnermullu Ataatsimiititaliap pingasunngornermi
ulloq 7. august 2013 aalajangiineranik Naalakkersuisunut ilisimatitsineq (suliaq nr.
01.31.06/13-00634)**

KNR-imut nutaamut misissueqqaarnissamut atugassanngortitsinissaq.

Naalakkersuisut **inassutigaa**,

kontomi pingaarnermi 80.00.80 Aningaasat suliniutinik aallartitsinissamut sillimmatit,
aningaasaliissutit 1,0 mio. koruuninik ikilisinneqassasut, aamma
kontomi pingaarnermi 84.40.16 Kultureqarnermut sanaartukkat, nutaamik suliassamut
nr. 060.56.003 KNR nutaaq, aningaasaliissutit 1,0 mio. koruuninik amerlisinneqassasut.

Aningaasaqarnermut Ataatsimiititaliap oqaaseqaatai

KNR-ip illutaata nutaap pilersaarusiorneqarnissaanut 1 mio. kr.-it atugassanngortinneqar-
nissaat Naalakkersuisut kissaatigaa. Aningaasat kontomit pingaarnermit 80.00.80-imit,
Aningaasanut suliniutinik aallartitsinissamut sillimmatinut tunngasumit nuunneqassapput.

KNR-ip maanna illutaani oqoqartoq paasineqarmat KNR-ip aallakaatitsisarfiata sulisuisalu
allaffinnut allanut nuutsinneqarallarnissaannut Naalakkersuisut ulloq 17. maj aningaasanik
qinnuteqarput (01.31.06/13-621). Suliap ataatsimiititaliamit nukingiullu suliarineqarnissaa
qinnutigineqarpoq akuerineqarlunilu. Illu sukumiisumik iluarsaanneqaannassanersoq
imaluunniit tamatumunnga taarsiullugu illumik tusagassiornermut atorineqartussamik nu-
taamik sanaartornissaq isumaliutigineqassanersoq taamani qinnuteqaammi ilisima-
neqanngilaq. Naalakkersuisut juunip qiteqqunnerani taama isumaliuteqareersimanerat
aammalu KNR-ip maanna illutaata iluarsaannissaanut taarsiullugu KNR-ip illutaanik nu-
taanik sananissaq kissaatigineqartoq aalajangersimammata eqqumiiginarpoq.

Tamanna tunngavigalugu illutat pigineqartut annaanneqarsinnaannginnerat pillugu Naalak-
kersuisut naliliinerminni teknikikkut aningaasaqarnikkullu suut tunngavigisimaneraat paasis-
sutissiissutigineqassasoq Aningaasaqarnermut Ataatsimiititaliap **qinnutigaa**.

Qinnuteqaammi matumani suliap allaaserineqarnera malillugu aningaasaliissutit aqqu-
galugit KNR-ip illutaanut nutaamut suliassamut siunnersuuteqarnissamut misissueqqaarne-
rit kisimik suliarineqarsinnaapput tusagassiornermut illumut suliassamut siunnersuummut
pinnani, Naalakkersuisut tamanna kissaatigigaluarpassulluunniit. Tusagassiornermut illumut
Naalakkersuisut qinnuteqaamminni 01.31.06/13-621-mi pilersaarutigisaanni pinnani KNR-ip
illutaanik taamaallaat misissueqqaarnissamut Naalakkersuisut aalajangeranni isumaliutit

suut tunngavigineqarnersut paasissutissiissutigineqassasoq ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akueraa**.

Ataatsimiititaliaq sinnerlugu

Finn Karlsen
Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
/maani

634

KNR-imut nutaamut misissueqqaarnissamut atugassanngortitsinissaq

Asasara ataatsimiititaliap siulittaasua
Finn Karlsen

Aningaasaqarnermut Akileraartarnermullu Ataatsimiititaliap suliama akuersissuteqarneranut qujavunga, matumuunalu illut pioreersut annaanneqarsinnaannginnerinik Naalakkersuisut naliliinerannut teknikkikkut aningaasaqarnikkullu tunngavissat suut tunngavigisimanerai pillugu ataatsimiititaliap nassuiaaqqusineranut akissuteqassallunga.

30-08-2013
Sags nr. 2013-087766
Dok. nr. 1320455

Postboks 909
3900 Nuuk

Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Iluarsaassinissamut siunnersuut pillugu:

Illup iluarsaanneqarnissaanik unitsitsinissamik aalajangiinermi ilaatigut KNR-ip maanakkut illutaata qanoq issusianik teknikkikkut naliliineq, ilaatigullu illunit pisortanit pigineqartunit annerusunit allanit, KNR-itut ittunit misilittakkat malillugit iluarsasseqqinnissamik misiliisarnerit aningaasartuutaangaatsiartarnerat, akuttunngitsumillu kingunitsiannua sullivimmi avatangiisitigut allanik ajornartorsiorfiusarnerat tunngavigineqarput.

Taamatuttaarlu Aningaasaliissutit iluanni KNR-imi tunisassiornermi avatangiisit pitsanngorsarniarlugit sinaakktissat pitsaannerusunngortinneqarnissaannik, taamaalillunilu KNR-ip siunissamut ungasissumut annertussutsimik pitsaassutsimillu qaffaanissamut periarfissaasa annertusitinneqarnissaannik kissaateqarneq tunngavigalugu aalajangiisoqarpoq.

KNR-ip illutaa tusagassiorfillu pillugit:

Qinnuteqaateqarnermi siunissami KNR-imi sinaakktissat pillugit inaarutaasumik maanakkorpiaq inaarutaasumik aalajangiisoqarnissaa siunnerfigineqartoq Naalakkersuisut isumaqanngillat.

Qinnuteqaat tunngavigalugu Nuummi KNR-ip nutaap inissiffissaanut aningaasaqarneranullu qinnuteqaammi taaneqartut tunngavissinissartik Naalakkersuisut aqqutissiuunniarpat.

Pilersaarusionerup kiffaanngissuseqarfiusumik, taamaalillunilu pilersaarummik inaarutaasumik KNR-imut, taamatullu Kalaallit Nunaanni tusagassiornermik suliaqartut sinnerinut pitsaanerpaamik aaqqiinissamut qulakkeeriffiusumik aallartinneqarnissaa Naalakkersuisunit siunnerfigineqarpoq.

Kalaallit Nunaanni tusagassiornermi ataatsimoortumik sunniuteqaqatigiisitsinermik angusaqarnissamut periarfissat pillugit, soorlu pingaartumik tunisassiornermi teknikkikkut pissutsinut ataatsimoortitsinikkut qanittumik ataqatigiisitsisinnaaneq pillugu tusagassiornermik niueruteqartunut namminersortunut Naalakkersuisut oqaloqateqarput.

Taamatut aaqqiinissaq kissaatiginartutut naliliiffigineqarpat, sullissisut namminersortut illumi inissamut atugassaminnut tunngatillugu sanaartornermut toqqaannartumik aningaasaleeqataasussaassapput. Taamaattumik sullissisut "illumi tusagassiorfiusumi" pilersinneqarsinnaasumi namminersortut atugassaminnut piginneqataassutsinut toqqaannartumik aningaasaliinissaat, taamaaliillutillu illumi taamaattumi atugassaminni piginnit-tuulernissaat siunnerfigineqarpoq.

Inussiarnersumik inuulluaqqusillunga



Mette Lyngø



INATSIARTUT

**Aningaasaqarnermut Nunamullu
Naaminermut Naalackersuisoq
/MAANI**

Ulloq: 13. august 2013

J.nr.: 01.31.06/13-00635

**Aningaasaqarnermut Akileraartarnermullu Ataatsimiititaliap pingasunngornermi
ulloq 7. august 2013-imi aalajangiineranik Naalackersuisunut ilisimatitsineq (suliaq
nr. 01.31.06/13-00635)**

**Qaqortumi GUX-ip aamma Niuernermik Ilinniarfiup kattunneqarnissaannut
misissueqqaarnissamut atugassanngortitsinissaq.**

Naalackersuisut **inassutigaa**,

- kontumi pingaarnermi 80.00.80 Aningaasat suliniutinik aallartitsinissamut sillimmatit, aningaasaliissutit 1,0 mio. kr.-inik ikilisinneqassasut, aamma
- kontumi pingaarnermi 84.40.12 Ilinniarfiup sanaartukkat, suliasamat nutaamut nr. 020.52.084 Kujataani Ilinniarneruunngorniarfiup (GUX) aamma Niuernermik Ilinniarfiup (NI) kattunnerat, Qaqortoq, aningaasaliissutit 2013-imi 1,0 mio. kr.-inik amerlineqassasut.

Aningaasaqarnermut Ataatsimiititaliap oqaaseqaatai

Aaqqissuussaannikkut ataatsimoortitsineq tunngavigalugu GUX-ip aamma Qaqortumi NI-p illutatigut ataatsimoortinneqarnissaannik suliniutip aallartinneqarnissaa Naalackersuisut suliami matumani qinnutigaat (01.31.06/13-00626). Tamanna oqaaseqarnissamik tunngavissiiingilaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalackersuisut inassuteqaataat Aningaasaqarnermut Ataatsimiititaliamit **akuerineqarput.**

Ataatsimiititaliap sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 9. august 2013
J.nr.: 01.31.06/13-00636

Aningaasaqarnermut Akileraartarnermullu Ataatsimiititaliap pingasunngornermi ulloq 7. august 2013 aalajangiineranik Naalakkersuisunut ilisimatitsineq (suliaq nr. 01.31.06/13-00636)

Nuummi Atuarfik Samuel Kleinschmidtimut (ASK) aamma Sarfanguani atuarfimmut atugassanngortitsinissaq

Naalakkersuisut inassutigaat,

kontomi pingaarnermi 84.40.10 Kommunini atuarfiit, suliassamut nr. 060.50.134 ASK-imi iluarsaassineq/allanngortiterineq, Nuuk, aningaasaliissutit 0,5 mio. koruuninik amerlisinneqassasut, aamma suliassamut nr. 083.50.111 Atuarfimmik iluarsaassineq/allanngortiterineq/alliliineq, Sarfanguit, aningaasaliissutit 1,0 mio. koruuninik amerlisinneqassasut, aamma suliassamut nr. 996.50.123 Atuarfiit assigiinngitsut, nutaat nutartikkallu, 2013, aningaasaliissutit 2013-imi 1,5 mio. koruuninik ikilisinneqassasut.

Aningaasaqarnermut Ataatsimiititaliap oqaaseqaatai

ASK-ip iluarsanneqarnissaani misissueqqissaarnerup aallartinneqarnissaanut 0,5 mio. kr.-it atugassanngortinneqarnissaat kiisalu Sarfanguani atuarfiup iluarsanneqarnissaani misissueqqissaarnerup aallartinneqarnissaanut 1 mio. kr.-it atugassiissutigineqarnissaat Naalakkersuisut qinnuteqarnerminni kissaatigaat. Taamaattumik suliassaq nr. 996.50.123-mi, Atuarfiit assigiinngitsut, nutaamik sanaartornermut iluarsaanermullu tunngasumi aningaasaliissutit 1,5 mio. kr.-inik ikilineqarput. Suliniummut missingersuutit pigineqalerpata suliniutit kommunimut susasaqartunut tunniunneqarnissaat siunertarineqartoq Naalakkersuisut paasissutissiissutigaa.

Aningaasaqarnermut Ataatsimiititaliamit erseqqissaatigineqassaaq ASK-ip iluarsanneqarnissaani suliniutip kommunimut tunniunneqarnissaa tunngavissaatillugu qinnuteqaat akuerineqarmat, tassami maannangaaq taamaallaat missingersuutit C-t suliarineqassammata. Naalakkersuisut sanaartortitsisoralugit iluarsaanermi suliniutinut aningaasat atugassanngortinneqarnissaannik qinnuteqaataasinnaasut B-nik missingersuutitalit kisimik Aningaasaqarnermut Ataatsimiititaliamit akuerineqarsinnaapput. Atuarfiit iluarsarneqarneranni sanaartorneqarnerannilu kommunit peqataatinneqartariaqartut aammalu iluarsaanernut sanaartornernullu angisuunut atatillugu suliniut tamarmiusoq kommuninut aamma tunniunneqartariaqartoq ataatsimiititaliaq ataatsimut isigalugu isumaqarpoq, taamaalilluni assersuutigalugu siunissami

aserfallatsaaliinissat iluarsaanissallu eqqarsaatigalugit akisussaaffiit ersarissumik agguataarneqarsinnaaqullugit.

Suliassamit 996.50.123-mit, Atuarfiit assigiinngitsut, nutaamik sanaartornermut iluarsaanermullu tunngasumit aningaasanik nuussinissap saniatigut suliniutit taakku marluk akornanni ataqatigiittoqarsorinangilaq. Taamaattumik qinnuteqaat marlunngorlugu avinneqarsimagaluarpat tamanna naleqquttuussagaluarpoq, ASK-imut qinnuteqaat ataaseq aammalu Sarfannguani atuarfimmut qinnuteqaat ataaseq. Tamanna siunissami qulakkeerniaqqullugu Naalakkersuisut ataatsimiititaliamit qinnuigineqassapput.

Qinnuteqaammi suliassanut normut assigiinngitsut Naalakkersuisut atorpaat - assersuutigalugu ASK-ip iluarsarneqarnissaanik suliassaq 060.50.134-mik aammalu 060.50.089-imik taagorneqarpoq. Sarfannguani atuarfimmik iluarsaalluni/allanngortiteraluni/alliliilluni suliassaq 080.50.111-mik aammalu 083.50.111-mik taagorneqarpoq. Suliassat normui eqqortut Aningaasaqarnermut Ataatsimiititaliamut inassuteqaatini allassimasut ataatsimiititaliap naatsorsuutigaa. Taamaattoqarsimanngippat tamanna pillugu Naalakkersuisut ataatsimiititaliaq ingerlaannartumik paasitissavaat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akueraa**.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 9. august 2013

J.nr.: 01.31.06/13-00637

**Aningaasaqarnermut Akileraartarnermullu Ataatsimiititaliap pingasunngornermi
ulloq 7. august 2013 aalajangiineranik Naalakkersuisunut ilisimatitsineq (suliaq nr.
01.31.06/13-00637)**

**TB-mut nakorsaatinut aningaasartuutitut matussutissanik aningaasaliissutit iluanni
aningaasanik illikartitsineq**

Naalakkersuisut inassutigaaat,

Kontomi pingaarnermi 34.12.02-imi Nunatsinni peqqinnissakkut ilinniarti-
taanikkullu suliniutitut aningaasaliissutit 6.200.000 koruuninik appaavigi-
neqarnissaat.

Kontomi pingaarnermi 34.11.03-imi, Dronning Ingridip Napparsimavissuanut
tunngasumi aningaasaliissutit 2.077.000 koruuninik qaffaavigineqarnissaat.

Kontomi pingaarnermi 34.12.01-imi, Peqqissaaveqarfinni nakorsanit sullin-
neqarnermut tunngasunut aningaasaliissutit 2.971.000 koruuninik qaffaavigi-
neqarnissaat.

Kontomi pingaarnermi 34.12.05-imi, Nunatta Nakorsaataasivianut tunngasumi
aningaasaliissutit 52.000 koruuninik qaffaavigineqarnissaat.

Kontomi pingaarnermi 34.14.01-mi, Nunatsinni Nakorsaaneqarfimmut
tunngasumi aningaasaliissutit 1.100.000 koruuninik qaffaavigineqarnissaat

Aningaasaqarnermut Ataatsimiititaliap oqaaseqaatai

Kontop pingaarnerup 34.12.02-p, Nunatsinni peqqinnissakkut ilinniartitaanikkullu suliniutitut
tunngasup ataanit aningaasanik tuberkulosemik pitsaaliuineranut akiuineramullu atugassanik
kontomut pingaarnermut 34.11,03-mut, Dronning Ingridip Napparsimavissuanut
tunngasumut, kontomut pingaarnermut 34.12.01-imut, Peqqissaaveqarfinni nakorsanit sul-
linneqarnermut tunngasumut, kontomut pingaarnermut 34.12.05-imut, Nunatta Nakorsaa-
taasivianut tunngasumut kiisalu kontomut pingaarnermut 34.14.01-imut, Nunatsinni Nakor-
saaneqarfimmut tunngasumut nuussinissaq Naalakkersuisut qinnutigaaat, taakkunani
Naalakkersuisut oqarnerat malillugu atorineqavittarmata. Aningaasat siusinnerusukkut in-
gerlaavartumik nuunneqartarput, tamatumalu siunissami pisannginnissaa Naalakkersuisut
kissaatigaaat.

Tuberkulosemik nuna tamakkerlugu pitsaaliuineranut akiuiniarnermullu ajoqutaanngippat
tamanna naapertuilluarnerusinnaasoq ataatsimiititaliaq isumaqarpoq. Suliassaqarfimmi
nuna tamakkerlugu ataqatigiissaartumillu suliniummik attassiinnaqqullugit Naalakkersuisut
Aningaasaqarnermut Ataatsimiititaliamit kaammattorneqarput.

Siunertamut kontomut 34.11-mut, Suliaritinnernut immikkut ittunut ilinniartitsinernullu tunngasumut, 34.12-imut, Najukkani peqqinnissaqarfinnut, nakorsanit sullinneqarnermut tunngasumut aammalu 34.13-imut Peqqinnissaqarfinnut, kigutigissaanermut tunngasumut aningaasanut inatsimmi oqaasertaliusseq aqutugalugu taakku akornanni aningaasaliissutinik nikisitsinissamut Naalakkersuisut piginnaatinneqarput. Taamaattorli qinnuteqaat taman-na aamma kontomut pingaarnermut 34.14.01-imut, Nunatsinni Nakorsaaneqarfimmut tunngasumut aamma attuumassuteqarpoq, taamaattumillu aningaasaliissutinik nuussinissat tamarmiusut Aningaasaqarnermut Ataatsimiititaliamut akuerisassanngorlugit qinnuteqaatit nassiunneqarsimassasut naatsorsuutigineqarpoq. Aningaasanut inatsimmi piginnaatitsissat pissutigalugu inassuteqaatit kontomut pingaarnermut 34.14.01-imut, Nunatsinni Nakorsaaneqarfimmut tunngasumut nikitsisinernut attuumassutillit kisiisa Aningaasaqarnermut Ataatsimiititaliap isummerfigai.

Kantomut pingaarnermut 34.12.03-mut, Dronning Ingridip Napparsimmavissuanut tunngasumut kiisalu 34.12.01-imut, Najukkani peqqinnissaqarfinnut, nakorsanit sullinneqarnermut tunngasumut missingersuutitut ilanngussanut allannguutissani suliassami kisitsisit allannguutaat nalunaarneqarsimanngillat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akuerai**.

Kantomut pingaarnermut 34.12.03-mut, Dronning Ingridip Napparsimmavissuanut tunngasumut kiisalu kontomut pingaarnermut 34.12.01-imut, Najukkani peqqinnissaqarfinnut, nakorsanit sullinneqarnermut tunngasumut missingersuutitut ilanngussat iluarsisat ullut 21-t qaangiutsinnagit kalaallisut danskisullu ataatsimiititaliamut aammalu elektroniskiusumik nuutinnera uunga sakkak@ina.gl nassiuteqquneqarput.

Ataatsimiititaliaq sinnerlugu

Finn Karlsen
Ataatsimiititaliap siulittaasua



**Aningaasaqarnermut Nunamilu Namminermi
Pissutsinut Naalackersuisoq
/MAANI**

Ulloq: 23. aug. 2013
J.nr.: 01.31.06/13-00638

**Sisamangornermi ulloq 22. august 2013 Aningaasaqarnermut Akileraartarnermullu
Ataatsimiititaliap aalajangernera pillugu Naalackersuisunut ilisimatitsissut (suliaq nr.
01.31.06/13-00638)**

**Sisimiut eqqaa pillugu Royal Greenland A/S-imut sullissinissamik isumaqatigiis-
summut tapiliusaaq**

Naalackersuisut inassutigaaq.

- Sisimiut eqqaa pillugu Royal Greenland A/S-imut sullissinissamik isumaqatigiissutissaq ilanngullugu nassiunneqartoq akuerineqassasoq.
- Sullissinissamik isumaqatigiissutissami aningaasaliissutigineqartussat 2.600.331 koruuniusut kontomit pingaarnemit 50.01.18-imit, "Ingerlatsinissamik isumaqatigiissutit, tunisassiorfiit"-init, tiguneqassasut.

Aningaasaqarnermut Ataatsimiititaliap oqaaseqaatai

Sisimiut eqqaanni umiarsuarmik tunitsiveqarnermut atatillugu assartuiner-mullu aningaasartuutaanerusussat matussuserniarlugit Royal Greenland A/S-imik (RG) sullissinissamik isumaqatigiissuteqarnissamik Naalackersuisut qinnuteqarput. Naalackersuisut malillugit tunisassiorfiit pioreersut saarullinnik aalisartut tumerusutaannik suliarinninnissamut periarfissaat killeqarput.

Aningaasaqarnermut Ataatsimiititaliap maluginiarpaa sullissinissamik isumaqatigiissutissa-tut missingiusiami ilanngunneqartumi kissaatigineqarmat piffissamut 2013-imi sap. ak. 30-miit sap. ak. 39-imut, tassa 22. juli 2013-imiit atuuttumik, sullissinernut isumaqatigiissute-qarnissaq. Ataatsimiititaliali taamaattoq qinnuteqaat aatsaat ulloq 13. august 2013 tiguua ataatsimiititaliap tullianik ataatsimiinnissaani oqaluuserisassatut. Aningaasaqarnermut Nu-namilu Namminermi Pissutsinut Naalackersuisumit allakkiami oqaatigineqarpoq Naalacker-suisut isummernissamut tunngavissiaq Aningaasaqarnermut Ataatsimiititaliamut suliarisas-sanngorlugi nassiunneqarnissaa ulloq 8. august akuersissutigisimagaat. Naalackersuisulli isummernissaannut tunngavissiaq ulloq 17. juli ullulernerqarsimavoq, taamaattumillu ataatsimiititaliap naatsorsuutigisariaqarlugu suliassap piaartumik suliarineqarnissaa Naalacker-suisut pisariaqartissimangikkaat, naak isumaqatigiissut ulloq 22. juli 2013 atuutilersussaa-galuartoq. Tamatuma kinguneraa pissusiviusut imaalermata Naalackersuisut Aningaa-saqarnermut Ataatsimiititaliamut qinnuteqarmata kingumoortumik ilassutitut aningaasaliissute-qarnissamik, assut akueriuminaatsumik. Tunngavissatut pingaarnertut Aningaasaqarnermut Ataatsimiititaliap siunissami ingerlatassat pillugit qinnuteqaatit kisiisa akuerisarpai, qinnute-qaammilu matumani akuersissuteqarnissamut sunnguamilluunniit immikkut pissutissaasin-

naasumik soqanngilaq, malittarisassap pingaernerup tamatuma sanioqqunneqarnissaanik ataatsimiititaliap akuersissuteqarnissaanut tunngavissiiinnaasunik. Tamanna aamma tunngavilersorneqarpoq Naalakkersuisut suliassamik namminneq annertuumik isorisariaqartumik kinguarsaasimanerannik. Ataatsimiititaliap Naalakkersuisunut kaammattuutigaa nalinginnaasumik isumannaqqullugu qinnuteqaatit ima siusitsigisukkut nassiuttarnissaat Aningaasaqarnermut Ataatsimiititaliap tamakkuninnga siunissamut atuuttussamik suliarinnisinnaaqqullugu.

Ataatsimiititaliap ilisimatitsissutigisinnavaa, ilassutitut aningaasaliissutitut qinnuteqaatitut atatillugu Aningaasaqarnermut Ataatsimiititaliap suleriaasia Naalakkersuisut nalorgissutigissappassuk, ataatsimiititaliap aprilimi 2013-imi suleriaatsini akuersissutigalugulu suliat qanoq ingerlasarnissaannut najoqqutassiat tamanut www.ina.gl-imi saqqummiunnikummagit. Tassani aamma takuneqarsinnaapput ilassutitut aningaasaliissuteqarnissamik qinnuteqaatit ataatsimiititaliami tuaviortumik suliarineqarsinnaaneritut tunngavissarititaasut pillugit paasissutissat.

Qinnuteqaat immiini sullissinissamillu isumaqatigiissutissatut missingiut eqqarsaatigalugu taakku tamakkiisuunngitsutut isikkoqarput. Tassani nassuiaatigineqanngilaq RG-mik sullissinissamik isumaqatigiissuteqarnissaq ilumut pisariaqartinneqarnerisooq, Sisimiuni periarfissat pioreersut killeqarnerata saniatigut. Aningaasaqarnermut Ataatsimiititaliap isumaqarpoq sullissinissamik isumaqatigiissutitut ingerlatseqatigiiffiup ingerlanneqarneranut nalinginnaasumik tapiissuteqarnissaq siunertaralugu isumaqatigiissutigineqartariaqanngitsut, kisiannili isumaqatigiissutigineqarsinnaasut suliassap naalakkersuinikkut kissaatigineqartup ingerlanneqarnissaa ingerlatseqatigiiffimmut amigartoorutaassappat, kisiannili aamma tamanna qinnuteqaammi nassuiaatigineqanngilaq. Taamatuttaaq aamma nassuiaatigineqanngilaq sullissinissamik isumaqatigiissummi aningaasat taaneqartut Naalakkersuisut RG-llu qanoq naatsorsorsimaneraat, tassungalu ilanngullugu sullissinissamik isumaqatigiissummut atatillugu saarullit tonsit qassit tulaanneqarnissaat naatsorsuutigineqarnerisooq, taamatullu aamma saarullit suliareqqinneqarnissaat siunertaralugu sumut assartorniarneqarnerisut.

Aningaasaqarnermut Ataatsimiititaliap arlaleriarluni Naalakkersuisunut uparuartareerpa ingerlatseqatigiiffiup sullissinissamik isumaqatigiissummi pisussaaffini naammassinngippagit Nunatta Karsianut aningaasartaanik utertitsisinnaanerimut sunniuteqarluartumik paasineqarsinnaasumillu malittarisassaqaernissaq pingaaruteqarmat. Tamatuma pingaaruteqasusia minnerunngitsumik Arctic Green Foodip (AGF) 2013-ip aallartilaarnerani akiliisinnajunnaarnerata takutippaa. Sullissinissamik isumaqatigiissummi matumani taamaattoq erser nerluppoq ingerlatseqatigiiffik sunik pisussaaffeqarnerisooq, taakkulu naammassineqanngip-pata Nunatta Karsianut utertitsisinnaaneq qanoq naatsorsorneqarsinnaanersooq.

Kontumut pingaernerimut 50.01.18-imut missingersuutitut ilanngussami aningaasaliissutitut tunngavissaatitaasut allanngortinneqarnissaat ataatsimiititaliap ukioq manna siusinnerusuk-kut akuersissutigaa (01.31.06/13-624). Tamannali tunngavigalugu ataatsimiititaliap paasin- innera unaanngilaq aningaasaliissutitut tamatuma kingorna nalinginnaasumik assartuiner- mut atorneqarsinnaassasut, kisiannili AGF-ip akiliisinnajunnaarnerata kingorna pissusi- lersunut taarsiullugu aaqqiissutaasinnasunik allanik nassaarniarnissaq pisariaqartoq. RG- p siusinnerusukkut nalunaarsimaneranut, tassalu ingerlatseqatigiiffiup tunisassiorfii atuuttut sullissinissamik isumaqatigiissuteqarfineqarsimasut 2014-imiit isumaqatigiissutitaqanngit-



INATSISARTUT

**Aningaasaqarnermut Nunamullu
Namminermt Naalakkersuisoq
/MAANI**

Ulloq: 12. september 2013

.I.nr.: 01.31.06/13-00639

Aningaasaqarnermut Akileraartarnermullu Ataatsimiititaliap pingasunngornermi ulloq 11. september 2013-imi aalajangiinera pillugu Naalakkersuisunut ilisimatitsineq (suliaq nr. 01.31.06/13-00639)

2013-imi kommunalbestyrelsinit qinersinermi partiit qineqqusaarnermut peqataanisamat tapiiffigineqarnissannik partiit Inuit Ataqtigiit, Atassutip, Kattusseqatigiit Partiata aamma Siumup qinnuteqaataat

Naalakkersuisut **inassutigaaat,**

- kontomi pingaarnermi 20.05.35-imi, Partiit qineqqusaarnissaannut tapiissutitut tunngasumi, aningaasaliissutit 1.401.000 kroninik amerlineqassasut, kiisalu
- konto pingaarnermi 20.11.50-imi, Ingerlatsinermt sillimmatitut tunngasumi, aningaasaliissutit 1.401.000 kroninik ikilineqassasut.

Aningaasaqarnermut Ataatsimiititaliap oqaaseqaatai

Kommunalbestyrelsinit 2013-imi qinersinermt partiit qineqqusaarnerannut tapiissutitut matussutissanik aningaasanik immikkoortitsisoqarnissaa Naalakkersuisut qinnuteqarnermik-kut kissaatigaaat. Ilassutitut aningaasaliissuteqarnissamik qinnuteqaat taamaattoq ulloq 4. februar 2013 – Inatsisartunut qinersinissap nalunaarutigineqarnerata kingorna – Aningaasaqarnermt Ataatsimiititaliamit tiguneqarpoq. Qinnuteqaatip suliarinissaa itigartitsissutigissallugu Aningaasaqarnermt Ataatsimiititaliaq sisamanngornermi ulloq 14. februar 2013-imi ataatsimiinnermini aalajangerpoq (suliaq nr. 01.31.06/13-00619). Qinersinissap nalunaarutigineqarnerata kingorna ilassutitut aningaasaliissutit suliarineqartarnerat pillugu ataatsimiititaliap suleriaasiani aalajangersakkat innersuussutigalugit tamanna pivoq.

Tapiiffigineqarnissamik qinnuteqaatit Naalakkersuisunut tunniunneqassasut aammalu qinnuteqaat qinersinerup ingerlanneqarnerata kingorna kingusinnerpaamik qaammatit marluk qaangiunneranni tunniunneqareersimassasoq Inatsisartut inatsisaanni atuuttumi allaasimavoq. Tapiissutit amerlassusissaat aningaasanut inatsimmi aalajangersarneqassasoq inatsimmi aamma allassimavoq. Taamaalillunilu ajornartorsiutaasoq tassaavoq partiit 2013-imi qinnuteqarnissaannut aningaasanik immikkoortitsisoqarsimanginnera, taamaattumillu missingersuusiornermut inatsit naapertorlugu ilassutitut aningaasaliissuteqarnissamik qinnuteqaat una Naalakkersuisunit nassiunneqarpoq.

Missingersuusiornermut inatsit naapertorlugu Naalakkersuisut ilassutitut aningaasaliissuteqarnissamik qinnuteqaammik nassiussinissaannut piunasaqaataavoq, taanna aningaasaqarnikkut iliuusissanut pingaarutilinnut aammalu aningaasanut inatsisissap suliarinerani sillimaffigereerneqarsinnaasimangitsunut tunngasuussasoq. Tassuna ilanngullugu oqaatigineqassaaq konto pingaarnermi tassani aningaasanik immikkoortitsisoqarsinnaaqullugu pingajussaaneerinissamat allannguutissatut siunnersuummik saqqummiusseqqullugit Naa-

lakkersuisut 2013-imi aningaasanut inatsisissatut siunnersuutip suliarineqarnerani Aningaasaqarnermut Ataatsimiititaliami amerlanerussuteqartunit qinnuigineqarmata. Taamaattumillu 2013-imi kommuninut qinersisoqarnissaa, taamaalillunilu aningaasat matumani qinnuigineqartut pisariaqartinneqarumaartut, aningaasanut inatsisip akuersissutigineqarnissaa sioqqullugu Naalakkersuisunit ilisimaneqarsimappat ilassutitut aningaasaliissuteqarnissamik qinnuteqaatip matuma nassiuinnera inatsimmut naapertuutissanngilaq.

Kommuninut qineqqusaarnermut tapiissuteqarnissamik ilassutitut aningaasaliissuteqarnissamik qinnuteqaatip ukiualuit matuma siorna suliarineqarneranut atatillugu qinnuteqaat Aningaasaqarnermut Ataatsimiititaliamit akuerineqarmat, naak kommuninut qinersineq ukiut sisamakkaarlugit pisaraluartoq, taamaattumillu kommuninut qinersinissaq Naalakkersuisunit ilisimaneqareertariaqaraluartoq. Qineqqusaarnissamut tapiiffigineqarnissamik partiit qinnuteqaataannik Naalakkersuisut ilumut tigusaqassanersut aningaasanut inatsisip akuersissutigineqarnerata nalaani Naalakkersuisunit ilisimaneqarsinnaasimanninnera ilassutitut aningaasaliissuteqarnissamik qinnuteqaammik akuerinninnerminut ataatsimiititaliap tunngavilersuutigaa. Akuersinermut taama tunngavilersuuteqarneq piffissaagallartillugu (tassa aningaasanut inatsisissatut siunnersuutip saqqummiunneqarnerani) taama aningaasartuuteqarnissap pisariaqalernissaa Naalakkersuisunit ilanngunneqarsimanninneranik uparuaanermik paatsoorneqarsinnaanngitsumik ilaqartinneqarpoq.

Kiisalu suliap matuma assut isornartoqartumik ingerlanneqarsimanera Aningaasaqarnermut Ataatsimiititaliamit ajuusaarutigineqarpoq siunissamilu taamatut pisoqaqqinnissaata pinngitsoortinniarneqarnissaanik Naalakkersuisut qinnuigissallugit.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqanngillat.**

Ataatsimiititaliaq sinnerlugu

Finn Karlsen
Ataatsimiititaliap siulittaasua

Aningaasaqarnermut Nunamullu Namminermut Naalackersuisoq
/MAANI

Aningaasaqarnermut Akileraartarnermullu Ataatsimiititaliap tallimangornermi ulloq 4. oktober 2013-imi aalajangiineranik Naalackersuisunut ilisimatitsineq

Ulloq:

04. oktober 2013

J.nr.:

01.31.06/13-00640

PAT-imut aningaasaliissutinit napparsimasut qarasaasiaq atorlugu nalunaarsorneqartalernissaannik suliniummut missingersuutitut sunniteqanngitsumik nuussineq (suliaq nr. 01.30.06/13-00640)

Naalackersuisut **inassutigaaat,**

* Kontomi pingaarnermi 86.60.01-imi, Peqqinnissaqarfimmu tunngasumi, suliassaq nr. 996.46.019-imut, napparsimasut qarasaasiaq atorlugu nalunaarsorneqartalernissaannut tunngasumut, aningaasaliissutit 7.150.000 kr.-inik amerlineqassasut,

* Konto pingaarnermi 20.01.05-imi, PAT-mut suleriaasissap atuutsinneqalerneranut tunngasumut, aningaasaliissutit 3.000.000 kr.-inik ikilineqassasut, Konto pingaarnermi 34.12.03-mi, ataatsimut aningaasartuutitut, napparsimasunik angallassinernut il.il. tunngasumi, aningaasaliissutit 4.150.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

PAT-imut aningaasaliussanit napparsimasunik qarasaasiaq atorlugu nalunaarsuisalernissamik suliniummut missingersuutitut sunniteqanngitsumik nuussinissamik qinnuteqaat Aningaasaqarnermut Ataatsimiititaliamit ull. 29. november 2012-imi akuerineqarpoq, tamatumani oqaaseqaatigineqarluni napparsimasunik qarasaasiaq atorlugu nalunaarsuisalernissamik suliniut pissutigalugu Peqqinnissaqarfiup neqeroorutai ajorseriassappata, tamanna isornartoqartinneqassasoq. Taamaalillunilu ataatsimiititaliap qinnuteqaammik matuminnga akuersinissaanut aporfissaqarsorinangilaq.

Naalackersuisulli ataatsimiititaliamut 19. september ilisimatitsissutaanni allassimavoq konto pingaarnermi 34.12.03-mi, ataatsimut aningaasartuutitut, napparsimasunik angallassinernut il.il. tunngasumi, aningaasanut inatsiseqarfimmi 2013-imi 10 mio. kr.-it missaannik atuinerussuteqartoqassasoq naatsorsuutigineqartoq. Taamaalillunilu qinnuteqaat una aqutigalugu konto pingaarnermi, ukiup naanerani 10 mio. kr.-inik amigateqarfiusussatut naatsorsuutigineqartumit, aningaasanik nuussinissaq Naalackersuisunit kissaatigineqarsorinarpoq. Konto pingaarnernit missingersuutitigut qaangiiffiusussatut naatsorsuutigineqareersunit aningaasanik nuussisoqarneq ajornera missingersuusiornermut malittarisassani 2008-meersuni pingaarnertut tunngaviuvoq – tamatumalu saniatigut Aningaasaqarnermut Ataatsimiititaliamit ukiorpassuarni ileqqorineqarsimalluni.

Aningaasaqarnerut Ataatsimiititaliap aalajangiinera

Akuersinnginnermi konto pingaarnemit annertuumik atuinerruffiusussatut naatsorsuutigineqartumit aningaasanik nuussinissamik qinnuteqarneq Naalakkersuisunit qanoq illersorneqarsinnaanersoq ataatsimiititaliamit paaserusunneqarpoq.

Ataatsimiititaliap sinnerlugu

Finn Karlsen
Ataatsimiititaliap siulittaasua



Guo

Aningaasaqarnermut Akileraartarnermullu
Ataatsimiititaliaq
-/maani

**Napparsimasut qarasaasiaq atorlugu nalunaarsorneqartalernissaannut atugassat
nuunneqarnissaannik Aningaasaqarnermut Ataatsimiititaliamut akissut**

7. november 2013
Sagsnr. 2013-090530
Dok. Nr. 1362938

*Aningaasaqarnermut Akileraartarnermullu Ataatsimiititaliap apeqqutaa:
Akuersinnginnermi konto pingaarnermi annertuumik atuineruffiusussat naatsorsuuti-
gineqartumit aningaasanik nuussinissamik qinnuteqarneq Naalakkersuisunit qanoq
illersorneqarsinnaanersoq ataatsimiititaliamut paaserusunneqarpoq.*

Postboks 1160
Tlf. 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Akissut:

PAT-mut aningaasaliissutinik napparsimasut qarasaasiaq atorlugu nalunaarsorneqarta-
lernissaannut (EPJ) atugassanngorlugit nuussinermut (suliaq nr. 01.31.06/13-00640)
Aningaasaqarnermut Akileraartarnermullu Ataatsimiititaliap akissutaanut, kiisalu
Peqqinnissaqarfiup aningaasatigut inissisimanager pillugu (suliaq nr. 01.31.29-00271)
aalajangiineranut qujavunga. Konto pingaarnermi annertuumik atuineruffiusussat
naatsorsuutigineqartumit aningaasanik nuussinissamik qinnuteqarneq Naalakkersuisunit
qanoq illersorneqarsinnaanersoq paaserusunneqarpoq.

Eqqorpoq konto pingaarnermi 34.12.03-mi, Ataatsimut aningaasartuutit, napparsi-
masunik angallassinert il.il. 10 mio. kr. missaannik missingersuutinut naleqqiullugu atu-
inerunissaq missiliuinerit takutikkaat. Taamaattorli tamanna piviusumik atuinerune-
runngilaq, kisiannili konto pingaarnermut tunngatillugu missiliuinerulluni. Missiliuinerup
nassiunneqarneranut pissutaavoq Peqqinnissaqarfiup maanna aningaasaqarnikkut i-
nissisimanageranik ilisimatitsiumaneq, kiisalu iliuuserineqartussat aallarnisarneqarsima-
sut pillugit ilisimatitsinerulluni.

Peqqissutsimut Attaveqarnermullu Naalakkersuisoqarfiup naatsorsuutigaa ukioq manna
kingusinnerusukkut kontoni pingaarnerni ataasiakkaani missingersuutinut sunni-
uteqanngitsumik nuussisoqartariaqarnissaa pisariaqarsinnaasoq, tamannalu 2013-imut
Aningaasanut Inatsimmi tunngavissaqartinneqarpoq. 2013-imi oktoberip naggataani
missingersuutit malinnaatinneqarnerisa kingorna isummerfigineqarumaarpoq Ingerlatsi-
nermi, Sanaartornermi Taarsigassarsisitsinermilu angusassanut sunniuteqartumik ilas-
situtit akuersissuteqarnissamik qinnuteqarnissaq pisariaqarumaanersoq.

Konto pingaarnermut 34.12.03-mut, Ataatsimut aningaasartuutit, napparsimasunik a-
ngallassinernut il.il., aningaasaliissutit napparsimasunik angallassinernarnut ator-
neqarneq ajorput, aammali ikiorsiissutinut apparatinullu atorneqartarlutik. Napparsima-
sut qarasaasiaq atorlugu nalunaarsorneqartalernissaannik suliniummut atortussat appa-
ratinik nutaanik pisinertut isigineqarsinnaammat, konto pingaarnermi tassannga ani-

ngaasat nuunneqarput. Ilutigitillugu Dronning Ingridip Napparsimmavissuani pinasuagassanut immikkoortortap, atortussai ilanngullugit, aningaasaateqarfinnit aningaasalerorneqartumik sananeqarneranik pissuteqartumik 2013-imi 2014-imilu atortussanik nu-taanik pisinissamik pisariaqartitsineq nalinginnaasumit annikinnerusussaavoq.

Aningaasaqarnermut Akileraartarermullu Ataatsimiititaliap apeqqutaa:

Ingerlatsineranut aningaasaliissutit eqqarsaatigalugit aningaasaliissutit amerlassusiannik siunertarisaannilluunniit allannguiniarnermi ilassutitut aningaasaliissuteqartoqarnissaa pisariaqarmat aammalu aningaasartuutit, tassungalu ilanngullugu atuinerrussutit, siumoortumik aningaasaliissuteqarnani akilerneqarsinnaanngitsut Naalakkersuisumut eqqaasitsissutiginnissaa pisariaqanngikkaluarpoq. Naalakkersuisunut ilaasortat akissu-saaffiat pillugu missingersuusiornermut inatsimmi allassimasut naapertorlugit aningaa-saliissutit aningaasaliissutinut tunngavissarititanut naapertuuttumik sapinngisamik pitsaanerpaamik atorneqarnissaannik Naalakkersuisut qulakkeerinnettussaanerannik ataatsimiititaliap naatsorsuutiginninneranik Naalakkersuisup eqqaasinnissaa aamma pisariaqanngikkaluarpoq.

Naalakkersuisup missingersuutinik malitseqartitsinera atuinerrussuteqartoqaratarsin-naaneranik takutitsippat aningaasaliissutit sipporneqannginnissaat imaluunniit ilassutitut aningaasaliissuteqartoqarnissaanik qinnuteqarnissaq qulakkeerniarlugu pisariaqartumik iliuseqarnissaq Naalakkersuisup pisussaaffigaa. Ukiup ingerlanerani immikkut aningaasaliissuteqarnissanik qinnuteqaatit Naalakkersuisoqarfiup suliassaqarfiani (imaluunniit taassuma avataani) suliassaqarfinni sipaarutissanut siunnersuummik ilaqartinneqarnissaat missingersuusiornermut inatsimmi aamma missingersuusiortar-nermut malittarisassani pingaarnertut tunngaviuvoq.

Aningaasaqarnermut Ataatsimiititaliap aalajangiinera

Piffissaq imaalereermat ilisimatitsissut suliani allassimasutut naatsorsuutiginnilluni ataatsimiititaliamit tusaatissatut tiguneqartoq Naalakkersuisunut nalunaarutigineqarpoq.

*Siuliani allassimasunut Naalakkersuisut oqaaseqaataat napparsimasut qarasaasiaq atorlugu nalunaarsorneqartalernissaannik suliniummut (**suliaq nr. 01.30.06/13-00640**) ataatsimiititaliap apeqqutaanut akissutip Naalakkersuisunit nassiunneqarnera ilutigalugu kalaallisut danskisullu nassiunneqassasut qinnutigineqarpoq assilinerilu uunga nassiunneqarlutik sakkak@ina.gl.*

Akissut:

Eqqumaffigaara ingerlatsineranut aningaasaliissutit eqqarsaatigalugit aningaasaliissutit amerlassusiannik siunertarisaannilluunniit allannguiniarnermi ilassutitut aningaasaliissuteqartoqarnissaa pisariaqartarmat, aammalu aningaasartuutit, tassungalu ilanngullugit atuinerrussutit siumoortumik aningaasaliissutitaqanngitsumik akilerneqarsinnaanngitsut.

Aammattaaq eqqumaffigaara Missingersuusiornermut inatsimmi allassimasut naapertorlugit aningaasaliissutit, aningaasaliissutinut tunngavissarititanut naapertuuttumik atorneqartussaasut.

Missingersuutit sipporlugit atuineroratarsinnaanermik, missingersuutininik malinnaatitsinermik takutitsisup nassiunneqartup kingunerisaanik Peqqinnissaqarfimmi pisariaqartumik iliuuseqartoqareerpoq, akuersissutit eqquutsinneqarnissaat qulakkeerniarlugu.

Inussiarnersumik inuulluaqqusillunga

Steen Lynge



INATSISARTUT

Aningaasaqarnermut Naalakkersuisoq

Ulloq: 20. december 2013

J.nr.: 01.31.06/13-00640

Aningaasaqarnermut Akileraartarnernullu Ataatsimiititaliap sisamangornermi ulloq 19. december 2013-imi aalajangiinera pillugu Naalakkersuisunut ilisimatitsissut

PAT-imut aningaasaliissutinik EPJ-imut aningaasaliissutitut missingersuutitut sunniteqanngitsumik nuussineq

Naalakkersuisut inassutigaa,

kontomi pingaarnermi 86.60.01-imi, Peqqinnissaqarfik, suliniut normu 996.46.019 Napparsimasut qarasaasiaq atorlugu nalunaarsorneqartalernissaannut (EPJ) tunngasumi aningaasaliissutit 7.150.000 kr.-inik amerlineqassasut
kontomi pingaarnermi 20.01.05-imi, PATI-mut suleriaasissap atuutsinneqalerneranut tunngasumi aningaasaliissutit 3.000.000 kr.-inik ikilineqassasut
kontomi pingaarnermi 34.12.02-mi, Peqqinnissakkut Ilinniartitaanikkullu Suliniummut tunngasumi aningaasaliissutit 4.150.000 kr.-inik ikilineqassasut.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuerineqarpoq**.

Ataatsimiititaliap sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 29. november 2013

J.nr.: 01.31.06/13-00641

**Aningaasaqarnermut Akileraartarnermullu Ataatsimiititaliap ulloq 6. november 2013-
imi aalajangiineranik Naalakkersuisunut ilisimatitsineq**

**Nanortalimmi atuartut angerlarsimaffiannut aningaasaliissutit ilaneqarnissaannik
qinnuteqaat (01.31.06/13-00641)**

Naalakkersuisut inassutigaat,

kontomi pingaarnermi 84.40.15-imi, Ilinniartut inaannik sanaartornermut tunngasumi, suliasamat nr. 010.52.060-imut Nanortalimmi atuartut angerlarsimaffiannut tunngasumi, aningaasaliissutit 3,0 mio. koruuninik amerlineqassasut, aamma suliasamat nr. 150.52.071-imut, Uummannami atuartut 50-it inissaannut tunngasumut, aningaasaliissutit 3,0 mio. koruuninik ikilineqassasut.”

Aningaasaqarnermut Ataatsimiititaliap oqaaseqaatai

Kantiinap piusup iluarsaannissaanut suliasamat aningaasaliissutit Aningaasaqarnermut Ataatsimiititaliap ull. 7. august akuersissuteqarneratigut 7,744 mio. kr.-inik amerlineqarput. Kantiinap iluarsaannissaanut 3 mio. kr.-inik aningaasaleeqqinnissaq qinnuteqaatikkut uggua qinnutigineqarpoq. Aningaasat suliasamit nr. 150.52.071-imit, Uummannami atuartut 50-it inissaannut tunngasumit, 3 mio. kr.-it nuunnerisigut aningaasalersorneqassapput, tassani 3,5 mio. kr.-it sinnerupput.

Tamatuma saniatigut paasissutissiissutigineqarpoq missingersuummut B-mut sanilliullugu aningaasartuutissat siumut sillimaffigereerneqanngitsut ukiuuneranilu iliuusissat amerliallatsinneqarsimasut, tassa kantiinatoqqap iluarsanneqarnissaa pineqarmat qulakkeerinninnissaq sanaartortitsisumit kissaatigineqarmat. Ukiuuneranili sanaartornissaq pinngitsoortinneqarsinnaanngorlugu suliasap aaqqissuunneqarsimannginnera naapertuutinngimmat ataatsimiititaliamit oqaatigineqassaaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni oqaaseqaateqarlunilu Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Ataatsimiititaliaq sinnerlugu

Finn Karlsen
Ataatsimiititaliap siulittaasua



**Aningaasaqarnermut Nunamullu
Namminermt Naalakkersuisoq
/MAANI**

Ulloq: 29. november 2013

J.nr.: 01.31.06/13-00642

Aningaasaqarnermut Akileraartarnermullu Ataatsimiititaliap pingasunngornermi ulloq 6. november 2013-imi aalajangiineranik Naalakkersuisunut ilisimatitsineq

Nuna tamakkerlugu innarluutilinnut piginnaangorsarfimmut nutaamut atugassiinissaq (01.31.06/13-00642)

Naalakkersuisut **inassutigaa**,

- kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, suliassamut nr. 060.40.045-mut, Nuummi innarluutilinnut piginnaangorsarfimmut tunngasumut, aningaasaliissutit 4,669 mio. koruuninik ikilineqassasut, aamma suliassamut nr. 996.40.052-imut, Assigiinngitsuni nuna tamakkerlugu paaqqinniffinnut, 2013-imut tunngasumut, aningaasaliissutit 2013-imi 6,8 mio. koruuninik ikilineqassasut, aamma suliassamut nutaamut nr. 080.40.054-imut, Sisimiuni nuna tamakkerlugu innarluutilinnut piginnaangorsarfimmut tunngasumut, aningaasaliissutit 2013-imi 11,469 mio. koruuninik amerlineqassasut.”

Aningaasaqarnermut Ataatsimiititaliap oqaaseqaatai

Aningaasaliissutaasut iluini piviusunngortinneqarsinnaangimmat nuna tamakkerlugu piginnaangorsarfiup, suliassaq nr. 060.40.045, Kommuneqarfik Sermersooq peqatigalugu pilerinnissaa iluatsissimanngitsoq Naalakkersuisut paasissutissiissutigaa. Aningaasat suliassamut nutaamut nr. 080.40.054-imut, Sisimiuni nuna tamakkerlugu innarluutilinnut piginnaangorsarfimmut tunngasumut, nuunneqarnissaat Naalakkersuisunit qinnutigineqarpoq. Tamatumani saniatigut suliassaq nr. 996.40.052-imut, Assigiinngitsuni nuna tamakkerlugu paaqqinniffinnut, 2013-imut tunngasumut, immikkut aningaasaliussat 6,8 mio. kr.-iusut suliassamut nutaamut atugassiissutiginerisigut aningaasalersuineq pivoq.

Pisariaqanngitsumik kinguarsaanissaq pinngitsoortinneqarsinnaaqullugu sanaartornermi aningaasartuutissatut naatsorsuutigineqartut eqqornerusumik takutinneqarsinnaangorlugit missingersuusiornertik pimoorunneroqqullugu Naalakkersuisut ataatsimiititaliamit kaammattorneqarput.

Kiisalu aningaasaliissutissat nunamut tamarmut siaruarnissaanik kissaateqarnermut taarsiullugu suliassat isiginiarneqarnerunissaat ataatsimiititaliamit kaammattuutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni oqaaseqaateqarlunilu Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Ataatsimiititaliaq sinnerlugu

Finn Karlsen

Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermt Naalackersuisoq
/MAANI**

Ulloq: 26. november 2013

J.nr.: 01.31.06/13-00643

**Aningaasaqarnermut Akileraartarnermullu Ataatsimiititaliap marlungornermi ulloq
26. november 2013 aalajangiineranik Naalackersuisunut ilisimatitsineq.**

**KNR-ip nuunneqarnissaanut ilassutitut aningaasaliissutissanik qinnuteqaat (suliaq nr.
01.31.06/13-00643).**

Naalackersuisut **inassutigaat**,

- Konto pingaarnermi 40.94.17-imi, Kalaallit Nunaata Radiuanut – KNR-imut tunngasumi, aningaasaliissutit 6.700.000 kr.-inik amerlineqassasut, taakkulu suliaasamat nutaamut "KNR-imik inissiigallarnermut" immikkut atugassiisutigineqassasut,
- Konto pingaarnermi 40.91.02-mi, siunnersuisartunik ilinniartitsinermt tunngasumi, aningaasaliissutit 1.000.000 kr.-inik ikilineqassasut,
- Konto pingaarnermi 20.11.50-imi, ingerlatsinermt sillimmatinut tunngasumi, aningaasaliissutit 3.500.000 kr.-inik ikilineqassasut, aammalu
- Konto pingaarnermi 40.90.03-mi, Namminersorlutik Oqartussat illutaannik aserfallatsaaliuinermt tunngasumi, aningaasaliissutit 2.200.000 kr.-inik ikilineqassasut.

Aningaasaqarnermt Ataatsimiititaliap oqaaseqaatai

Tamanut saqqummiussisarnissamik pisussaaffeqarnej pillugu isumaqatigiissutip eqquutsineqarnissaanik qulakkeerinnittumik KNR-ip ingerlatsiinnarnissaa siunertaralugu konto pingaarnermi 40.94.17-imi, Kalaallit Nunaata Radiuanut – KNR-imut tunngasumi, aningaasaliissutit 6,7 mio. kr.-inik amerlineqarnissaat Naalackersuisut qinnutigaat. Ininut attartukkanut nuunnissap aammalu taakku ilusilersorneqarnissaanut kiisalu teknikikkut atortulersuinissamat aningaasalersuutitut aningaasat atorineqassapput.

Suliaasaq Naalackersuisut ilassutitut aningaasaliissuteqarnissamik qinnuteqaataannut, suliaq nr. 01.31.06/13-00621-imut, ataatsimiititaliamit ull. 21. maj 2013-imi akuerineqartumut atuumassuteqarpoq. Suliami tassani sullivinnik nakkutilliisoqarfiup peqqussutigisimavaa KNR-ip illutaata annertuumik oqoqarnera pissutigalugu sulisut 65-it tassani sulissanngitsut. Tamannarpiarlu pissutigalugu KNR sulisuminut allaffinnik allanik atugassiisussaasimavoq.

Naalackersuisut paasissutissiippat aalajangiusseqqaarnerup kingorna paasinarsisimasoq sulisut peqqissusiannut sanilliullugu teknikikkut atortulersuutit naammaginarumik qulakkeer-neqarsinnaanngitsut.

Teknikikkut atortulersuutit nuunneqannginnerat Sullivinnik Nakkutilliisoqarfiup peqqusuteqaqqinneratigut isiginnaarutikkut kingusinnerusukku takutitsisinnaajunnaarnermik nasataqarnissaat tunngavilersuutigalugu qinnuteqaammik matuminnga nassiussinissaq Naalakkersuisut pisariaqartutut isigisimavaat. Qinnuteqaammili allassimangilaq peqqusuteqaqqit-toqarsimansoq. Naalakkersuisunilli paasissutissiissutigineqarpoq sulisut akornanni naam-magittaaneq annertusiartortoq aammalu napparsimaneq pissutigalugu sulisorpassuit tak-kutinngitsooratarsinnaanerit aarleqqutigineqarsinnaasoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Ataatsimiititaliap sinnerlugu

Finn Karlsen
Ataatsimiititaliap siulittaasua



INATSIARTUT

Aningaasaqarnermut Naalackersuisoq

Ulloq: 20. december 2013

J.nr.: 01.31.06/13-00644

Aningaasaqarnermut Akileraartarnermullu Ataatsimiititaliap sisamangornermi ulloq 19. december 2013-imi aalajangiinera pillugu Naalackersuisunut ilisimatitsissut

2013-imut ilassutitut aningaasaliissuteqarnissaq pillugu qinnuteqaat, Konto pingaarneq 10.13.11, Aktiaateqarluni ingerlatseqatigiiffinnut aningaasanngorlugit aningaasartuutit pillugit oqaaseqaatinut oqaaseqaatit nassuiaatillu allanngortinneqarnerat

Naalackersuisut inassutigaat,

isummernissamut tunngavissiaq manna pillugu oqaaseqaammut oqaaseqaatinik nassuiaatitaanillu allannguutilik pillugu inassuteqaat kiisalu missingersuutitut ilanngussat Inatsisartut Aningaasaqarnermut Akileraartarnermullu Ataatsimiititaliaannut akuerisassanngorlugit ingerlateqqinneqassasut aamma Al 2013-imi atugassanngorlugit akuerineqarnissaat ilanngunneqarnissaallu qinnutigineqassasoq.

Aktiaateqarluni ingerlatseqatigiiffinnit iluanaarutit, tunniussinerit tunisinerillu pillugit konto pingaarnermut 10.13.10-mut aningaasaliissutit 25 mio. kr.-inik ilaneqassasut.

Aktiaateqarluni ingerlatseqatigiiffinnut aningaasanngorlugit aningaasartuutit pillugit konto pingaarnermut 10.13.11-mut aningaasaliissutit 135 mio. kr.-inik ilaneqassasut.

Nukissiorfiit, sanaartornermut taarsigassarsiarititat pillugit konto pingaarnermut 89.71.40-mut, pilersaarutip normua 996.17.772, lermik sukuiaaffik 15 mio. kr.-inik appaaffigineqassasoq aammalu pilersaarutip normua 996.17.769 Nukissiorfinnut taarsigassarsisitsineq 85 mio. kr.-inik appaaffigineqassasoq.

Nukissiorfiit, sanaartornermut taarsigassarsiarititat pillugit konto pingaarnermut 89.71.41-mut, sanaartorfissagissaanissamut pilersaarutip normua 060.28.029 QlInngutsinni immikkut ittumik sanaartorfissagissaanissaq 5 mio. kr.-inik appaaffigineqassasoq aammalu pilersaarutip normua 996.28.028 Sanaartornermut taarsigassarsiarititat sanaartorfissagissaanissaq 5 mio. kr.-inik appaaffigineqassasoq.

Aningaasaqarnermut Ataatsimiititaliap oqaaseqaatai

Kotomut pingaarnermut 10.13.11-mut maanna oqaasertaliussap oqaasertanik matuma kingulianiittunik taarserneqarnissaa qinnutigineqarpoq

Aktiaateqarluni ingerlatseqatigiiffinnut aningaasanngorlugit aningaasartuutit:

"Konto pingaarnermut 10.13.11 Aktiaateqarluni ingerlatseqatigiiffinnut aningaasanngorlugit aningaasartuutit

Naalakkersuisut piginnaatinneqarput aningaasanik tigorianaannarnik 25 mio. kr.-inik aningaasaliissuteqarnissamut, 110 mio. kr.-inik Nuummi containerinut umiarsualiviup nutaap pilersinneqarnissaa ingerlanneqarnissaalu siunertaralugit aktiaatileqatigiiffimmik pilersitsinissamut atatillugu ingerlatseqatigiiffiup akiliisinnaassusia pitsangorsaaffiginiarlugu umiarsualivimmullu atuuttut tigutsisissatut akiliutissanik tapiissuteqarnissamut.

Aningaasaliissuteqarnermi konto pingaarnermut 89.71.40 Nukissiorfiit – sanaartornermut taarsigassarsiarititanut aamma konto pingaarnermut 89.71.41 Nukissiorfiit - sanaartornermut taarsigassarsiarititat, nunagissaanermut aningaasaliissutit annertoqataannik taarsigassarsinissamut aningaasaliissutit ikilineqartariaqarput. Tamatumani pisariaqarpoq Royal Arctic Line A/S-ip ilunaaruteqarnerunera aqutugalugu konto pingaarneq 10.13.10 Aktiaateqarluni ingerlatseqatigiiffinnit iluanaarutit, tunniussinerit tunisinerillu pillugit isertitassatut aningaasaliissutit 25 mio. kr.-inik qaffanneqarnissaat.

Konto pingaarnermut 10.13.11 Aktiaateqarluni ingerlatseqatigiiffinnut aningaasanngorlugit aningaasartuutit pillugit oqaasertaliussanut nassuiaatit

Aktiaatileqatigiiffimmik pilersitsinissamut UKA2013/18 pillugu aalajangiiffisassatut siunnersuutip saqqummiunneqartup akuersissutigineqarnerata kingunerisaanik pisariaqartumik aningaasaliissuteqarnissamut oqaasertaliussat aningaasaliissuteqarnissamut periarfissiipput.

Aningaasaliissuteqarnerup IST-mi angusat ajornerulersissanngilai aamma Nukissiorfiit sanaartornissaannut tamanna ajornerusumik kinguneqassanngilaq.

Oqaasertaliussaq AI 2013-imit iluarsineqarlutik ingerlateqqitaapput.”

Aningaasaqarnermut Ataatsimiititaliap aalajangiinera

Naalakkersuisunit inassuteqaat Aningaasaqarnermut Ataatsimiititaliamit **akuerineqarput.**

Namminersorlutik Oqartussat aktiaateqarlunilu ingerlatseqatigiiffissap akornanni taarsigassarsianut uppersaat atsiorneqareeripat kalaallisut danskisullu nassiuteqqullugu Naalakkersuisut qinnuigineqarput.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermt Naalakkersuisoq
/MAANI**

Ulloq: 5. december 2013

J.nr.: 01.31.06/13-00645

**Aningaasaqarnermut Akileraartarnermullu Ataatsimiititaliap pingasunngornermi
ulloq 4. december 2013-imi aalajangiineranik Naalakkersuisunut ilisimatitsineq**

**Sanaartugassanut Iluarsagassanullu Aningaasaateqarfimmut utertitassat (Suliaq nr.
01.31.06/13-00645).**

Naalakkersuisut **inassutigaa:**

- kontomi pingaarnermi 84.40.10 Kommunini atuarfiit, suliassamut nr. 095.50.120 Atuarfimmi iluarsaassineq/allanngortiterineq/alliliineq, Iginniarfik, aningaasaliissutit 1,219 mio. koruuninik ikilisinneqassasut, aamma
- kontomi pingaarnermi 84.40.12 Ilinniartitaanermt sanaartukkat, suliassamut nr. 120.52.042 Perorsaasunngorniat Ilinniarfiat, aningaasaliissutit 1,074 mio. koruuninik ikilisinneqassasut, aamma
- kontomi pingaarnermi 84.40.15 Ilinniartut inaannik sanaartorneq, suliassamut nr. 080.52.047 Ilinniartut inaannik sanaartorneq, Sisimiut, 2009-2011, aningaasaliissutit 0,163 mio. koruuninik ikilisinneqassasut, aamma
- kontomi pingaarnermi 87.72.13 Immikkut ittumik iluarsartuussineq, suliassamut nr. 010.97.085 Iluarsaassineq B-294, B-295, Nanortalik, aningaasaliissutit 0,894 mio. koruuninik, aamma suliassamut nr. 120.97.015 Iluarsaassineq B-500 & B-700, Ilulissat, 0,05 mio. koruuninik ikilisinneqassasut,
- kontomi pingaarnermi 87.73.22 Mittarfeqarfiit, mittarfiit, suliassamut nr. 033.-16.009 Motoorimik taarsiineq, Innaallagissiorfik, Narsarsuaq, aningaasaliissutit 0,063 mio. koruuninik, suliassamut nr. 082.25.180 Allanngortiterineq, Kangerlussuaq, aningaasaliissutit 0,145 mio. koruuninik aamma suliassamut nr. 196.-25.181 Mittarfik, Nerlerit Inaat, aningaasaliissutit 0,014 mio. koruuninik ikilisinneqassasut,
- kontomi pingaarnermi 80.00.10 Sanaartugassanut Iluarsagassanullu Aningaasaateqarfimmut utertitassat, aningaasaliissutit 3,622 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Suliassamut matumani pineqartumut ataatsimiititaliaq oqaaseqaatissaqanngilaq. Sanaartugassanullu Iluarsagassanullu Aningaasaateqarfimmi aningaasat amerlaqisut pituttugaallutik uningasuutigineqartut oqaluuserineqarnissaat pillugu ataatsimiititaliaq saaffiginnissuteqalersaarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

**Aningaasaqarnermut Nunamullu
Namminermt Naalakkersuisoq
/MAANI**

Ulloq: 5. december 2013

J.nr.: 01.31.06/13-00646

**Aningaasaqarnermut Akileraartarnermullu Ataatsimiititaliap pingasunngornermi
ulloq 4. december 2013-imi aalajangiineranik Naalakkersuisunut ilisimatitsineq**

**Sisimiuni garage-p oqoqalersimasup iluarsaannissaanut aningaasaliissutissat (Suliaq
nr. 01.31.06/13-00646).**

Naalakkersuisut **inassutigaaat**,

- kontomi pingaarnermi 80.00.10 Sanaartugassanut Iluarsagassanullu Aningaasaateqarfimmit utertitat, aningaasaliissutit, 1,8 mio. koruuninik ikilisinneqassasut, aamma
- kontomi pingaarnermi 87.73.22 Mittarfeqarfiit, mittarfiit, suliassamut nutaamut nr. 080.25.186 Sisimiuni garage-p oqoqalersimasup iluarsaanneqarnissaa, aningaasaliissutit 1,8 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Suliassamut matumunnga ataatsimiititaliaq oqaaseqaatissaqanngilaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

Aningaasaqarnermut Naalakkersuisoq

Ulloq: 23. december 2013

J.nr.: 01.31.06/13-00647

Aningaasaqarnermut Akileraartarnermullu Ataatsimiititaliap sisamangornermi ulloq 19. december 2013-imi aalajangiinera pillugu Naalakkersuisunut ilisimatitsissut

Knud Rasmussenip Højskoliata Sisimiuni illuutaasa Namminersorlutik Oqartussanut tunniunneqarnissaat aammalu Knud Rasmussenip Højskoliata Namminersorlutik Oqartussanut akiitsuusa nalikilliliivigineqarnissaat

Naalakkersuisut inassutigaaat

- Namminersorlutik Oqartussat akeqanngitsumik illuutit maanna Knud Rasmussenip Højskolianit pigineqartut tigussagai, Knud Rasmussenip Højskolialu illuatungeriittut isumaqatigiissuteqarnikkut,
- kontomi 20.10.22 aningaasaliissutaasut annikillineqassasut 8.166.000 kr.-inik, Knud Rasmussenip Højskoliata illuutiminik tunniussineratigut, taamaaliornikkullu Namminersorlutik Oqartussat Knud Rasmussenip Højskoliata Namminersorlutik Oqartussanut akiitsui 8.166.000 kr.-it isumakkeerutigissagaat.
- DAU-p inernerisassaa 8.166.000 kr.-inik ajorseriartinneqassasoq.
- Knud Rasmussenip Højskolia pisinnaatitaaffilernerneqassasoq illuutit pineqartut atugarinissaannut (højskole aamma forstanderip inaa) akiliutitaqanngitsumik, piffissami attartornermut isumaqatigiissummi ersarinnerusumik nalunaarsorneqartumi”

Aningaasaqarnermut Ataatsimiititaliap oqaaseqaatai

Knud Rasmussenip Højskoliata illuutaasa tiguneqarnissaat, højskolip Namminersorlutik Oqartussanut akiitsuusa nalikilliliivigineqarnissaat kiisalu illutat tiguneqartut højskolimit akiliutitaqanngitsumik atorneqarsinnaanissaat Naalakkersuisut qinnutigaaat.

Ataatsimiititaliap tassunga atatillugu oqaatigissavaa missingersuusiortarnermut inatsimmi § 28-mi allassimammat aningaasaliissutit allanngortinneqarnissaannik qinnuteqaatit taamaallaat annertuumik atugassiinernut attuumassuteqartariaqartut aammalu aningaasanut inatsisip suliarineqarnerani siumut naatsorsuutigereerneqarsinnaasimassanngitsut. Inatsimmut nassuiaatini erseqqissaatigineqarpoq aningaasaliissutit allanngortinneqarnissaannik pisariaqartitsineq ”tassangaannartumik” pingorsimasariaqartoq. Aammattaaq allassimavoq kissaatit ukiup tullissaani aningaasanut inatsimmut utaqqissunneqarsinnaasut Aningaasaqarnermut Akileraartarnermullu Ataatsimiititaliamut qinnuteqarnermik kinguneqartariaqanngitsut. Kiisalu allassimalluni qinnuteqaatip aningaasaqarnikkut toqqaannartumik toqqaannanngitsumillu kingunerisassai tamarmik ataatsimiititaliamut qinnuteqaammi nassuiaatigineqassasut, tamatumani ukiup tulliani sunniutaasinnaasut aamma nassuiarneqassallutik.

Højskolip aningaasaqarnikkut inissisimanagera illutallu iluarsarneqarnissamik pisariaqartitsiviunerat siumut naatsorsuutigereernejarsinnaanngitsutut oqaatigineqarsinnaanngillat, taamaattumillu qinnuteqaatip nassiunneqartup akuerineqarnissaanut suliami matumani tunngaviusinnaasumik suliami matumani peqanngitsoq ataatsimiititaliaq isumaqarpoq. Tamatumunnga taarsiullugu suliaq aningaasanut inatsisissap tulliuttup suliarineqarnerani ilaatinneqartariaqartoq ataatsimiititaliaq isumaqarpoq.

Aammattaaq ukiuni missingersuusiorfiusuni aningaasaqarnikkut kingunerisassat (erniatigut annaasassat) nassuiaatigineqartariaqartut ataatsimiititaliaq isumaqarpoq, soorluttaaq taamatut aallartitsinnginnermi suliffeqarfiit namminersortut Namminersorlutik Oqartussat illuutaannik akiliinertaqanngitsumik atuisinnerinut inatsisitigut tunngavissamik ersarissumik erseqqissaateqartoqartariaqartoq ataatsimiititaliaq isumaqartoq.

Naalackersuisunit inassuteqaatit Aningaasaqarnermut Ataatsimiititaliamit akuerineqarsinnaanngillat.

Ataatsimiititaliaq sinnerlugu

Finn Karlsen
Ataatsimiititaliap siulittaasua



INATSISARTUT

Aningaasaqarnermut Naalakkersuisoq

Ulloq: 20. december 2013

J.nr.: 01.31.06/13-00648

Aningaasaqarnermut Akileraartarnermullu Ataatsimiititaliap sisamangornermi ulloq 19. december 2013-imi aalajangiinera pillugu Naalakkersuisunut ilisimatitsissut

Nummi qullersaqarfiup allaffiata pisiarinissaanut Nukissiorfinni illuartitat atorneqarnissaat pillugu piginnaatitsissut

Naalakkersuisut inassutigaat,

Qullersaqarfiup allaffiata pisiarineranut suliffeqarfiup illuartitaannit
41,5 mio. koruuninik atuinissamut Nukissiorfiit piginnaatinneqassasut.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuerineqarput.**

Ataatsimiititaliaq sinnerlugu

Finn Karlsen

Ataatsimiititaliap siulittaasua



INATSISARTUT

Aningaasaqarnermut Naalackersuisoq

Ulloq: 20. december 2013

J.nr.: 01.31.06/13-00649

Aningaasaqarnermut Akileraartarnermullu Ataatsimiititaliap sisamangornermi ulloq 19. december 2013-imi aalajangiinera pillugu Naalackersuisunut ilisimatitsissut

Ilasstitut aningaasaliissutit – kontoni pingaarnerni 10.01.01 Naalackersuisut siulittaasuata Naalackersuisoqarfia aamma 10.10.10 Naalackersuisut, atuinerssuteqarnerup malitsigisaanik missingersuutitut sunniuteqaangitsumik nuussineq

Naalackersuisut inassutigaat,

- kontomi pingaarnerni 10.10.10 Naalackersuisut, aningaasaliissutit 0,5 mio. koruuninik amerlineqassasut, aamma
- kontomi pingaarnerni 10.01.01 Naalackersuisut Siulittaasuata Naalackersuisoqarfia, aningaasaliissutit 0,5 mio. koruuninik amerlineqassasut, aamma
- kontomi pingaarnerni 24.01.01 Akileraartarnermut Aqutsisoqarfik, allaffissorneq, aningaasaliissutit 1,0 mio. koruuninik ikilineqassasut

Aningaasaqarnermut Ataatsimiititaliap oqaaseqaatai

Pisoq, tassunga ilanngullugu inatsisilerinermi pisortaasimasup soraarnera atuinerssuteqarfiummata ataatsimiititaliap assut ajuusaarutigaa. Tassunga atatillugu ilasstitut aningaasaliissutit pillugit Naalackersuisut isummernissaannut tunngavissiami pisut atuinerssuteqarnermut pissutaasut pillugit oqaatigineqartunut aningaasartuutitut nassuiaammik nassitseqqullugit Naalackersuisut ataatsimiititaliamit qinnuigineqartut:

- *naalackersuisoqarfimmi pisortap soraartup akissarsiaanut 2013 tamakkerlugu akilerneqartut.*
- *inatsisilerinermi pisortap soraartup qaammatini 18-imi akissarsiai.*
- *Sulisut Naalackersuisut Siulittaasuannut tunuartumut toqqaannartumik attuumassuteqarlutik sulisorineqartut akissarsiaat.*
- *Inatsisilerinermi pisortap soraarsinneqarnerata aammalu tusagassiornermik ataqatigiissaarisumik atorfinitsitsilersaarneq pillugit eqqartuussissuserisut misissuineri.*

Kontot pingaarnernit attuumassuteqartut annertunerusumik aningaasaliissuteqarnissamik qinnuteqarfineqartut piffissami ullumi qinnuteqarfiusumik atuinerruffiunnginnissaat Aningaasaqarnermut Akileraartarnermullu Ataatsimiititaliap qinnuteqaammik matuminnga akuersinissaminut tunngavissaatippaa.

Aalajangikkap matuma assilinerata nassiunneratigut Aningaasaqarnermut
Akileraartarnermullu Ataatsimiititaliap Kukkuersiunerimut Ataatsimiititaliaq ilisimatissavaa.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuerineqarput.**

Ataatsimiititaliaq sinnerlugu

Finn Karlsen
Ataatsimiititaliaq siulittaasua

/Nuutinnera: Kukkuersiunerimut Ataatsimiititaliaq



INATSISARTUT

Aningaasaqarnermut Naalakkersuisoq

Ulloq: 20. december 2013

J.nr.: 01.31.06/13-00650

Aningaasaqarnermut Akileraartarnernullu Ataatsimiititaliap sisamangornermi ulloq 19. december 2013-imi aalajangiinera pillugu Naalakkersuisunut ilisimatitsissut

Taarsigassarsinissamut neriorsuutit taamaatitat inissianik nutaanik sanaartornermut atorneqarsinnaasunngorlugit missingersuutitut sunniuteqanngitsumik nuussinissaq

Naalakkersuisut inassutigaat,

kontomi pingaarnermi 89.72.11 Nammineq inissianik tapiissutitalimmik sanaartorneq, suliassamut nr. 996.37.106 Nammineq inissianik tapiissutitalimmik sanaartorneq, 2009, aningaasaliissutit 5,0 mio. kr.-inik ikilineqassasut, suliassamut nr. 996.37.112 Nammineq inissianik tapiissutitalimmik sanaartorneq, 2011, aningaasaliissutit 0,283 mio. kr.-inik ikilineqassasut aamma suliassamut nr. 996.37.115 Nammineq inissianik tapiissutitalimmik sanaartorneq, 2012, aningaasaliissutit 0,013 mio. kr.-inik ikilineqassasut, aamma
kontomi pingaarnermi 80.00.10 Sanaartugassanut Iluarsagassanullu Aningaasaateqarfimmit utertitat, aningaasaliissutit 5,296 mio. kr.-inik amerlineqassasut, aamma
kontomi pingaarnermi 89.72.11 Nammineq inissianik tapiissutitalimmik sanaartorneq, suliassamut nr. 996.37.118 Nammineq inissianik tapiissutitalimmik sanaartorneq, 2013, aningaasaliissutit 5,296 mio. kr.-inik amerlineqassasut, aamma
kontomi pingaarnermi 80.00.10 Sanaartugassanut Iluarsagassanullu Aningaasaateqarfimmit utertitat, aningaasaliissutit 5,296 mio. kr.-inik 2013-imi ikilineqassasut.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuerineqarput.**

Ataatsimiititaliaq sinnerlugu

Finn Karlsen
Ataatsimiititaliap siulittaasua



Aningaasaqarnermut Naalackersuisoq

Ulloq: 19. december 2013

J.nr.: 01.31.06/13-00651

Aningaasaqarnermut Akileraartarnermullu Ataatsimiititaliap sisamangornermi ulloq 19. december 2013-imi aalajangiinera pillugu Naalackersuisunut ilisimatitsissut

Peqqinnissaqarfiup kontuinut pingaarnernut Napparsimasut nunani allani katsorsarneqartarnerat, timikkut nappaatinut, Dronning Ingridip Napparsimavissuanut, Ataatsimut aningaasartuutit, napparsimasunik angallassinernut aamma Nuna Tamakkerlugu nakorsaaserisoqarfimmut 15 mio. kr.-inik ilassutitut aningaasaliinissamut qinnuteqaat..

Naalackersuisut inassutigaa,

- Konto pingaarnermi 34.11.01, Napparsimasut nunani allani katsorsarneqartarnerat, timikkut nappaatini aningaasaliissutit 6.000.000 kr.-inik qaffanneqassasut
- Konto pingaarnermi 34.11.03 Dronning Ingridip Napparsimavissuani aningaasaliissutit 3.000.000 kr.-inik qaffanneqassasut
- Konto pingaarnermi 34.12.03, Ataatsimut aningaasartuutit, napparsimasunik angallassinernut aningaasaliissutit 3.000.000 kr.-inik qaffanneqassasut
- Konto pingaarnermi 34.12.05, Nuna tamakkerlugu nakorsaaserisoqarfimmut aningaasaliissutit 4.500.000 kr.-inik qaffanneqassasut
- Konto pingaarnermi 34.01.01, Peqqissutsimut Attaveqarnermullu Naalackersuisoqarfimmut aningaasaliissutit 1.500.000 kr.-inik ikilineqassasut
- Konto pingaarnermi 20.11.50, Ingerlatsinernut sillimmatini aningaasaliissutit 2.800.000 kr.-inik ikilineqassasut
- Konto pingaarnermi 20.05.31, Kommunini aningaasartuutaanerusussanut immikkoortitani aningaasaliissutit 731.000 kr.-inik ikilineqassasut
- Konto pingaarnermi 20.30.10, Namminersorlutik Oqartussat qitiusumik allaffeqarfiini aningaasaliissutit 3.000.000 kr.-inik ikilineqassasut
- IST-mi angusat 8.469.000 kr.-inik ajornerulissasut.

Aningaasaqarnermut Ataatsimiititaliap oqaaseqaatai

Ukiup naalernerani peqqinnissaqarfimmut aningaasarpassuarnik nuussinissaq aammaarluni pisariaqartinneqarmat ataatsimiititaliamit assut ajuusaarutigineqarpoq. Aningaasartuutit arlallit, pingaartumik peqqinnissaqarfiup iluani, siumut naatsorsoruminaassinnaammata ataatsimiititaliamit ilisimaneqarpoq, taamaakkaluartoq ataatsimiititaliamit uparuarneqartariaqarpoq ilassutitut aningaasaliissuteqarnissamik qinnuteqaatit saqqummiunneqartumi matumani annertutigisumik aningaasartallit amigartumik missingersuusiortarnermik peqquteqarmata.

Kontoni pingaarnerni annertunerusumik aningaasaliissutinik qinnuteqarfiusuni ullormi qinnuteqarfiusumi atuinerusoqarsimannginnissaa qinnuteqaatip matuma akuerinissaanut Aningaasaqarnermut Akileraartarnermullu Ataatsimiititaliap tunngavissaatippaa.

Aalajangikkap matuma nuutinnerata nassiunneratigut Aningaasaqarnermut Akileraartarnermullu Ataatsimiititaliap Kukkuersiunerimut Ataatsimiititaliaq ilisimatissavaa.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuerineqarput**.

Ataatsimiititaliaq sinnerlugu

Finn Karlsen
Ataatsimiititaliap siulittaasua

/Nuutinnera: Kukkuersiunerimut Ataatsimiititaliaq



INATSISARTUT

Aningaasaqarnermut Naalakkersuisoq

Ulloq: 23. december 2013

J.nr.: 01.31.06/13-00652

Aningaasaqarnermut Akileraartarnermullu Ataatsimiititaliap ataasinngornermi ulloq 23. december 2013-imi aalajangigaa pillugu Naalakkersuisunut ilisimatitsissut

Suliassat Naalakkersuisunit naammassineqarusuttut aallartinneqarnissaannut atatillugu Royal Greenland A/S-ip aningaasartuutaasa matussutissaannut tunngasoq

Naalakkersuisut inassutigaa,

Suliassat Naalakkersuisunit naammassineqarusuttut aallartinneqarnissaannut atatillugu Royal Greenland A/S-ip aningaasartuutaasa matussutissaannut tunngasoq pillugu inassuteqaatit ilanngunneqartoq akuerineqassasoq. Matussusiinissamut aningaasat 3.185.331 DKK-nik aningaasartallit konto pingaarnermit 50.01.18-imit "Ingerlatsinissamik isumaqatigiissutit, tunisassioffiit"-nit tiguneqassasut.

Aningaasaqarnermut Ataatsimiititaliap oqaaseqaatai

Maniitsup eqqaa pillugu Royal Greenland A/S-imik kiffartuussinissamik isumaqatigiissummut tapiliussa q aammalu Sisimiut eqqaat pillugu Royal Greenlandimik kiffartuussinissamik isumaqatigiissummut tapiliussa (suliaq nr. 13-623 aamma 13-638) pillugit Naalakkersuisunit qinnuteqaatit ataatsimiititaliamit siuisinnerusukkut suliarineqarput, suliani taaneqartuni Naalakkersuisunit inassuteqaatit ataatsimiititaliami amerlanerussuteqartunit itigartinneqarlutik ataatsimiititaliamillu isumaqatigiittunit akuerineqarlutik. Ingerlatassat kiffartuussinissamik isumaqatigiissutinut tapiliussani ilaatinneqarlutik itigartinneqartut ingerlanneqarnerannut Royal Greenlandip aningaasartuutaasa matussuserneqarnissaanut kontomit pingaarnermi 50.01.18-imit, Ingerlatsinermut isumaqatigiissutinut, tunisassioffinnut tunngasumit aningaasanik atuinissartik Naalakkersuisut qinnuteqaammi matumani kissaatigaa.

suliani nr. 13-623 aamma 13-638-mi aalajangikkanut atatillugu apeqqutinut ataatsimiititaliamit saqqummiunneqartunut naammaginartumik nassuiaateqartoqanngitsoq **Aningaasaqarnermut Akileraartarnermullu Ataatsimiititaliami amerlanerussuteqartut** Siumumit Atassumillu aallartitat suli isumaqarput. Aammattaaq qinnuteqaat manna akuerineqaraluarpat aningaasartuutit kingumut atuuttumik akilerneqarnissaat akuerineqassaaq.

Suliami nr. 13-623-mi ikinnerussuteqartut oqaaseqaataat innersuussutigalugu

Aningaasaqarnermut Akileraartarnermullu Ataatsimiititaliami ikinnerussuteqartut

Inuit Ataqaatigiinnit aallartitat Naalakkersuisut qinnuteqaataat akuerisinnaavaat. Taamaattorli

ikinnerussuteqartut isumaqarlutik suliat 13-623, 13-638 aamma suliaq manna pillugit ingerlatsinerup tamarmiusup isumarineqarnerata sakkortuumik uparuarnissaanut tunngavissaqarsoripput, tamatumani suliat nassiunneqarneranni aalajangiinissami tunngavissamik naammaginartumik Naalakkersuisut qulakkeerinatik, soorluttaaq nassiussinerit kingusinaarujussuurtumik pisarsimasut.

Aningaasaqarnermut Ataatsimiititaliap aalajangiinera

Aningaasaqarnermut Ataatsimiititaliami amerlanerussuteqartut Siumumeersut Atassummeersullu Naalakkersuisunit inassuteqaatit **akuerinngilaat**.

Aningaasaqarnermut Ataatsimiititaliami ikinnerussuteqartut Inuit Ataqtigiinneersut Naalakkersuisunit inassuteqaatit **akueraat**.

Ataatsimiititaliaq sinnerlugu

Finn Karlsen
Ataatsimiititaliap siulittaasua